

শ্রীহেমেন্দ্রবিজয় সেন, এম্-এ, বি-এল,

প্রণীত

সংশোধিত ও পরিবর্দ্ধিত

সংস্করণ

[ অক্টো, ১৩৫৩ ]

মূল্য এক টাকা


প্রকাশক—শ্রীসুবোধচন্দ্র মজুমদার  
দেব সাহিত্য-কুটীর  
২২।৫ বি, বামাপুকুর লেন, কলিকাতা

শ্রীযোগেশচন্দ্র বন্দ্যোপাধ্যায়ঃ  
সম্পাদিত

প্রিন্টার—এস. সি. মজুমদার  
দেব-প্রেস  
২৪, বামাপুকুর লেন, কলিকাতা

## উৎসর্গ

দেশ-মাতৃকার পূজা—মহাত্রত জীবনের মাঝে  
বরণ করিল যারা ; পরাধীন মাতৃভূমি হেরি'  
হৃদয়-তল্লীতে যার অশরীরী মহাধ্বনি বাজে ;  
অত্যাচার-উৎপীড়ন করে জয় বাজাইয়া ভেরী ;  
দেশে দেশে যুগে যুগে করে দান শোণিতেয় ধারা,  
ক্ষুধা-তৃষ্ণা মহাক্লেশ হেলায় সহিল অনিবার ;  
মহানন্দে কারাগারে বরণ করিখা নিল যারা ;—  
দিলাম তাদের করে 'নেতাজী স্মরণ' আমার ।





## গ্রন্থকায়েৰ নিবেদন

বাংলাৰ তথা ভাৰতৰ গৃহে গৃহে সুভাষচন্দ্র বহুৰ নাম 'গাজ প্রাণ্ডস্মরণীয় হইয়া উঠিয়াছে'। তাঁহার অসামান্য প্রতিভা, অলৌকিক স্মৰ্থত্যাগ, অতুতপূৰ্বতে দৃষ্টিতা, অদ্বিতীয় সজ্জগঠন-শক্তি, সৰ্ব্বোপরি নিৰ্ম্মল মন্দাকিনী-ধাৰাৰ মত তাঁহার অকৃত্রিম অনাবিল স্বদেশপ্ৰেম তাঁহাকে ধনি-দরিদ্র-নিৰ্ব্বিশেষে ছোট-বড় সকলেৰ প্ৰিয় কৰিয়া তুলিয়াছিল।

হইতে পারে তিনি জীবনে সাক্ষ্য লাভ কৰিতে পাবেন নাই; কিন্তু স্বদেশের স্মৰ্থনতা অৰ্জনের জন্য তাঁহার জীবন-ব্যাপী প্ৰচেষ্টা রাণা প্ৰতাপের মত ইতিহাসে পৃষ্ঠায় তাঁহাকে অমর কৰিয়া রাখিবে, সন্দেহ নাই।

তাঁহার জীবন বিফলতায় পৰ্য্যাপন্ন হইলেও তাঁহার মহৎজীবনে শিক্ষার অনেক কিছু আছে। তাই বাংলা-মায়েয় অঞ্চলের নিধি সুভাষচন্দ্রের জীবন-কাহিনী প্ৰণয়নে আমাৰ এই ক্ষুদ্ৰ প্ৰয়াণ।

এই গ্ৰন্থ প্ৰণয়নে আমি বহুস্থানে "কলিকাতা মিউনিসিপ্যাল গেজেট, সুভাষ-সংখ্যা"ৰ সাহায্য গ্ৰহণ কৰিয়াছি। তন্ত্ৰিৰ নাময়িক পত্ৰিকা, ংবাদ-পত্ৰ, শ্ৰীযুক্ত হেমেन्द्रনাথ দাশগুপ্ত প্ৰণীত "দেশবন্ধু-স্মৃতি", অধ্যাপক শ্ৰীবিমলকুমাৰ সরকার প্ৰণীত "বিনয় সরকারের বৈঠকে", সুভাষবাবুৰ নিজেৰ রচনা "স্বদেশী ও বয়কট" (ইংরেজী) হইতেও অনেক সাহায্য গ্ৰহণ

করিয়াছি। তজ্জন্য উপরিলিখিত পুস্তক ও পত্রিকার লেখক ও সম্পাদকগণকে আমি আমার আন্তরিক কৃতজ্ঞতা জ্ঞাপন করিতেছি।

পরিশেষে “দেব সাহিত্য-কুটীরের” স্বত্বাধিকারী শ্রদ্ধেয় শ্রীযুক্ত সুবোধচন্দ্র মজুমদার মহাশয়কে আমার আন্তরিক কৃতজ্ঞতা জ্ঞাপন না করিলে আমার কর্তব্য অসম্পূর্ণ থাকিয়া যায়; কারণ তিনিই সূভাষচন্দ্র বসুর জীবন-চরিত প্রণয়নে আমাকে উৎসাহিত এবং সর্বপ্রকারে সাহায্য করিয়াছেন। তাঁহার উৎসাহ এবং সাহায্য না পাইলে স্বদেশপ্রেমিক নেতাজী সূভাষচন্দ্রের কীর্তি-কাহিনী লেখনীমুখে প্রকাশিত হইত কি না সন্দেহ।

মঙ্গলময় ভগবান্ নেতাজী সূভাষচন্দ্রের আত্মাকে শাস্তিদান করুন।

১১ বি, শম্ভুবাবু লেন,  
কলিকাতা } শ্রীহেমেন্দ্রবিজয় সেন  
দোল-পূর্ণিমা, ১৩৫২ বঙ্গাব্দ

## সম্পাদকের নিবেদন

শ্রীমদ্ভগবৎ শ্রীযুক্ত হেমেন্দ্রবিজয় সেন মহাশয় যখন “নেতাজী সুভাষচন্দ্র” লিখিতে আরম্ভ করেন, তখন পর্য্যন্ত এই বিরাট পুস্তকটির সব কথা ও তাঁহার অলৌকিক কীর্তির অনেক-কিছু সাধারণের অজ্ঞাত ছিল। কাজেই মাত্র এক মাসের মধ্যেই প্রথম সংস্করণ ফুরাইয়া যাওয়ার দ্বিতীয় সংস্করণ ছাপানোর আগে বইখানি আবার নূতন ভাবে পরিমার্জনের প্রয়োজন মনে হয়। দেব সাহিত্য-কুটারের কর্ণধার শ্রীযুক্ত সুবোধচন্দ্র মজুমদার মহাশয় সে দায়িত্ব আমারই কাঁধে চাপাইয়া দেন।

এই দায়িত্ব আমার পক্ষে অতি কষ্টকর হইলেও আমি তাহা যথাসাধ্য বহন করিবার চেষ্টা করিয়াছি; কিন্তু কতটুকু কৃতকার্য হইয়াছি, সে বিচার করিবেন আমার পাঠক-পাঠিকাগণ। তবে একটা কথা বলা আবশ্যিক মনে করি।

আমার কলম-চালনা ও ভিন্ন দৃষ্টিভঙ্গীর ফলে পুস্তকের গৌরব যদি কোথাও ক্ষুণ্ণ হইয়া থাকে, অথবা কাহারও আপত্তিকর কিছু ইহাতে প্রবেশ করিয়া থাকে, তাহা হইলে সেজন্য দায়ী এই নগণ্য সম্পাদক,—মূল গ্রন্থকার হেমেন্দ্রবিজয় বাবু একেবারেই দায়ী নহেন। ইতি—

কলিকাতা  
১১নং কৈলাশ বসু ষ্ট্রীট  
২ই জ্যেষ্ঠ, ১৩৫৩

} শ্রীযোগেশচন্দ্র বন্দ্যোপাধ্যায়  
সম্পাদক

## সূচীপত্র

এক—বাল্য-জীবন ...	...	...	১
দুই—বিদ্যার্থী-জীবন...	...	...	৬
তিন—কর্ম-জীবন ...	...	...	১৩
দেশবন্ধু চিত্তরঞ্জনের সাহচর্য্য ...	...	...	১৩
জন-নায়ক	...	...	২৭
কলিকাতা কর্পোরেশনের অল্ডারমান ও			
মেম্বর সুভাষচন্দ্র	...	...	৩৭
ইয়োরোপ-প্রবাস	...	...	৪৫
ভারতীয় জাতীয় মহা-সমিতির সভাপতি	...	...	৫৩
চারি—অশুদ্ধান	...	...	৬৩
পাঁচ—অন্তর্দানের বিবরণ	...	...	৭৫
ছয়—সুদূরের যাত্রী	...	...	৯১
সাত—খাজাদ-হিন্দ কোজ ও খাজাদ-হিন্দ গভর্নমেন্ট			১০১
আট—নজপাত্ত	...	...	১৩২
নয়—সুভাষ-স্মরণে	...	...	১৪০
দশ—ব্যক্তিত্ব	...	...	১৪৪

---



# নেতাজী সুভাষচন্দ্র

এক

## বাল্য-জীবন

জন্ম—মাতাপিতা—প্রথম বিদ্যাশিক্ষা আরম্ভ।

বাংলার স্বসন্তান, দেশ-মাতৃকার একনিষ্ঠ সেবক অলোক-সামান্য ত্যাগী, সুখে-দুঃখে নিঃস্পৃহ, বাঙ্গালী বীর, নেতাজী সুভাষচন্দ্র বঙ্গ মহাশয় ১৮৯৭ খৃষ্টাব্দের ২৩শে জানুয়ারী মহানদীর তীরবর্তী কটক সহরে সর্গচ্যুত মন্দার-কুসুমের মত ধূলি-মলিন ধরণী-বক্ষে এক শুভ মুহূর্তে সর্বপ্রথম সূর্যালোককে অভিনন্দিত করেন।

এই দিন যে নবীন জ্যোতিষ্ক ভারতের ভাগ্য-গগনে সমুদিত হইল, তাহার বিমল দ্যুতি আজ ভারতের এক প্রান্ত হইতে অপর প্রান্ত পর্যন্ত পরিপূর্ণ বিকীর্ণ, এবং তাহার প্রভাবে, আজ শুধু আসমুদ্র-হিমাচল নহে, প্রতীচির শেতরীপ পর্যন্ত চঞ্চল হইয়া উঠিয়াছে!

সুভাষচন্দ্রের পিতার নাম জানকীনাথ বঙ্গ এবং মাতার নাম প্রভাবতী বঙ্গ। বঙ্গ-পরিবারের আদি নিবাস জেলা চব্বিশ-পরগণার অন্তর্গত কোদালিয়া গ্রামে। জানকীনাথ

বাংলাদেশ ত্যাগ করিয়া সুদূর কটকে ব্যবহারাজীবের কার্যে যোগদান করেন। এই স্থানে ভাগ্যালক্ষ্মীর অপার করুণা তাঁহার উপর বর্ষিত হইতে থাকে। ধীরে-ধীরে তিনি স্থানীয় উকিলগণের শীর্ষস্থান অধিকার করিয়া বার-লাইব্রেরীর নেতৃহ এবং গভর্নমেন্ট প্লীডারের পদ পর্য্যন্ত লাভ করিয়াছিলেন। তাঁহার কার্যে সন্তুষ্ট হইয়া গভর্নমেন্ট তাঁহাকে “রায় বাহাদুর” উপাধি দ্বারা সমলঙ্কিত করেন।

জানকীনাথ নিজে যেরূপ বিদ্বান ও বিজ্ঞোৎসাহী ছিলেন, তিনি স্বীয় পুত্রগণকেও অনুরূপভাবে শিক্ষিত করিবার প্রয়াস পান। ব্যবহারাজীবের কার্যে উপার্জিত বিপুল অর্থ তিনি পুত্রগণের সুশিক্ষার জন্ত অকাতরে ব্যয় করিয়াছেন। তাঁহার আটটি পুত্র এবং ছয়টি কন্যার মধ্যে দুইটি পুত্র এবং চারিটি কন্যা পূর্বেই পরলোক গমন করিয়াছেন; অবশিষ্ট ছয়টি পুত্রের নাম—সতীশচন্দ্র, শরৎচন্দ্র, সুধীরচন্দ্র, সুরেশচন্দ্র, সুনীলচন্দ্র এবং সুভাষচন্দ্র।

জানকীনাথ পুত্রগণের প্রত্যেককে শিক্ষাদানের জন্ত ইয়োরোপে পাঠাইতে দ্বিধা বোধ করেন নাই; কারণ, তিনি বুঝিয়াছিলেন,—পাশ্চাত্ত্য শিল্প, বিজ্ঞান ও শিক্ষা আয়ত্ত করিতে না পারিলে, এবং যে সমস্ত জাতি বর্তমান জগতে প্রভাব বিস্তার করিয়া বড় হইয়াছে তাহাদের সংস্পর্শে না আসিলে, জগতের বৃক্কে মানুষের মত দাঁড়ান সম্ভব নহে।

জানকীনাথের ইচ্ছা আজ পরিপূর্ণ হইয়াছে—তাঁহার সকল পুত্রই কৃতবিদ্ব ; তন্মধ্যে দুই পুত্র—সুভাষচন্দ্র ও শরৎচন্দ্রের

যশোরশি সূর্য ও পূর্ণচন্দ্রের মত ভারতাকাশ চির-দীপ্তিতে সমুদ্ভাসিত রাখিবেন।

জানকীনাথ নিজে অত্যন্ত তেজস্বী ছিলেন। গভর্নমেন্ট প্লীডার এবং গভর্নমেন্টের উপাধিধারী হইলেও তিনি কোন দিন গভর্নমেন্টের অন্তায় কার্য সমর্থন করিতে পারেন নাই। আইন-অমান্য আন্দোলনের সময় গভর্নমেন্ট যখন প্রচণ্ডভাবে দমন-নীতির প্রয়োগ করিতে আরম্ভ করিয়াছিলেন, তখন তেজস্বী জানকীনাথ গভর্নমেন্টের এই কার্যের প্রতিবাদ-স্বরূপ “রায় বাহাদুর” উপাধি বর্জন করিতেও কুণা বোধ করেন নাই। পিতার এই তেজস্বিতা এবং স্বাধীনচিত্ততা পুত্র সুভাষচন্দ্রের মধ্যে পূর্ণভাবে সংক্রমিত হইয়াছিল।

জানকীনাথ পাঁচাত্তর বৎসর বয়সে পরলোক গমন করেন। সুভাষচন্দ্রের জননী প্রভাবতীও সর্ববাংশে স্বামীর অনুরূপ ছিলেন। তাঁহার অসামান্য দয়া, মায়া, স্নেহ প্রভৃতি চারিত্রিক সদগুণরাজি তাঁহার পুত্র-কন্যাগণের—বিশেষতঃ সুভাষচন্দ্রের মধ্যে সমুজ্জ্বলভাবে বিকশিত হইয়া উঠিয়াছিল।

তিনি আদর্শ হিন্দু রমণী ছিলেন ; কিন্তু সুশিক্ষার জন্য পুত্র-কন্যাগণের ইয়োরোপ গমনে কখনও বাধা প্রদান করেন নাই। দীন-দরিদ্রের দুঃখ-দুর্দশা দর্শনে তাঁহার হৃদয় বিগলিত হইত এবং তিনি সর্বদাই মুক্তহস্তে তাহাদের দুঃখ-মোচনে নিরত থাকিতেন। পরবর্তীকালে বিভিন্ন কৰ্মক্ষেত্রে মাতার এই পরদুঃখ-কাতরতাও সুভাষচন্দ্রের মধ্যে আত্ম-বিকাশ করিয়াছিল।

বিগত ১৯৪৩ খৃষ্টাব্দের ২৮শে ডিসেম্বর তারিখে শরৎচন্দ্র ও সুভাষচন্দ্রের জননী প্রভাবতী দেবী ছিয়াত্তর বৎসর বয়সে হিন্দুর চির-আকাঙ্ক্ষিত স্বর্গে গমন করিয়াছেন।

পাঁচ বৎসর বয়সে সুভাষচন্দ্র কটকের প্রেটেক্টোর্ট ইন্স্ট্রোরোপীয়ান স্কুলে ভর্তি হন। এই বিদ্যালয়ে তিনি দ্বাদশ বৎসর বয়স পর্য্যন্ত অধ্যয়ন করিয়াছিলেন।

সুভাষচন্দ্রের বাল্য-জীবনের এই ছয়-সাত বৎসর, সমগ্র জীবনের অতি সামান্য অংশ হইলেও, চরিত্র-গঠনে ইহা তাঁহাকে নিতান্ত কম সাহায্য করে নাই! পাশ্চাত্য মানব-চরিত্রের দোষ-গুণ তিনি অতি মনোযোগের সঙ্গেই লক্ষ্য করিতে পারিয়াছিলেন! পাশ্চাত্যের সজীবতা ও নিজেদের জড়তা তিনি নিজের অন্তরে অনুভব করিয়া ক্ষুব্ধ হইয়া পড়িতেন! আর সঙ্গে-সঙ্গে সমস্ত দুর্বলতা, গ্লানি ও অপমান এক মুহূর্তে দূরে নিক্ষেপ করিয়া সিংহ-বিক্রমে জগতে দণ্ডায়মান হইবার আকাঙ্ক্ষায় অনুপ্রাণিত হইয়া উঠিতেন! আর তখন হইতেই কি এক দৃঢ় সঙ্কল্পের নিশ্চয় গুরুভার তাঁহার ভবিষ্যৎ জীবনের স্পষ্ট ভাবরাশিকে মহানদীর তরঙ্গ-কল্লোলে প্রতিধ্বনিত করিয়া, তাঁহাকে উন্মনা করিয়া তুলিত!

সুভাষচন্দ্র বাল্যকাল হইতে চিন্তাশীল ছিলেন। বিদ্যা-শিক্ষার প্রতি তাঁহার অনুরাগও বাল্যকাল হইতেই পরিলক্ষিত হইত। লেখাপড়ার জন্য তাঁহাকে কোনদিন কোনরূপ তাড়না করিতে হয় নাই। স্বাভাবিক সংস্কার-বশেই যেন তিনি পাঠ্য পুস্তক লইয়া বসিতেন!

দীন-দরিদ্রের দুঃখ-মোচনের আন্তরিক ইচ্ছা, আর্তের পরিত্রাণ-কামনা, রোগীর রোগ-শয্যায় শুশ্রূষা করিবার অভিলাষ, মোট কথা, সমগ্রভাবে জনসাধারণের তথা জননী জন্মভূমির দেবার আকাঙ্ক্ষা, তাঁহার অন্তরলোকে বিকশিত হইয়া উঠিত ; কিন্তু তখনও তাহার বাহ-বিকাশ তেমন দেখা যাইত না। এক কথায় বলা চলে—তাঁহার বৃহত্তর জীবনের ছায়া যেন সেই বাল্য-জীবনেই প্রতিফলিত হইয়া উঠিত। এই প্রসঙ্গে স্মৃত্যেই মনে পড়ে পাশ্চাত্য অন্ধ মহাকবির অমর বাণী—

“Childhood shows the man,  
As morning shows the day.”



ছই

## বিদ্যার্থী-জীবন

র্যাভেনশা কলেজিয়েট স্কুলে—রামকৃষ্ণ-বিবেকানন্দের  
প্রভাব—বেণীমাধব দাসের প্রভাব—ম্যাট্রিকুলেশন  
পরীক্ষা—ধর্মভাবের প্রাবল্য—তেজস্বিতার প্রথম  
বিকাশ—বি. এ. উপাধি লাভ—আই. সি. এম.—  
কেম্ব্রিজের বি. এ.।

দ্বাদশ বৎসর বয়ঃক্রমকালে স্ত্রীভাষচন্দ্রকে প্রটেক্ট্যান্ট  
ইয়োরোপীয়ান স্কুল হইতে লইয়া আসিয়া র্যাভেনশা কলেজিয়েট  
স্কুলে ভর্তি করিয়া দেওয়া হয়। বর্মার বারিখারা-সম্পাতে  
সুপ্ত বীজ যেমন অক্লুরিত হইয়া উঠে, এইবার সময় এবং  
স্বযোগের প্রভাবে স্ত্রীভাষচন্দ্রের মনোজগতে সেইরূপ সুপ্ত  
বুদ্ধিসমূহ জাগিয়া উঠিল :

এতদিন ইয়োরোপীয় স্কুলে বিদ্যাভ্যাসে নিরত থাকায়,  
ঠিক জাতীয় ধর্মভাবের প্রেরণা তিনি লাভ করিতে পারেন  
নাই। র্যাভেনশা কলেজিয়েট স্কুলে আসিবার পর হইতে  
শ্রীশ্রীরামকৃষ্ণ পরমহংসদেবের স্মধুর উপদেশাবলীর সহিত  
তিনি পরিচিত হইতে আরম্ভ করেন ; সঙ্গে-সঙ্গে শ্রীশ্রীরাম-  
কৃষ্ণের প্রধান শিষ্য ও বাণী-প্রচারক ভারতের অগ্ৰতম গৌরব ও  
দেশ-মাতৃকার অগ্ৰতম স্নসন্তান স্বামী বিবেকানন্দের কার্যাবলী  
তাঁহাকে অনুপ্রাণিত করিতে আরম্ভ করে।

চুম্বকের আকর্ষণে লৌহ যেমন তাহার দিকে আকৃষ্ট হয়, তেমনি স্বামী বিবেকানন্দ-প্রবর্তিত রামকৃষ্ণ-মিশনের সেবা-কার্যের দিকে কিশোর সুভাষচন্দ্রও চনিয়া পড়িলেন। যখন তিনি সেকেণ্ড ক্লাসে পড়িতেন, তখনই তিনি রোগীর শুশ্রুতায়, দুঃখীর দুঃখ-মোচনে এবং দরিদ্রের সেনায় দিবসের অধিকাংশ সময় কাটাইয়া দিতেন।

এই সময় কটক র্যাভেনশা কলেজিয়েট স্কুলের হেডমাস্টার ছিলেন শ্রীযুক্ত বেণীমাধব দাস এম্. এ.। ইনি পরে কলিকাতা সংস্কৃত কলেজিয়েট স্কুল হইতেই পেন্সন গ্রহণ করেন।

ইনি অত্যন্ত ধার্মিক ও সদেশপ্রেমিক ছিলেন। তাঁহার জন্মস্থান চট্টগ্রাম। ইঁহার কন্যা শ্রীমতী বীণা দাস কলিকাতা বিশ্ববিদ্যালয়ের কনভোকেশনে মহামান্য গভর্নর বাহাদুরকে গুলি করিয়া রাজদণ্ডে দণ্ডিত হইয়াছিলেন। সম্প্রতি তাঁহাকে মুক্তিদান করা হইয়াছে।

শ্রীযুক্ত বেণীমাধব দাস মহাশয় সুশিক্ষক বলিয়া বিশেষ খ্যাতিলাভ করিয়াছিলেন। এতদ্বিন্ন তাঁহার সরল অমায়িক ব্যবহার এবং ছাত্রগণের প্রতি স্নেহ আচরণ তাঁহাকে অত্যন্ত জনপ্রিয় করিয়া তুলিয়াছিল। কাহারও কোনরূপ দোষ-ত্রুটি দেখিলে তিনি প্রথমে মিন্ট ব্যবহারে তাহা সংশোধনের প্রয়াস পাইতেন। উহাতে কোনরূপ কল না হইলে পরে শৃঙ্খলা-রক্ষার্থ কঠোরতা অবলম্বনেও বিধা-বোধ করিতেন না।

গুরুর এই দুইটি সদগুণ—কোমল ও কঠোরের অপূর্ব সংমিশ্রণ—শিষ্য স্মৃতিচক্রে সম্পূর্ণরূপে প্রতিফলিত হইয়াছিল। মহাকবি ভবভূতির ভাষায় বলা যায়, তিনি ছিলেন--

“বজ্রাদপি কঠোরানি মৃদুনি কুম্বাদপি।

লোকোত্তরাণাং চেতাংসি কোহি বিজ্ঞাতুমীশ্বরঃ ॥”

১৯১৩ খৃষ্টাব্দে স্মৃতিচক্র কটক র্যাভেনশা কলেজিয়েট স্কুল হইতে ম্যাট্রিকুলেশন পরীক্ষা প্রদান করেন। এই পরীক্ষায় তিনি কলিকাতা বিশ্ববিদ্যালয়ে দ্বিতীয় স্থান অধিকার করিয়া বৃত্তি লাভ করেন। এইবার মহানদীর তীর হইতে বাসভূমি জাহ্নবীর তীরে পরিবর্তিত হইল—কটক ত্যাগ করিয়া তিনি বিদ্যালয়শিক্ষার্থ কলিকাতা আগমন করিলেন এবং প্রেসিডেন্সী কলেজে ভর্তি হইলেন।

প্রেসিডেন্সী কলেজে আই. এ. পড়িবার সময় স্বামী বিবেকানন্দের ঞায় তিনিও তাঁহার বুদ্ধির মাঝে কি এক নিদারুণ অশান্তি ও অতৃপ্তি অনুভব করিতে লাগিলেন! কটক-শস্যায় বাঁহার ভবিষ্যৎ বিশ্রাম, তিনি কি কখনও ধনী হইলে ঞায় তৃপ্তি লাভ করিতে পারেন? শীঘ্রই তাঁহার মনোজগতে এক ধর্ষাভাবের প্রাবল্য উপস্থিত হইল। বাহ্যজগতে পার্থিব বিষয়ে উন্নতি অপেক্ষা আত্মার মুক্তি উচ্ছলতর হইয়া ফুটিয়া উঠিল। গৃহে বাস তাঁহার নিকট বন্ধনরূপে দেখা দিল।

যে রহস্য মীমাংসার জগৎ বুদ্ধদেব একদিন রাজৈশ্বর্য্য ত্যাগ করিয়া ভিক্ষু সাজিয়াছিলেন, যে ভূমানন্দের প্রত্যাশায়



নবদীপের নিমাই পণ্ডিত তাঁহার পাণ্ডিত্য-খ্যাতি, সুন্দরী স্ত্রী, স্নেহশীলা জননী প্রভৃতি ত্যাগ করিয়া নীলাচলের পথে-পথে গাহিয়া বেড়াইতেন—

“ন ধনং, ন জনং, ন সুন্দরীং, কবিতাং বা জগদীশং কাময়ে”—  
সুভাষচন্দ্রের প্রাণেও সে রহস্য-মীমাংসার চিন্তা সমুদিত হইল, সে ভূমানন্দ লাভের আকাঙ্ক্ষা জাগরিত হইল।

তিনি আর গৃহে থাকিতে পারিলেন না—আত্মীয়-স্বজনের অজ্ঞাতসারে সঙ্গুরু লাভ করিয়া জীবন কৃতার্থ করিবার অভিপ্রায়ে গৃহত্যাগ করিয়া প্রব্রজ্যা অবলম্বন করিলেন। ভারতের বিভিন্ন তীর্থক্ষেত্রে পরিভ্রমণ করিয়া জটাজুট-বিমণ্ডিত বিভূতি-ভূষিত সন্ন্যাসি-মহলে তিনি সঙ্গুরুর অনুসন্ধান করিতে লাগিলেন। কিন্তু বিধাতা তাঁহাকে বুদ্ধ, চৈতন্য, কবির, নানক, তুলসীদাস, বিজয়কৃষ্ণ প্রভৃতি মহাপুরুষগণের পদধূলি-বিরঞ্জিত ক্ষুদ্র মার্গে বিচরণ করিবার জন্ম সৃষ্টি করেন নাই—তাঁহার কর্মক্ষেত্র ছিল সম্পূর্ণ বিভিন্ন। পর-পদানতা শৃঙ্খলিতা স্বদেশ-জননী যেন মলিন-বদনে তাঁহারই মুখের দিকে কাতর ভাবে দৃষ্টিপাত করিয়া ছিলেন! সেই জন্ম তিনি গৃহত্যাগী সন্ন্যাসীর দলে মিশিয়াও ঠিক মনের মত গুরুর দর্শন পাইলেন না। সুতরাং তিনি গৃহে ফিরিয়া সুবোধ বালকের গ্রাম আবার পাঠ্য পুস্তকে মনঃসংযোগ করিলেন।

১৯১৫ খৃষ্টাব্দে তিনি আই. এ. পরীক্ষায় প্রথম বিভাগে উত্তীর্ণ হন এবং দর্শন শাস্ত্রে অনার্স লইয়া প্রেসিডেন্সী কলেজেই বি. এ. পড়িতে থাকেন।

সুভাষচন্দ্র যখন তৃতীয় বার্ষিক শ্রেণীতে অধ্যয়ন করিতেন, তৎকালে ই. এফ. ওটেন মহোদয় প্রেসিডেন্সী কলেজে ইতিহাসের অধ্যাপক ছিলেন \* এবং এইচ. আর. জেমস ছিলেন প্রিন্সিপ্যাল। ই. এফ. ওটেন মহোদয় পরে বাংলার ডিরেক্টর অফ পাবলিক ইন্সট্রাকশন্স-এর পদ অলঙ্কৃত করিয়াছিলেন।

মিঃ ওটেন অনেক সময় ভারতীয় ছাত্রদের মনোবৃত্তি আহত করিতে কুণ্ঠিত হইতেন না। ইহাতে সুভাষচন্দ্র জীবনে প্রথম শাসকজাতির গর্ব এবং ঔদ্ধত্যের বিরুদ্ধে দণ্ডায়মান হইলেন এবং তাঁহার জীবনে এই প্রথম পুঁথিগত নীতি ও পুঁথিগত স্বদেশপ্রেম কর্মক্ষেত্রে ভীষণ পরীক্ষার সম্মুখীন হইল; এবং যখন তিনি এই পরীক্ষায় উত্তীর্ণ হইয়া অক্ষত শরীরে বাহির হইয়া আসিলেন, তখন তাঁহার ভবিষ্যৎ জীবন চিরকালের জন্য নির্ধারিত হইয়া গেল।†

অধ্যাপক মিঃ ওটেনকে প্রহার করার অভিযোগে সুভাষচন্দ্র অনির্দিষ্টকালের জন্য প্রেসিডেন্সী কলেজ तथा বিশ্ববিদ্যালয় হইতে বিতাড়িত হন। পরে শিক্ষাত্রতী পুরুষসিংহ স্মার

\* দি ক্যালকাটা মিউনিসিপ্যাল গেজেটে ই. এফ. ওটেনকে প্রিন্সিপ্যাল বলিয়া উল্লেখ করা হইয়াছে। উহা ভ্রমাত্মক।

† "Prof. Oaten was said to have wounded the feelings of the Indian Students and Subhash Chandra, for the first time in his life, made a bold stand against the pride and arrogance of the ruling class and it was the first occasion in his life when his 'theoretical morality and theoretical patriotism were put to a trial and a very severe test'; and when he came out of the ordeal unscathed, his 'future career had been chalked out once for all.'" —*The Calcutta Municipal Gazette*, Vol XLII, No. 16, P. 442 (a)

আশুতোষ মুখোপাধ্যায় মহাশয় এই বিষয়ে অবহিত হন। তাঁহার প্রচেষ্টায় সুভাষচন্দ্র বিশ্ববিদ্যালয় হইতে আবার অধ্যয়ন করিবার অনুমতি লাভ করিলেন।

সুভাষচন্দ্র এবার আর প্রেসিডেন্সী কলেজে ভর্তি হইলেন না, তিনি স্কটিশ-চার্চ কলেজে ভর্তি হইলেন এবং ১৯১৯ খৃষ্টাব্দে দর্শন-শাস্ত্রের অনার্সে প্রথম শ্রেণীতে দ্বিতীয় স্থান অধিকার করিয়া বি. এ. উপাধি লাভ করেন। অতঃপর তিনি ব্যবহারিক মনোবিজ্ঞানে এম্. এ. পড়িতে আরম্ভ করিলেন।

সুভাষচন্দ্রের সমগ্র পরিবারই উচ্চ-শিক্ষিত। সুতরাং তাঁহারা সুভাষচন্দ্রের গায় মেধাবী ছাত্রকে বাঙ্গালী জীবনের ইন্দ্র হইবার উদ্দেশ্যে, আই. সি. এস. পরীক্ষায় প্রস্তুত হইবার জগু ইংলণ্ডে যাইতে আদেশ করেন।

সুভাষচন্দ্র অভিভাবকের আদেশ কোন দিনই লঙ্ঘন করেন নাই; রণক্ষেত্রের সৈনিকের মত তিনি উৎকর্ষিত ব্যক্তির আদেশ চিরকালই অবনত মস্তকে পালন করিতেন। সুতরাং অভিভাবকের সম্ভ্রাম-বিধানার্থ তিনি ১৯১৯ খৃষ্টাব্দের সেপ্টেম্বর মাসে ইণ্ডিয়ান সিভিল সার্ভিসের প্রতিযোগিতা-পরীক্ষা প্রদানার্থ ইংলণ্ড যাত্রা করেন।

ইংলণ্ডে উপনীত হইবার আট মাস পরে তিনি ভারতীয় সিভিল সার্ভিস পরীক্ষা প্রদান করেন এবং গুণানুসারে চতুর্থ স্থান অধিকার করিয়া উত্তীর্ণ হন। মাত্র আট মাস পড়িয়া এইরূপ কঠিন প্রতিযোগিতা-মূলক পরীক্ষায় এতাদৃশ কৃতিত্ব-প্রদর্শন সুভাষচন্দ্রের অসাধারণ প্রতিভার পরিচায়ক।

কিন্তু আই. সি. এস. পরীক্ষায় উত্তীর্ণ হইয়াও স্মৃতিচিহ্ন অন্তরে-অন্তরে ঠিক আত্ম-প্রসাদ লাভে সমর্থ হন নাই। সেইজন্য তিনি পুনরায় মনো-বিজ্ঞান ও নীতি-বিজ্ঞানে ট্রাইপোজসহ কেম্ব্রিজ বিশ্ববিদ্যালয়ে বি. এ. পড়িতে আরম্ভ করেন এবং অনতিবিলম্বে উক্ত বিষয়ে ট্রাইপোজসহ বি. এ. উপাধি লাভ করিলেন।

এইখানেই ব্যবহারিক ভাবে তাঁহার বিজ্ঞানশিক্ষার পরিসমাপ্তি ঘটে এবং তাঁহার বৈচিত্র্যপূর্ণ জীবনের একটি অঙ্কে ষবনিকা নিপতিত হয়।



তিন

## কস্ম-জীবন

### দেশবন্ধু চিত্তরঞ্জনের সাহচর্য্য

আই. সি. এম্. পদত্যাগ—ভারতে প্রত্যাবর্তন—অসহযোগ-আন্দোলন—কলিকাতায় হরতাল—গ্রেপ্তার ও কারাদণ্ড—বন্ধা-পীড়িতদের সেবা—কংগ্রেসের গম্মা-অধিবেশনে—‘বাংলার কথা’ ও ‘ফরওয়ার্ড’—কলিকাতা কর্পোরেশনে—অডিটোয়ালে গ্রেপ্তার—মান্দালয়ে নির্বাসন—দেশবন্ধুর মৃত্যু—মুক্তিলাভ।

১৯২০ খৃষ্টাব্দে ভারতীয় জাতীয় মহাসমিতির নাগপুর-অধিবেশনে অসহযোগ-আন্দোলনের প্রস্তাব গৃহীত হয় এবং সমগ্র ভারতবর্ষ মহাত্মা গান্ধীর নেতৃত্বে সেই আন্দোলনে বাঁপাইয়া পড়ে। হিমালয় হইতে কল্যাণকুমারী এবং চট্টগ্রাম হইতে গুজরাট পর্য্যন্ত অসহযোগ-আন্দোলনের হোমানলে আত্মাহুতি প্রদানে ব্যাকুল হইয়া উঠিল।

এই আন্দোলনের বিরাট তরঙ্গ সুদূর সাগর-পারে ইংলণ্ডে অবস্থিত সুভাষচন্দ্রের চিত্ত-বীণায়ও আঘাত করিল। নবীন সঙ্কল্প, নবীন উৎসাহ, নবীন আশার বাণী তাঁহার অন্তর-লোকে নবাকরণ-রাগে ফুটিয়া উঠিল। সঙ্গে-সঙ্গে তিনিও অসহযোগ-আন্দোলনের হোমানলে আত্মাহুতি দিতে কৃতসঙ্কল্প

হইয়া উঠিলেন এবং কালবিলম্ব না করিয়া আই. সি. এন্স.-পদে ইস্তফা-পত্র দাখিল করিলেন।

তৎকালীন ভারত-সচিব মণ্টেগু তাঁহাকে পদত্যাগ-পত্র প্রত্যাহার করিবার জন্য অনুরোধ করিয়াছিলেন ; কিন্তু তিনি তাহাতে সন্মত হইলেন না। আবার্য যে অতৃপ্তির পীড়ন তিনি মর্শ্বে-মর্শ্বে অনুভব করিতেছিলেন, পদত্যাগ-পত্র দাখিল করিয়া তিনি যেন তাহা হইতে কথঞ্চিৎ মুক্তিলাভ করিলেন ! দেশ-মাতৃকার করুণ মুখমণ্ডল তাঁহার অন্তর-মধ্যে যেন স্পষ্ট দিবালোকের স্থায় ফুটিয়া উঠিল। তিনি দেশসেবার কঠোর ব্রত গ্রহণে সক্ষম করিলেন।

সুভাষচন্দ্র ১৯২১ খৃষ্টাব্দে ভারতে প্রত্যাভর্তন করিয়া মহাত্মা গান্ধীর সহিত সাক্ষাৎ করিলেন। মহাত্মা গান্ধী তাঁহাকে দেশবন্ধু চিত্তরঞ্জন দাশ মহাশয়ের নির্দেশক্রমে মাতৃ-ভূমির সেবায় আত্মনিয়োগ করিতে উপদেশ দেন।

মহাত্মা গান্ধীর উপদেশে সুভাষচন্দ্র বাংলাদেশে ফিরিয়া আসিলেন এবং দেশবন্ধু চিত্তরঞ্জন দাশ মহাশয়ের সহিত সাক্ষাৎ করেন। দেশবন্ধুও তাঁহাকে অসহযোগ-আন্দোলনের কর্ম্ম-মণ্ডলের অন্তর্ভুক্ত করিয়া লইলেন এবং সর্বকার্যে স্নায় দক্ষিণ-হস্তস্বরূপ বিবেচনা করিতে লাগিলেন।

এই প্রসঙ্গে শ্রীযুক্ত হেমেন্দ্রনাথ দাশগুপ্ত লিখিয়াছেন—

“জুলাই-আগষ্ট মাসে সুভাষচন্দ্র সিভিল সার্ভিস পরীক্ষায় কৃতকার্য হইয়াও বাঙালী জীবনের ইন্দ্রপদ পরিত্যাগ করিয়া সেবাব্রত লইয়া দেশবন্ধুর সঙ্গে মাতৃভূমির সেবাকল্পে আত্মোৎসর্গ করেন। এই অকৃত্রিম

তেজস্বী যীমান্ কর্মীটিকে পাইয়া দেশবন্ধুর আনন্দের অবধি ছিল না।  
 \* \* \* \* স্বরাজ-সাধনার স্মৃতিচক্রের সহযোগিতা জাতীয় ইতিহাসে  
 এক নব অধ্যায়ের সূচনা করিল।” —দেশবন্ধু-স্মৃতি, পৃঃ ২৮০

স্মৃতিচক্র প্রথমে দেশবন্ধু চিত্তরঞ্জনের প্রতিষ্ঠিত বেঙ্গল  
 গ্রাম্য কলেজ বা গৌড়ীয় সর্ব-বিদ্যালয়ের অধ্যক্ষ-পদে কার্য  
 করিতে লাগিলেন এবং বঙ্গীয় প্রাদেশিক কংগ্রেস-কমিটির  
 পাবলিসিটি অফিসার বা প্রচারাদ্যক্ষের কার্যভারও তাঁহার  
 উপর অর্পিত হইল। অতঃপর তিনি জাতীয় স্বেচ্ছাসেবক-  
 বাহিনীর ক্যাপ্টেন বা অধ্যক্ষ নিযুক্ত হন। সম্ভবতঃ সামরিক  
 জীবনের উন্নাদনা ও মর্যাদা জীবনে এই সর্বপ্রথম তিনি  
 উপলব্ধি করেন।

১৯২১ খৃষ্টাব্দে ১৭ই নভেম্বর মহামাণ্ড প্রিন্স অব্ ওয়েল্‌স্  
 মহোদয় ভারত-পরিদর্শনার্থ বোম্বাই বন্দরে পদার্পণ করেন।  
 গভর্নমেণ্টের সহিত সর্বপ্রকার সহযোগিতা বর্জননের নিদর্শন-  
 স্বরূপ কংগ্রেসের পূর্ব-নির্দেশানুসারে ঐ দিন ভারতের সর্বত্র  
 হরতাল অনুষ্ঠিত হইয়াছিল। কলিকাতায়ও এই হরতালকে  
 পূর্ণভাবে প্রতিপালিত হয়। স্মৃতিচক্র এই হরতালকে  
 সাফল্যমণ্ডিত করিতে প্রাণপণ পরিশ্রম করেন।

এই প্রসঙ্গে শ্রীযুক্ত হেমেন্দ্রনাথ দাশগুপ্ত লিখিয়াছেন—

“ষ্টেশন হইতে স্মৃতিচক্র গাড়ীর উপরে বসিয়া স্ত্রীলোকদিগকে  
 গন্তব্য স্থানে পৌছাইয়া দিতেছিলেন এবং বাহিরে লেখা ছিল ‘On  
 National Service’—অর্থাৎ ‘জাতীয় সেবাব্রতে’। কোণও যান চলে  
 নাই ; বাইসিকেল পর্যন্ত বন্ধ ছিল।” —দেশবন্ধু-স্মৃতি, পৃঃ ২৭

সুভাষচন্দ্রের অক্লান্ত পরিশ্রমে হরতাল সাফল্যমণ্ডিত হইল বটে, কিন্তু সঙ্গে-সঙ্গে অতি নিৰ্মমভাবে সরকারী দমন-নীতির সূত্রপাত হইল।

ইহাতে বিস্ময়ের কিছুই ছিল না, ইহা অপ্ৰত্যাশিতও নহে। কারণ, মহামাণ্ড ভারত-সম্রাটের জ্যেষ্ঠ পুত্র এবং ভারতের ভবিষ্যৎ ভাগ্য-বিধাতাকে যাঁহারা অবহেলায় অপাংক্তেয় করিতে সাহসী হন, চরম রাজরোষ যে তাঁহাদের মস্তকে বজ্রের আকারে পতিত হইবে, তাহাতে আর সন্দেহের কি আছে?

হরতালের একদিন পরে বঙ্গীয় গভর্নমেন্ট ১৯শে নভেম্বর তারিখে কংগ্রেস ও খিলাফৎ স্বেচ্ছাসেবক-বাহিনীকে বে-আইনি বলিয়া ঘোষণা করিলেন এবং এই উভয় আন্দোলনকে নিষ্ক্রিয় করিবার অভিপ্রায়ে প্রত্যেক কংগ্রেস ও খিলাফৎ-অফিসে ধারাবাহিকভাবে খানা-তলাসী চলিতে লাগিল। ইহার প্রতিবাদে কলিকাতার জাতীয়তাবাদী নেতা ও কর্ণিগণের স্মার্করিত এক বিবৃতি প্রকাশিত হয়। ইহাতে প্রাদেশিক ও জেলা কংগ্রেস-কমিটির সমস্ত সভ্যকে জাতীয় স্বেচ্ছাসেবক-বাহিনীর সভ্যশ্রেণীভুক্ত হইবার জ্ঞপ্তি আহ্বান করা হইল।

এই সম্পর্কে ১৯২১ সালের ১০ই ডিসেম্বর দেশবন্ধু চিত্তরঞ্জন দাশ, মৌলানা আবুল কালাম আজাদ, সুভাষচন্দ্র বসু ও অন্যান্য কয়েকজন নেতাকে গ্রেপ্তার করা হয়। দেশবন্ধু চিত্তরঞ্জন ও সুভাষচন্দ্র বসু বিনাশ্রমে ছয় মাসের কারাদণ্ডে দণ্ডিত হন।





( ১৯২০ সালে, লণ্ডনে )—উপবিষ্ট ডাঃ সুনীল বসু ও সতীশচন্দ্র বসু  
দণ্ডায়মান—রণেন দত্ত ( স্ত্রীশচন্দ্রের মাতুল ) ও স্ত্রীশচন্দ্র ।



এই কারাজীবন সম্বন্ধে স্মৃতিভাষচন্দ্র নিজে একখানি পত্রে লিখিয়াছিলেন—

“১৯২১ ও ১৯২২ সালে দেশবন্ধুর সহিত আট (?) মাস কাল কারাগারে কাটাইবার সৌভাগ্য আমার হইয়াছিল; তন্মধ্যে দুইমাস কাল আমরা পাশাপাশি সেলে প্রেসিডেন্সী জেলে ছিলাম এবং বাকী ছয় মাস কাল আরও কয়েকজন বন্ধুর সহিত আলিপুর সেন্ট্রাল জেলের একটি বড় ঘরে ছিলাম। এই সময়ে তাঁহার (দেশবন্ধুর) সেবার ভার কতকটা আমার উপর ছিল। আলিপুর জেলে শেষ কয়েকমাস তাঁহার একবেলার রান্নাও আমাদেরকে করিতে হইত, গভর্নমেন্টের রূপায় আমি যে আট মাস কাল তাঁহার সেবা করিবার অধিকার ও সুযোগ পাইয়াছিলাম,—ইহা আমার পক্ষে পরম গৌরবের বিষয়।”

—দেশবন্ধু-স্মৃতি, পৃঃ ৫৪৯

১৯২২ খৃষ্টাব্দে স্মৃতিভাষচন্দ্র কারাবাস হইতে মুক্তিলাভ করেন। তখন ভগবানের অলঙ্ঘ্য বিধানে ভীষণ বহুায় উত্তর-বঙ্গ ভাসিয়া গিয়াছে! অন্নহীন, বস্ত্রহীন, আশ্রয়হীন সহস্র সহস্র নরনারীর আর্তনাদে আকাশ-বাতাস নিয়ত প্রতিধ্বনিত হইতেছে। ইহাতে স্মৃতিভাষচন্দ্রের প্রাণ কাঁদিয়া উঠিল। তিনি বহু-পীড়িতদের সাহায্যার্থ বন্ধপত্রিকর হইলেন।

তিনি স্বয়ং উত্তর-বঙ্গে গমন করিয়া বহু-পীড়িতদের দুঃখ-দুর্দশা স্বচক্ষে দেখিয়া অত্যন্ত ব্যথিত হন এবং বেঙ্গল রিলিফ-কমিটির সেক্রেটারীরূপে যেরূপ শৃঙ্খলা ও সুব্যবস্থায় বহু-পীড়িত নর-নারীর সেবার কার্য নিৰ্বাহ করেন, তাহাতে তাঁহার অসাধারণ কর্মশক্তি ও গঠন-প্রতিভার সুস্পষ্ট পরিচয় প্রতিভাত হইয়া উঠিল।

১৯২২ খৃষ্টাব্দের ডিসেম্বর মাসে সুভাষচন্দ্র দেশবন্ধুর সমভিব্যাহারে ভারতীয় জাতীয় মহাসমিতি বা কংগ্রেসের গয়া-অধিবেশনে যোগদানার্থ গমন করেন। এই অধিবেশনে দেশবন্ধু চিত্তরঞ্জন কাউন্সিলে প্রবেশ করিয়া গভর্নমেন্টের যুগ্মশ খুলিয়া দেখাইবার প্রস্তাব করিলে সুভাষচন্দ্র দেশবন্ধুকে সমর্থন করিয়াছিলেন; কিন্তু কাউন্সিল-প্রবেশের প্রস্তাবে দেশবন্ধুর পরাজয় ঘটে। এই পরাজয়ের পর ১৯২২ সালের ৩১শে ডিসেম্বর তারিখে গয়া, টিকারীর রাজবাড়ীতে দেশবন্ধু কংগ্রেস-খিলাফত-স্বরাজ পার্টি নামে একটি দল গঠন করেন। ১৯২৩ খৃষ্টাব্দে বোম্বাই ও এলাহাবাদের অধিবেশনে এই দলের নাম সংক্ষিপ্ত করিয়া “স্বরাজ্য-দল” করা হয়।

১৯২৬ খৃষ্টাব্দে দেশবন্ধু চিত্তরঞ্জন কাউন্সিল প্রবেশের জগ্য প্রতিদ্বন্দ্বিতায় অবতীর্ণ হইলেন। এই ব্যাপারে সুভাষচন্দ্র দেশবন্ধুর দক্ষিণ হস্ত-স্বরূপ হইয়া ‘স্বরাজ্য-দল’ গঠনে ও নির্বাচন-প্রতিদ্বন্দ্বিতায় জয়যুক্ত হইবার জগ্য অসাধারণ পরিশ্রম করেন। এই পরিশ্রমের ফলে স্বরাজ্যপার্টির ললাটে বিজয়-তিলক অঙ্কিত হইল।

এই সময় সুভাষচন্দ্র ‘বাংলার কথা’ নামক একখানি দৈনিক পত্রিকা প্রকাশ করিতে আরম্ভ করেন। পরে স্বরাজ্য-দলের মুখপত্ররূপে দেশবন্ধু যখন ইংরাজী দৈনিক ‘ফরওয়ার্ড’ পত্রিকা বাহির করিলেন, তখন সুভাষচন্দ্র প্রচার-সচিব নিযুক্ত হন। প্রচার-সচিবরূপে তিনি পত্রিকার জগ্য কিরূপভাবে কাজ

করিতেন, তাহা অধ্যাপক শ্রীবিনয়কুমার সরকার মহাশয়ের রচনা হইতে উদ্ধৃত করা হইল—

“তখন সুইটজারল্যাণ্ডে ছিলাম। লুগানো শহরে বা পল্লীতে হঠাৎ সুভাষ বন্ধুর টেলিগ্রাম পেলাম, সঙ্গে সঙ্গে চিঠি। চিত্তরঞ্জনের ‘ফরওয়ার্ড’ দৈনিক তখন সবে বেরিয়েছে বা বেরোয় বেরোয় হয়েছে। ১৯২৩ সন, \* \* \* ফরওয়ার্ডের জন্ম এই অধমকে ‘বিদেশী সংবাদ-দাতা’ বহাল করা হয়েছিল। আমার উপর ভার ছিল ফরাসী, ইতালিয়ান, আর জার্মান ভাষায় প্রচারিত বিশ্ব-সংবাদ টেলিগ্রাফে ফরওয়ার্ডকে পাঠাবার। চিঠিতে লেখা ছিল, রয়টারকে হারাতে হবে।’—এই কথাটার খুব খুসী হয়েছিলাম।” —বিনয় সরকারের বৈঠকে, ২য় ভাগ, পৃঃ ২৪৩-৪৪

এইভাবে অবিরাম পরিশ্রম করিয়া তিনি ফরওয়ার্ড দৈনিককে শ্রেষ্ঠ দৈনিক পত্রিকারূপে জন-সমাজে প্রতিষ্ঠিত করিবার চেষ্টা করিয়াছিলেন। বলা বাহুল্য, তিনি দীর্ঘকাল ফরওয়ার্ডের সেবা করিবার সুযোগ পান নাই।

১৯২৪ খৃষ্টাব্দের ফেব্রুয়ারী মাসে দেশবন্ধু চিত্তরঞ্জনের নেতৃত্বে বঙ্গীয় “স্বরাজ্য দল” কলিকাতা কর্পোরেশন অধিকার করিল। বত্রিশটি ওয়ার্ডে দেশবন্ধুর মনোনীত ব্যক্তি কাউন্সিলার নির্বাচিত হইলেন। দেশবন্ধু চিত্তরঞ্জনই কলিকাতা কর্পোরেশনের সর্বপ্রথম মেয়র হন। ইহাতে কলিকাতার মিউনিসিপ্যাল কর্ম-ব্যবস্থায় যুগান্তর সংসাধিত হয় এবং সুভাষচন্দ্র বন্ধু কর্পোরেশনের সংশ্রবে আসেন।

১৯২৪ খৃষ্টাব্দের ১৪ই এপ্রিল সুভাষচন্দ্র মাত্র ২৭ বৎসর বয়সে কলিকাতা কর্পোরেশনের প্রথম চীফ এক্সিকিউটিভ

অফিসার নিযুক্ত হইলেন। এই পদের সাধারণ বেতন মাসিক ৩০০০ টাকা, কিন্তু সুভাষচন্দ্র অর্ধেক বেতন মাত্র গ্রহণ করিতেন।

দেশবন্ধুর শত্রুতা এই সময় কর্পোরেশনের বিরুদ্ধে সমালোচনা করিতে আরম্ভ করিলে, দেশবন্ধু অগাধ বিশ্বাসের সহিত বলিয়াছিলেন—

“সব কাজ লোকসান করে সুভাষকে দিয়েছি, একটু সময় দিন; সবই হবে।”—দেশবন্ধু-স্মৃতি, পৃঃ ৩৫১

সুভাষচন্দ্রকে দেশবন্ধু যে কতটা বিশ্বাস ও স্নেহ করিতেন, এই সামান্য একটি কথায়ই তাহা স্পষ্ট বুঝিতে পারা যায়। যাহা হউক, দেশবন্ধু ও সুভাষচন্দ্রের সহযোগিতায় কর্পোরেশনে এক নূতন জীবনের সঞ্চার হইল। যে কর্পোরেশন এককাল পাশ্চাত্য ভাবধারায় লালিত-পালিত হইতেছিল, সহসা তাহাতে জাতীয় ভাবধারা অনুপ্রবিষ্ট হইল। কর্পোরেশনের কর্মচারী ও সভ্যগণ সূচিক্রমে বিদেশী মাজসজ্জা পরিত্যাগ করিয়া অমসৃণ খদরে দেহ শোভিত করিয়া আফিসে আসিতে লাগিলেন। উৎকৃষ্ট বিদেশী পোষাকের অপেক্ষা খদরের সম্মান এই সর্বপ্রথম পৌরসভায় সীকৃত হইল।

এতদ্ব্যতীত জনসাধারণের কল্যাণের দিকেও সুভাষচন্দ্রের মনোযোগ নিতান্ত কম ছিল না! সুভাষচন্দ্র কর্পোরেশনের প্রধান কর্মকর্তা হইয়াই নাগরিকদিগকে বিনা খরচে প্রাথমিক শিক্ষা ও ঔষধ-পথ্য পাইবার সুযোগ দান করিলেন। হয়তো তাহাদিগকে আরও অনেক সুবিধাই দেওয়া হইত, কিন্তু

সহসা তাহাতে এক বিঘ্ন আসিয়া পড়িল। কর্পোরেশনের উন্নতিমূলক কার্যে তিনি আর বেশীদিন আত্মনিয়োগ করিতে পারিলেন না। ১৯২৪ খৃষ্টাব্দের ২৫শে অক্টোবর তারিখে ১৯২৪ খৃষ্টাব্দের বঙ্গীয় ফৌজদারী আইন-সংশোধন অর্ডিন্যান্স অনুসারে সুভাষচন্দ্রকে গ্রেপ্তার করা হইল।

এই প্রসঙ্গে শ্রীযুক্ত হেমেন্দ্রনাথ দাশগুপ্ত লিখিয়াছেন—

“গরিবত ধনবানের হস্ত হইতে সমবেদনাময় সেবক-সম্প্রদায়ের হস্তেই কর্পোরেশন আসিয়া পড়িত; গরিবের সেবা হইত, মাছ ছুৎ খাইয়া কলিকাতার লোক ঝাঁচিত, বিখাল তৈল ও ঘূতের সহায়তায় ডিম্বেপুসিয়া চিরস্থায়ী বন্দোবস্ত করিতে পারিত না, কিন্তু সব বিফল হইল! সুভাষচন্দ্র অমাত্য-ভক্তের কবলে নিপতিত হইলেন।”  
—দেশবন্ধু-স্মৃতি, পৃ: ৩৫১

সুভাষচন্দ্রের গ্রেপ্তারে সমগ্র দেশে একটা সাড়া পড়িয়া গেল। সুভাষচন্দ্রকে গ্রেপ্তার এবং বিনা বিচারে কারারুদ্ধ করায় কলিকাতা কর্পোরেশনের ২৯শে অক্টোবরে অনুষ্ঠিত সভায় দেশবন্ধু চিত্তরঞ্জন কলিকাতার মেয়র-রূপে নিম্নলিখিত ভাষায় গভর্নমেন্টের এই কার্যের তীব্র প্রতিবাদ করেন—

“স্বদেশকে ভালবাসা যদি অপরাধ হয়, তবে আমিও অপরাধী। যদি সুভাষচন্দ্র বহু অপরাধী হন, তবে আমিও অপরাধী—কর্পোরেশনের শুধু প্রধান কর্ম-সচিব নহে, মেয়রও সমভাবে অপরাধী।” \*

\* “If love of country is crime, I am a criminal. If Mr. Subhas Chandra Bose is a criminal,—I am a criminal,—not only the Chief Executive Officer of the Corporation, but the Mayor of this Corporation is equally guilty.”

—*The Calcutta Municipal Gazette*, Vol. XLII, No. 16, P. 442.

সুভাষচন্দ্রই কলিকাতা মিউনিসিপ্যাল গেজেট প্রকাশের পরিকল্পনা করিয়াছিলেন; কিন্তু উহা প্রকাশের পূর্বেই তাঁহাকে গ্রেপ্তার করা হয়। সুতরাং তিনি উহার প্রকাশ দেখিয়া বাইতে পারেন নাই।

১৯২৪ খৃষ্টাব্দের ১৫ই নভেম্বর কলিকাতা মিউনিসিপ্যাল গেজেটের প্রথম সংখ্যা প্রকাশিত হয়। এই সংখ্যার সম্পাদকীয় স্তম্ভে নিম্নলিখিত মন্তব্য স্থান পাইয়াছিল—

“প্রধান কর্ম-সচিবের গ্রেপ্তারে কর্পোরেশন কতদূর ক্ষতিগ্রস্ত হইয়াছে, যাহারা ইহার বহির্ভাগে অবস্থিত তাহাদের পক্ষে তাহা পরিমাপ করা দুঃসাধ্য। \* \* \* শ্রীযুক্ত বসু কর্পোরেশনের শুধু কর্ম-সচিব ছিলেন না; তিনি ছিলেন প্রত্যেক প্রয়োজনীয় কার্যের বা পরিকল্পিত কার্য-সম্পাদনের নিয়ন্ত্রণকারী। এই গেজেট প্রকাশের পরিকল্পনা তাঁহারই মস্তিষ্ক-প্রসূত। আমরা জানি, তিনি ইহার পরিচালনার্থ একটি বিস্তৃত কর্মপদ্ধতি প্রস্তুত করিতেছিলেন।”

সুভাষচন্দ্র বসুর আলিপুর সেন্ট্রাল জেলে অবস্থিতিকালে তাঁহাকে কর্পোরেশনের কার্য-সংক্রান্ত কাগজ-পত্র দেখিতে এবং তৎসংশ্লিষ্ট লোকজনের সহিত দেখা-সাক্ষাৎ করিতে দেওয়া হইত। পরে যখন গভর্নমেন্ট উহা বন্ধ করিয়া দিলেন, তখন কর্পোরেশন মিঃ জে. সি. মুখার্জীকে তাঁহার স্থলে কার্য করিবার জন্ম প্রথমে তিন মাসের জন্ম নিযুক্ত করিলেন; তৎপরে সুভাষচন্দ্রকে আরও ছুটি মঞ্জুর করা হয় এবং এই অন্ত্যায়ী ব্যবস্থা চলিতে থাকে।

গ্রেপ্তারের পর সুভাষচন্দ্রকে প্রথমে কিছু দিন আলিপুর সেন্ট্রাল জেলে রাখা হয়, পরে তথা হইতে তিনি বহরমপুর



জেলে স্থানান্তরিত হন। বহরমপুর হইতে তাঁহাকে ব্রহ্মদেশের মান্দালয়ে নিব্বাসিত করা হইল।

মান্দালয়ে নিব্বাসিত জীবনে নির্জ্জন কারাবাসের ফলে এবং অতিরিক্ত গ্রীষ্মাধিক্যহেতু সুভাষচন্দ্রের স্বাস্থ্য ভগ্ন হইয়া যায়, ১৯২৭ খৃষ্টাব্দের এপ্রিল মাসে তিনি শয্যাশায়ী হইয়া পড়েন। ইহাতে বঙ্গীয় গভর্নমেন্ট তাঁহাকে মান্দালয় হইতে কলিকাতায় না আসিয়া সোজাসুজি ইয়োরোপ যাওয়ার অনুমতি দিবার প্রস্তাব করেন; কিন্তু সুভাষচন্দ্র গভর্নমেন্টের এই প্রস্তাব প্রত্যাখ্যান করিয়াছিলেন।

ইতঃপূর্বের গভর্নমেন্ট মান্দালয়ে অবস্থিত বন্দীদিগকে পূজা ও ধর্মকার্যের জন্য অর্থ প্রদানে অস্বীকৃত হন। এই অস্বীকৃতির প্রতিবাদ-স্বরূপ ১৯২৬ খৃষ্টাব্দের ২০শে ফেব্রুয়ারী তারিখে সুভাষচন্দ্রও অগাণ্ড বন্দীগণের সহিত অনশন-ব্রত অবলম্বন করেন। কলিকাতা কর্পোরেশন ২৪শে ফেব্রুয়ারী তারিখের সভায় গভর্নমেন্টের এই কার্যের ভীত প্রতিবাদ করেন।

২৬শে ফেব্রুয়ারী সমগ্র কলিকাতা মহানগরীর নাগরিকবৃন্দ গভর্নমেন্টের এই কার্যের প্রতিবাদে পূর্ণ হরতাল প্রতিপালন করে; পুনরায় ২৮শে ফেব্রুয়ারী তারিখে বাংলার অগ্নান-কুম্ভ-তুল্য স্কুমার সন্তানগণের দৃষ্টিতে আন্তরিক সহানুভূতি জ্ঞাপন করিয়া কলিকাতাবাসী দ্বিতীয় বার হরতালের অনুষ্ঠান করে। অবশেষে সুভাষচন্দ্র ও তাঁহার সঙ্গী বন্দীগণ ৪ঠা মার্চ তারিখে অনশন-ব্রত পরিহার করেন।

এই অনশন-ব্রত উদ্‌ঘাপনে সুভাষচন্দ্র ও তাঁহার সঙ্গী বন্দি-গণের মানসিক শক্তি কিরূপ বিপুল, তাহা সহজেই অনুমিত হয়। সাধারণ মানুষ কয়েক ঘণ্টা বা দুই-এক দিনের উপবাসে কিরূপ কাতর হইয়া পড়ে, তাহা নিত্য প্রত্যক্ষের বিষয়; কিন্তু যাহারা প্রায় পনের দিন ক্ষুৎ-পিপাসার কঠোর জালা নির্বিবকার-চিত্তে সহ্য করিতে পারে,—তাহারা বাস্তবিকই প্রণম্য ও নমস্। সাধারণের গভী অপেক্ষা এই সমস্ত মহা-মানব যে অনেক উর্দ্ধস্তরে অবস্থিত, সে সম্বন্ধে কোন সন্দেহ নাই।

১৯২৫ খৃষ্টাব্দের ১৬ই জুন মঙ্গলবার, চির-তুবারমণ্ডিত হিমালয়ের দুর্জয়-লিঙ্গ শৈল-শিখরে বাংলার গৌরবরবি মহামতি দেশবন্ধু চিত্তরঞ্জন চিরকালের জন্য অন্তাচলে গমন করেন। সুভাষচন্দ্র তখন স্বদূর ব্রহ্মদেশে মান্দালয়ে কারা-প্রাচীরের অন্তরালে নির্বাসিত জীবন যাপন করিতেছিলেন। সুতরাং দেশবন্ধুকে হারাইয়া তাঁহার অন্তরে শোক-দুঃখের যে বিরাট ঝঙ্কা বহিয়া যাইতেছিল, তখন তাহার কোন বাহ্য বিকাশ পরিলক্ষিত হয় নাই।

১৯২৬ খৃষ্টাব্দের ৩রা মার্চ মান্দালয় হইতে তিনি যে পত্র লিখিয়াছিলেন, তাহাতে তাঁহার অন্তরের ব্যথা পূর্ণভাবে প্রকাশ পাইয়াছে। এতদ্যতীত এই পত্রে তিনি দেশবন্ধুর সজ্ব-গঠন শক্তি, অনুগত ব্যক্তির প্রতি ভালবাসা, কবিত্ব, ধর্ম এবং পরোপকার-বৃত্তির বিষয়ে অনেক কথা বলিয়াছেন। সুভাষচন্দ্র এই একখানি পত্রে দেশবন্ধুর সর্বতোমুখী প্রতিভার

যে রূপে বিশদ পরিচয় লিপিবদ্ধ করিয়া গিয়াছেন, সেইরূপ স্মরণ্যত ভাষায় অনুরূপ ভাবের আলোচনা খুব কমই দেখিতে পাওয়া যায়। নিম্নে সেই পত্র হইতে স্থানে-স্থানে সামান্য উদ্ধৃত হইল—

“তাঁহার ( দেশবন্ধুর ) জীবনের মাত্র তিন বৎসর কাল আমি তাঁহার সঙ্গে ছিলাম এবং মনুচর হইয়া তাঁহার কাজ করিয়াছিলাম। এই সময়ের মধ্যে চেষ্টা করিলে তাঁহার নিকট অনেক কিছু শিখিতে পারিতাম; কিন্তু চোখ থাকিতে কি আমরা চোখের মূল্য বুঝি? \* \* \* দেশবন্ধুর সহিত আমার শেষ দেখা আলিপুর সেন্ট্রাল জেলে। আরোগ্যলাভের জন্য এবং বিশ্রাম পাইবার ভরসায় তিনি সিমলা পাহাড়ে গিয়াছিলেন, আমাদের গ্রেপ্তারের সংবাদ পাইয়া তৎক্ষণাৎ সিমলা হইতে রওনা হইয়া কলিকাতায় আসেন। আমাকে দেখিতে তিনি দুই বার আলিপুর সেন্ট্রাল জেলে আসেন এবং আমাদের শেষ সাক্ষাৎ হয় বহরমপুর জেলে বদলী হইবার পূর্বে। প্রয়োজনীয় কথাবার্তা শেষ হইলে আমি তাঁহার পায়ের ধূলা লইয়া বলিলাম—‘আপনার সঙ্গে আমার বোধ হয় অনেক দিন দেখা হইবে না।’ তিনি তাঁহার স্বাভাবিক প্রফুল্লতা ও উৎসাহের সহিত বলিলেন—‘না, আমি তোমাদের শীগ্গির খালাস করে আনছি।’

হায়! তখন কে জানিত যে ইহজীবনে আর তাঁহার সাক্ষাৎ পাইব না! \* \* \* তাঁহার সেই শেষ স্মৃতিটুকু আমার প্রাণের সঞ্চল হইয়া দাঁড়াইয়াছে। \* \* \* জনমণ্ডলীর উপর দেশবন্ধুর অতুলনীয় অলৌকিক প্রভাবের গূঢ় কারণ কি—এ প্রশ্নের সমাধান করিবার চেষ্টা অনেকে করিয়াছেন। আমি সর্বপ্রথমে তাঁহার প্রভাবের একটি কারণ নির্দেশ করিতে চাই। আমি দেখিয়াছি, তিনি সর্বদা মানুষের দোষগুণ বিচার না করিয়া তাহাকে ভালবাসিতে পারিতেন। \* \* \* কত বিভিন্ন রকমের লোক হৃদয়ের টানে নিকটে আসিত এবং জীবনের কত ক্ষেত্রে এই নিমিত্ত

তঁাহার প্রভাব ছিল। সমুদ্রে প্রকাণ্ড ঘূর্ণাবর্তের ছায় এই বিপুল জন-সমাঞ্চে তিনি চারিদিক্ হইতে সকল প্রাণকে আকর্ষণ করিতেন।\*\*\* সহকর্মী বা অনুচরকে ভাল না বাসিতে পারিলে বিনিময়ে তাহার প্রাণ পাওয়া যায় না। সাধারণ সাংসারিক জীবনের ছায় দেশবন্ধুর আত্ম-পর-জ্ঞান ছিল না। তঁাহার বাড়ী সাধারণ সম্পত্তি হইয়া পড়িয়াছিল। সর্বত্র—এমন কি, তঁাহার শয়ন-প্রকোষ্ঠেও সকলের গতিবিধি ছিল।\*\*\* দেশবন্ধুর সজ্জের প্রধান নিয়ম ছিল সংযম ও শৃঙ্খলা। পরস্পরের মধ্যে বতানৈক্য ঘটিলে পারে কিম্ব একবার কর্তব্য স্থির হইয়া গেলে সকলকে সেই পন্থা অবলম্বন করিতেই হইবে। সজ্জের নিয়মানুবর্তী হওয়ার নিয়ম ভারতবর্ষে নূতন নয়। ২৫০০ বৎসর পূর্বে ভগবান্ বুদ্ধ সর্ব প্রথমে ভারত-বাসীকে এই শিক্ষা দিয়া যান। আজ পর্যন্ত পৃথিবীর সর্বত্র বৌদ্ধগণ প্রার্থনার সময় বলিয়া থাকেন—‘বুদ্ধং শরণং গচ্ছামি, ধম্মং শরণং গচ্ছামি, সজ্জং শরণং গচ্ছামি।’

বস্তুতঃ কি ধর্ম প্রচার, কি স্বদেশ-সেবা, সজ্জ ও সজ্জানুবর্তিতা ভিন্ন কোন মহৎ কাজ্ জগতে সম্ভবপর নয়।\*\*\* বাংলার বৈষ্ণবধর্ম ও দৈতবৈতবাদ দেশবন্ধুকে নাস্তিকতা হইতে টানিয়া লইয়া নীরস বেদান্তের ভিতর দিয়া প্রেমমার্গে লইয়া গিয়াছিল।\*\*\* বাংলার শিক্ষা ও সভ্যতার সার সঙ্কলন করিয়া তাহাতে রূপ দিলে যেরূপ মানুষের উদ্ভব হয়, দেশবন্ধু অনেকটা সেইরূপ ছিলেন।\*\*\* জীবনে-মরণে শয়নে-স্বপনে তঁাহার ছিল এক ধ্যান—এক চিন্তা—স্বদেশ-সেবা—এবং সেই স্বদেশ-সেবাই তঁাহার ধর্ম জীবনের সোপান-স্বরূপ।”

—দেশবন্ধু-স্মৃতি, পৃ: ৫৪৩-৬৫

অবশেষে স্মৃতিচক্রের দেহে ক্ষয়-রোগের লক্ষণ প্রকাশ পাইতে থাকে। তঁাহার স্বাস্থ্য পরীক্ষার্থ তঁাহাকে যেরূপ হইতে কলিকাতায় আনিয়া ব্যারাকপুরের নিকট গঙ্গাবক্ষে

বজ্রায় রাখা হয় এবং ডাক্তারী পরীক্ষা নিষ্পন্ন হয়। আড়াই বৎসরেরও অধিক কাল কারাবাসের পর ১৯২৭ খৃষ্টাব্দের ১৬ই মে তারিখে তাঁহাকে মুক্তি দান করা হয়।

তাঁহার মুক্তিলাভের একদিন পরে কলিকাতা কর্পোরেশন সাদরে তাঁহার সম্বর্ধন করেন। ইহাও বিশেষ উল্লেখযোগ্য যে, কর্পোরেশন মহামতি সুভাষচন্দ্রকে ছুটি প্রদান করিয়াছিলেন। তাহা শেষ হইবার দুই দিন পরে তাঁহাকে মুক্তি দেওয়া হইয়াছিল। ঠিক দুই দিন পূর্বে অস্থায়ী কর্মসচিব মিঃ জে. সি. মুখার্জি সুভাষচন্দ্রের স্থলে স্থায়ী প্রধান কর্মসচিব নিযুক্ত হইয়াছিলেন।

## জন-নায়ক

সাইমন-কমিশন বয়কট—মহাত্মার সহিত মতভেদ—কংগ্রেসের কলিকাতা-অধিবেশন—লাহোর-অধিবেশন—নানা সংশ্রবে সুভাষচন্দ্র—রাজনীতিক জাঞ্জিৎগণের দিবসে শোভাযাত্রা—নয়মাস কারাদণ্ড—ষ্টুডেন্টস কনফারেন্স—বদেলী লীগ।

রোগশয্যা পরিত্যাগের পরই সুভাষচন্দ্র পুনরায় তৃপ্তিপীড়িত জনপদে সাহায্য-প্রদানের চেষ্টায় অগ্রণী হইলেন। পুনরায় নির্বাচন-প্রতিদ্বন্দ্বিতা চালাইয়া দেশবন্ধুর আরক্ত কার্য পূর্ণ করিবার জন্তও সুভাষচন্দ্র বন্ধপরিষ্কার হইলেন এবং দেশের সর্বত্র স্বাধীনতার বাণী ঘোষণা করিয়া বেড়াইতে লাগিলেন।

এই সময় সাইমন-কমিশন ভারতের সর্বত্র পরিভ্রমণে প্রবৃত্ত হইয়াছিলেন। এই কমিশনের উদ্দেশ্য ছিল যে, তাঁহারা ভারতের রাজনৈতিক, সামাজিক এবং অর্থনৈতিক অবস্থা বিশদরূপে পর্যালোচনা করিবেন এবং স্থির করিবেন যে ভারতবর্ষকে কতটা শাসন-ভার দেওয়া যাইতে পারে, তাহা নির্ণয় করিবেন।

কংগ্রেসের সাধারণ সম্পাদক তখন স্মৃতিচক্র ও পণ্ডিত জওহরলাল নেহেরু। কমিশনের ঐ উদ্দেশ্য—অর্থাৎ ভারত-বর্ষকে কতটুকু দেওয়া যাইতে পারে এই সন্ধীর্ণ নীতি তাঁহাদের মনঃপূত হইল না; তাহার ফলে কংগ্রেস স্থির করিলেন, সাইমন-কমিশন বয়কট করা হইবে।

১৯২৮ সালের ৩রা ফেব্রুয়ারী সাইমন-কমিশন বোম্বাইয়ে পদার্পণ করিতেই, সহস্র কণ্ঠে “সাইমন, ফিরিয়া যাও,” জন-মতের এই স্পন্দিত দাবী সম্মুখে ঘোষিত হইল এবং শত-শত কুম্ভ পতাকা সঞ্চালিত হইয়া কমিশনকে অবাঞ্ছিত বলিয়া প্রচার করিল। বাংলাদেশে সাইমন-কমিশন বয়কটকে তীব্র করিয়া তুলিলেন স্মৃতিচক্র স্বয়ং!

স্মৃতিচক্র ভাবিয়াছিলেন, এই সাইমন-কমিশনকে কেন্দ্র করিয়াই তিনি এমন এক বিরাট আন্দোলনের সৃষ্টি করিবেন, যাহাতে অসন্তুষ্ট ও ক্ষুব্ধ জনমতের নিকট ব্রিটিশ-প্রভু চির-দিনের জগ্ন অবনত হইয়া যায়! সেইজগ্ন মে মাসে তিনি সবরমতী আশ্রমে মহাত্মা গান্ধীর সঙ্গে সাক্ষাৎ করিয়া, তাঁহাকে এই আন্দোলনে নেতৃত্ব করিতে অনুরোধ করেন। কিন্তু

মহাত্মা গান্ধী কোনদিনই এমন চরমপন্থী ছিলেন না। তিনি চাহিয়াছিলেন, আবেদন-নিবেদন ও আপোষ করিয়া যতটা আদায় করিয়া লওয়া যায় তাহাতেই পরিতৃপ্ত থাকিতে। সুতরাং সুভাষচন্দ্রের উগ্রপন্থা তিনি অনুমোদন করিতে পারিলেন না। তিনি বিশেষ চিন্তা করিয়া সুভাষচন্দ্রকে জানাইয়া দিলেন, “আমি এ কাজে ভগবানের কোন নির্দেশ পাইতেছি না।”

অবশ্য ইহাতে মহাত্মা গান্ধীকে কোন দোষ দেওয়া চলে না ; কারণ, ইহার পূর্বের পণ্ডিত মতিলাল নেহেরুর সভাপতিত্বে “নেহেরু-কমিটি” নামে একটি কমিটি গঠিত হইয়াছিল। ভারতবর্ষের আকাঙ্ক্ষা ‘পূর্ণ স্বাধীনতা’ হইলে, সে পথ নিতান্তই বিপজ্জনক ; সম্ভবতঃ ইহা ধারণা করিয়াই সেই কমিটি পূর্ণ স্বাধীনতা না মানিয়া, ঔপনিবেশিক স্বায়ত্তশাসনকেই তাঁহাদের ঈপ্সিত বস্তু বলিয়া মানিয়া লইয়াছিলেন। মহাত্মা গান্ধীও এই মতের অনুকূলেই ছিলেন।

১৯২৮ খৃষ্টাব্দে লক্ষ্ণৌয়ে সর্বদলের এক সম্মেলন হয়। তাহাতেও নেহেরু-কমিটির স্বায়ত্তশাসন-প্রস্তাবকেই ভারতের লক্ষ্য বলিয়া গৃহীত হইল। ইহাতে সুভাষচন্দ্র ও পণ্ডিত জওহরলাল ফুল্ল হইয়া ‘স্বাধীনতা-সঙ্ঘ’ নামে একটি ভিন্ন প্রতিষ্ঠান গঠন করিয়াছিলেন।

সাইমন-কমিশনকে কেন্দ্র করিয়া জন-আন্দোলনের নেতৃত্ব-ভার মহাত্মা গান্ধী গ্রহণ না করায় সুভাষচন্দ্র ব্যথিত হইয়া ফিরিয়া আসিলেন, কিন্তু মহাত্মার এই নিষ্ক্রিয়তা একেবারেই

সহ করিতে পারিলেন না। সেই বৎসরই মে মাসে পুণায় যে মহারাষ্ট্র প্রাদেশিক কনফারেন্স হয়, তিনি তাহাতে সভাপতিত্ব করিবার কালে মহাত্মার এই নিষ্ক্রিয়তার তীব্র সমালোচনা করেন। মহাত্মার চিন্তাধারা ও কার্যাপদ্ধতির সহিত তিনি যে একমত হইতে পারিতেছেন না, প্রকাশ্য জনসভায় সম্ভবতঃ এই তাহার প্রথম অভিব্যক্তি !

সেই বৎসরই ডিসেম্বর মাসে কলিকাতায় ভারতীয় জাতীয় মহা-সমিতির ত্রিচয়ারিংশৎ অধিবেশন অনুষ্ঠিত হয়। এই সময় স্মৃতাষচন্দ্র পুনরায় স্বেচ্ছাসেবক-বাহিনী সংগঠনে আত্মনিয়োগ করিলেন এবং স্বয়ং স্বেচ্ছাসেবক-বাহিনীর জেনারেল-অফিসার-কম্যাণ্ডিং-রূপে জাতীয় মহাসমিতির নির্বাচিত সভাপতি পরলোকগত পণ্ডিত মতিলাল নেহেরুকে বিরাট শোভাযাত্রায় সশ্রদ্ধনা করেন।

কংগ্রেসের এই অধিবেশনে মহাত্মার মতবাদের সহিত স্মৃতাষচন্দ্রের পুনরায় প্রকাশ্য বিরোধিতা হইল। কারণ, মহাত্মা গান্ধীর প্রস্তাব ছিল আপোষ-নীমাংসার প্রস্তাব; কিন্তু দেশপ্রেমের মূর্ত্ত আয়েয়গিরি স্মৃতাষচন্দ্রের পক্ষে ব্রিটিশ রাজের অধীনে স্বায়ত্তশাসনের অধিকার লইয়া তৃপ্ত ভাবে অবস্থান করা, একেবারেই ছিল অসম্ভব। স্বাধীনতা—পূর্ণ স্বাধীনতাই ছিল তাঁহার লক্ষ্য; কংগ্রেসকে তিনি সেই ভাবেই অনুপ্রাণিত দেখিতে আশা করিয়াছিলেন; কিন্তু তাহাতে হতাশ হইয়া তিনি মহাত্মা গান্ধীর আপোষ-নীমাংসা প্রস্তাবের জ্বলন্ত ভাষায় প্রতিবাদ করেন।



তিনি বলিলেন,—

“স্বদূর ভবিষ্যতে স্বাধীনতার প্রার্থী আমরা নহি। ইহা আমাদের অবিলম্বে প্রাপ্য বস্তু।” \*

তিনি আরও বলেন,—

“আপনারা সকলেই জানেন, দেশে জাতীয় আন্দোলনের উষাকাল হইতে বাংলাদেশ স্বাধীনতা বলিতে সম্পূর্ণ স্বাধীনতাই বুঝিয়াছে— ডোমিনিয়ান্ স্টেটাস্কে কখনও স্বাধীনতা বলিয়া ব্যাখ্যা করে নাই।” †

তঁহার অভিমত এই যে, ব্রিটিশের সহিত সম্পর্ক সম্পূর্ণ বিচ্ছিন্ন হওয়ার পূর্বের কখনও প্রকৃত স্বাধীনতালাভ হইতে পারে না।‡

সুভাষচন্দ্রের ইচ্ছা ছিল, পূর্ণ-স্বাধীনতাই কংগ্রেসের কাম্য, ইহা ঘোষণা করিয়া তখন হইতেই সরকারের বিরুদ্ধে আপোষ-বিসীন সংগ্রাম শুরু করা। কিন্তু মহাত্মা গান্ধী বলিলেন, “ব্রিটিশ গভর্নমেন্ট যদি ১৯২৯ সালের মধ্যে নেহেরু-কমিটির রিপোর্ট মানিয়া লইয়া স্বায়ত্তশাসন মঞ্জুর করেন, তাহা হইলে ভারতবর্ষ তাহা গ্রহণ করিবে। যদি তাহা না করে,

\* “We stand for independence not in the distant future but as our immediate objective.”

—*The Calcutta Municipal Gazette*, Vol. XLII, No. 16, P. 442(c).

† “So far as Bengal is concerned, you are aware that since the dawn of the National movement in this country, we have always interpreted freedom as complete and full independence. We have never interpreted it in terms of Dominion Status.”

—*Ibid.*, P. 442(c).

‡ “He was of opinion that there could be no true freedom till British connection was severed.”

—*Ibid.*, P. 442(c).

কংগ্রেস তাহা হইলে অহিংস অসহযোগ-আন্দোলন আরম্ভ করিবে।”

সুতরাং সুভাষচন্দ্রের পূর্ণ স্বাধীনতা ও মহাত্মার তথা-কথিত স্বাধীনতা, এই দুই বিষয়ে ভোট গ্রহণ করা হইল। কিন্তু জনমত তখনও এত তীব্র হইয়া উঠে নাই যে প্রতিষ্ঠিত শ্রদ্ধা ও সঙ্কোচের গণ্ডী এড়াইয়া তরুণের বিপদসঙ্কুল পথ বাছিয়া লইবে! কাজেই সুভাষচন্দ্রের পূর্ণ স্বাধীনতার প্রস্তাব গৃহীত হইল না—তিনি পরাজিত হইলেন।

সুভাষচন্দ্র পরাজিত হইলেন বটে, কিন্তু মহাত্মা গান্ধীকে সম্ভবতঃ চিন্তিত হইতে হইল! তিনি লক্ষ্য করিলেন, সুভাষচন্দ্র ও জওহরলাল প্রভৃতি চরমপন্থী তরুণের দল ক্রমশঃই নরমপন্থী জননেতা কংগ্রেসের সতর্ক চিন্তাধারাকে যেন অতিক্রম করিয়া যাইতেছে! সুতরাং লাহোরে কংগ্রেসের যে পরবর্তী অধিবেশন হইবে, তাহার সভাপতি নির্বাচনে খুব সাবধানতার প্রয়োজন অনুভব করিলেন।

চিন্তা অনুযায়ী কার্য্য হইল। পণ্ডিত জওহরলাল নেহেরু লাহোর-কংগ্রেসের প্রেসিডেন্ট নির্বাচিত হইলেন। তাঁহাকে এই মর্যাদা-দানের ফলে পণ্ডিতজী চরমপন্থী দল হইতে মহাত্মা গান্ধীর নরমদলে আকৃষ্ট হইয়া পড়িলেন, এবং মহাত্মা গান্ধীর অভিমতকেই নিজের মত বলিয়া মানিয়া লইলেন।

কিন্তু মহাত্মা গান্ধী সম্ভবতঃ ইতোমধ্যে নিজের ভুল বুঝিতে পারিয়াছিলেন। কংগ্রেসের কলিকাতা-অধিবেশনে তিনি সুভাষচন্দ্রের যে পূর্ণ স্বাধীনতা-প্রস্তাবের বিরোধী ছিলেন,

লাহোর-অধিবেশনে তিনি নিজেই সেই পূর্ণ স্বাধীনতার প্রস্তাব আনয়ন করিলেন।

সুভাষচন্দ্রের চিন্তাধারা সর্বদাই কিছু অগ্রবর্তী; তিনি প্রস্তাব করিলেন, ব্রিটিশ গভর্নমেন্টকে পূর্ণভাবে বয়কট করা হউক, আইন-অমান্য আন্দোলন করা হউক এবং পাশাপাশি জাতীয় গভর্নমেন্ট প্রতিষ্ঠা করা হউক। কিন্তু সুভাষচন্দ্রের এই প্রস্তাব গৃহীত হইল না।

লাহোর-অধিবেশনের পূর্বে বড়লাট লর্ড আর্চারউইন ভারত-বর্ষকে ঔপনিবেশিক স্বায়ত্তশাসনের প্রলোভন দেখাইয়াছিলেন এবং লগুনে 'রাউণ্ড টেবিল কন্ফারেন্স' নামে এক সর্বদল-সম্মেলন হইবে ইহা ঘোষণা করিয়াছিলেন।

অনেকেই ছিলেন এই কন্ফারেন্সে যোগদানের পক্ষে। কিন্তু সুভাষচন্দ্র ও কিছু প্রভৃতি কয়েকজন মাত্র ইহার বিরোধিতা করিলেন। তিনি রাজপুরুষদের কাহারও কাছে কোন ভিক্ষার প্রার্থনা বা কাহারও সহিত কোন আপোষমূলক আলোচনা চালাইবার সম্পূর্ণ বিরোধী ছিলেন। অনমনীয় সুভাষচন্দ্রের ইহাই ছিল চারিত্রিক বৈশিষ্ট্য।

অক্রান্তকর্মী সুভাষচন্দ্র দেশের প্রায় প্রত্যেক কাজের সঙ্গেই সংশ্লিষ্ট ছিলেন।

১৯২৮ খৃষ্টাব্দের ২৮শে ডিসেম্বর তারিখে কলিকাতায় হিন্দুস্থান সেবাদল-কন্ফারেন্সের যে অধিবেশন হয়, সেই অধিবেশনে সুভাষচন্দ্র সভাপতির আসন গ্রহণ করেন এবং

সমগ্র দেশকে সামরিক শৃঙ্খলায় উদ্বুদ্ধ করিবার জন্য স্বেচ্ছাসেবক-বাহিনী গঠনের প্রয়োজনীয়তার বিষয় বিশেষভাবে উল্লেখ করেন। তিনি বলেন—

“বর্তমান কালে দেশে যুবক-আন্দোলন ও শরীর-চর্চার আন্দোলনের দ্রুত প্রসার একটি বিশেষ আশার বিষয়। এই দুইটি আন্দোলনের মধ্যে সংযোগ-সাধন একান্ত দরকার।

যুবকগণকে ব্যায়ামের দ্বারা সুগঠিত, শিক্ষিত ও সংযত স্বেচ্ছাসেবকে রূপান্তরিত করিতে হইবে; তবেই আমরা নূতন এমন একটি পুরুষের আবির্ভাবের আশা করিতে পারিব, যাহারা ভারতের স্বাধীনতা অর্জন করিয়া উহা রক্ষা করিতে পারিবে।” \*

১৯২৭ খৃষ্টাব্দ হইতে ১৯২৯ খৃষ্টাব্দ পর্য্যন্ত তিনি বঙ্গীয় প্রাদেশিক কংগ্রেস-কমিটির সভাপতি এবং নিখিল-ভারত কংগ্রেস-কমিটির সাধারণ সম্পাদকরূপে কার্য করেন। ১৯২৯ খৃষ্টাব্দে তিনি নিখিল-ভারত ট্রেড-ইউনিয়ান কংগ্রেসের সভাপতি নির্বাচিত হন। এই পদে তিনি ১৯৩১ খৃষ্টাব্দ পর্য্যন্ত কার্য করেন।

১৯২৯ খৃষ্টাব্দের জুন মাসে সুভাষচন্দ্র বঙ্গীয় কাউন্সিল নির্বাচনে কংগ্রেস-কর্মীগণকে পরিচালিত করেন। ১৯২৯ খৃষ্টাব্দের এপ্রিল মাসে কাউন্সিল ভঙ্গ হয় এবং অধিকাংশ

\* “One of the hopeful features of the times is the rapid expansion of the youth movement and the physical culture movement all over the country. There must be a co-ordination between these two movements. Youths must be drilled, trained and disciplined as Volunteers. Then alone can we hope to rear up a new generation of men who will win freedom for India and have strength to retain it.”

—*Ibid.*, P. 442(d).

কংগ্রেস-কর্মী অতিজ্ঞান-ভোটে কিংবা বিনা বাধায় কাউন্সিলের সদস্য নির্বাচিত হন।

১৯২৯ খৃষ্টাব্দের আগস্ট মাসে সুভাষচন্দ্র দক্ষিণ কলিকাতায় একটি শোভাযাত্রা পরিচালনা করেন। এই শোভাযাত্রার উদ্দেশ্য ছিল—নিখিল-ভারতীয় রাজনীতিক লাক্ষিতগণের দিবস উপলক্ষে রাজনীতিক কারণে লাক্ষণাপ্রাপ্ত ব্যক্তিগণের প্রতি সহানুভূতি-জ্ঞাপন। এই শোভাযাত্রা পরিচালনার জন্য ১৯৩০ খৃষ্টাব্দের জানুয়ারী মাসে তিনি অভিযুক্ত হন এবং বিচারে ২৩শে জানুয়ারী তারিখে তাঁহার প্রতি নয় মাস সশ্রম কারাদণ্ডের আদেশ হয়।

১৯২৯ খৃষ্টাব্দের সেপ্টেম্বর মাসে লাহোর-বড়ঘর মামলার আসামী যতীন্দ্রনাথ দাস লাহোর সেন্ট্রাল জেলে অনশনব্রত গ্রহণ করেন এবং ৬৩ দিন উপবাসের পর ইচ্ছামৃত্যু ধতীন দাসের অমর আত্মা নশ্বর দেহ ত্যাগ করিয়া স্বর্গরথে অমর-লোকে প্রস্থান করে। যতীন দাসের শবদেহ কলিকাতায় আনা হইল, সুভাষচন্দ্র শবানুগমনের বিরাট শোভাযাত্রা পরিচালনা করিয়া মৃত্যুঞ্জয়ী বীরের প্রতি সম্মান প্রদর্শন করিলেন।

উক্ত সেপ্টেম্বর মাসেই তিনি হাওড়া পলিটিক্যাল কন্ফারেন্সে সভাপতির আসন গ্রহণ করেন।

১৯২৯ খৃষ্টাব্দের অক্টোবর মাসে পাঞ্জাব স্কুডেন্টস কন্ফারেন্সের লাহোর-অধিবেশনে সভাপতিরূপে তিনি যে অভিভাষণ প্রদান করেন, তাহাতে তিনি দেশের যুবকগণের

সম্মুখে স্বাধীনতার আদর্শ মূর্তি উপস্থাপিত করিয়া, সেই আদর্শ অনুসরণের ভার যুবকগণের হস্তে সমর্পণ করেন।

১৯২৯ খৃষ্টাব্দের ডিসেম্বর মাসে তিনি মধ্যপ্রদেশ 'ও বেরারের স্টুডেন্টস কন্ফারেন্সের অমরাবতী-অধিবেশনে সভাপতির আসন গ্রহণ করিয়াছিলেন।

ভারতের স্বাধীনতার স্বরূপ সম্বন্ধে মহাত্মা গান্ধী ও তাঁহার অনুবর্তীগণের সহিত কিছুকাল হইতেই তাঁহার অনৈক্য হইতেছিল। সুতরাং অবশেষে তিনি কংগ্রেস ওয়ার্কিং কমিটির সদস্য-পদ পরিহার করেন। তিনি পুনরায় মহাত্মা গান্ধীর প্রস্তাবের সংশোধনের চেষ্টা করিয়া কলিকাতা-অধিবেশনের মতই অকৃতকার্য হইলেন।

১৯৩০ খৃষ্টাব্দের ডিসেম্বর মাসে সুভাষচন্দ্র “দি বেঙ্গল স্বেদশী লীগ” গঠন করেন। তিনি নিজে এই লীগের সভাপতি ছিলেন। শ্রীযুক্ত নলিনীমোহন দাস, ভাইস-প্রেসিডেন্ট; শ্রীযুক্ত কিরণশঙ্কর রায়, জেনারেল সেক্রেটারী এবং শ্রীযুক্ত আনন্দজি হরিদাস কোষাধ্যক্ষ হইলেন। কলেজ ষ্ট্রীট মার্কেটে এই লীগের কার্যালয় অবস্থিত ছিল।

বেঙ্গল স্বেদশী লীগের গবেষণা-শাখায় ডক্টর প্রমথনাথ বন্দ্যোপাধ্যায়, শ্রীযুক্ত নলিনীরঞ্জন সরকার, শ্রীযুক্ত জিতেন্দ্রনাথ সেনগুপ্ত, ডক্টর নলিনাক্ষ সান্যাল ও ডক্টর সুহৃদকুমার মিত্র সদস্য এবং ডক্টর হরিশচন্দ্র সিংহ সম্পাদক ছিলেন ॥

লীগের উদ্দেশ্য ছিল—ব্যবসায়ী, শিল্পপতি, অর্থনীতিক

ও জাতীয় কৰ্ম্মদলের কার্যাবলীর সম্মেলনে বাংলাদেশে স্বদেশীর প্রসার-বৃদ্ধি।

১৯৩১ খৃষ্টাব্দে বেঙ্গল স্বদেশী লীগের গবেষণা-শাখা হইতে সুভাষচন্দ্রের সম্পাদনায় “স্বদেশী এণ্ড বয়কট” নামক ইংরেজী বুলেটিন প্রকাশিত হয়। বঙ্গদেশ, মাদ্রাজ, বোম্বাই, ব্রহ্মদেশ ও সিন্ধুপ্রদেশে এবং সমগ্র ভারতে বিদেশী দ্রব্যের— বিশেষতঃ ব্রিটিশজাত দ্রব্যের আমদানি লইয়া ইহাতে আলোচনা চালান হইয়াছে। তাহাতে দেখা যায় যে, ব্রিটিশজাত দ্রব্যের আমদানী দিন-দিন হ্রাস প্রাপ্ত হইতেছে— সুতরাং বয়কট বেশ সাফল্যমণ্ডিত হইয়াছে।

## কলিকাতা কর্পোরেশনের অন্ডারম্যান ও মেয়র সুভাষচন্দ্র

মেয়র নির্বাচিত—গোলটেবিল বৈঠক-প্রসঙ্গে—গতিবিধি-  
নিয়ন্ত্রণ—নিষেধাজ্ঞা—অমাণ্ড—কারাবাস—পুলিশের যষ্টি-  
প্রহার—করাচি কংগ্রেসে—হিজলী বন্দিশালায় গুলি—  
প্রতিবাদে পদত্যাগ।

দেশপ্রিয় যতীন্দ্রমোহন সেনগুপ্ত মহাশয় অন্তরীণ অবস্থায় থাকা হেতু তিন মাসের মধ্যে অন্ডারম্যানের বিশ্বস্ততার শপথ গ্রহণে অসমর্থ হওয়ায় ১৯৩০ খৃষ্টাব্দের ২২শে আগষ্ট তারিখে সুভাষচন্দ্র বহু মহাশয় কলিকাতা কর্পোরেশনের মেয়র নির্বাচিত হন; কিন্তু সুভাষচন্দ্র তখনও কারা-প্রাচীরের অভ্যন্তরে বন্দী অবস্থায় ছিলেন।

১৯৩০ খৃষ্টাব্দের ২৩শে সেপ্টেম্বর রাত্রিকালে সুভাষচন্দ্রকে আলিপুর সেন্ট্রাল জেল হইতে মুক্তিদান করা হয়। তৎপরি-  
দিবস তিনি অল্ডারম্যানের বিশ্বস্ততার শপথ গ্রহণ করেন,  
এবং তুন্সুল হর্ষধরনির মধ্যে মেয়র-পদে অধিষ্ঠিত হন। তাঁহার  
মেয়র-পদলাভে কলিকাতা কর্পোরেশনের সর্বত্র একটা  
খানন্দের ও উৎসাহের বগা প্রবাহিত হইয়াছিল।

মেয়র-পদে অধিষ্ঠিত হইবার পর অভিনন্দন-সূচক বক্তৃতা-  
বলীর অবসানে, মেয়র সুভাষচন্দ্র প্রত্যুত্তরে বলেন—

“প্রথম মেয়রের প্রথম বক্তৃতাই মিউনিসিপ্যাল টেস্টামেন্ট বা ধর্ম-  
পুস্তক-স্বরূপ হইবে; দেশবন্ধুর কর্ম-পদ্ধতি ছিল—দরিদ্র-নারায়ণের  
সেবা, অবৈতনিক প্রাথমিক শিক্ষা, বিনা ব্যয়ে চিকিৎসা এবং স্বাস্থ্যপ্রদ  
বাসগৃহ প্রদান। এই সমস্তই দরিদ্রের পক্ষে আশীর্বাদ-স্বরূপ। এতদ্ভিন্ন  
স্বল্প ব্যয়ে বিস্তৃত পুষ্টিকর খাদ্য ও ছফ-সরবরাহ, শোধিত ও অশোধিত  
জল-সরবরাহের প্রাচুর্য, জলাকীর্ণ ও বস্তি-অঞ্চলে স্বাস্থ্যরক্ষার উৎকৃষ্টতর  
ব্যবস্থা অবলম্বন, যান-বাহনের উন্নতি-বিধান—এই সমস্তও তাঁহার  
কার্য-তালিকার অন্তর্ভুক্ত ছিল।

কর্পোরেশনেই ইয়োরোপীয় ফ্যাসিজম্ ও সোশ্যালিজমের সমন্বয়  
সাধিত হইয়াছে। একদিকে ভায়, সাম্য ও মৈত্রী, ইহারা সোশ্যালিজমের  
প্রতীক; অত্রদিকে সংঘম ও কর্মদক্ষতা—এই দুইটি ফ্যাসিজমের প্রতীক;  
প্রকৃত পক্ষে সোশ্যালিজমের এবং ফ্যাসিজমের অপূর্ণ সমন্বয়—এই  
কর্পোরেশন।”

১৯২০ খৃষ্টাব্দের ১৩ই নভেম্বর সুভাষচন্দ্রের নেতৃত্বে  
কলিকাতা কর্পোরেশনের এক সভায় তদানীন্তন গোলটেবিল-  
বৈঠকের তীব্র নিন্দা করা হয়; কারণ, গোলটেবিল-বৈঠক



প্রকৃত পক্ষে সর্বদলীয় প্রতিনিধি-সম্মেলন নহে। ১৩ই নভেম্বর লগুনে গোলটেবিল-বৈঠকের আলোচনা আরম্ভ হইয়াছিল।

১৯৩০ খৃষ্টাব্দের ডিসেম্বর মাসে কলিকাতার মেয়র-রূপে স্মৃতিচক্র পাবনা পরিভ্রমণে গমন করেন ; তৎকালে পাবনা-মিউনিসিপ্যালিটি একটি সভায় তাঁহাকে অভিনন্দন প্রদান করে। এই অভিনন্দনের উত্তরে তিনি বলিয়াছিলেন—

“মানব-জীবন একটি অখণ্ড পূর্ণতা মাত্র। ইহাকে বায়ুহীন কক্ষে বিভক্ত করা চলে না। অংশে অংশে ইহার প্রতি দৃষ্টি-প্রয়োগ করা সম্ভব নহে। নাগরিক জীবন, রাজনীতিক জীবন ও সামাজিক জীবনকে পদস্পর্ষ বিচ্ছিন্ন জীবন মনে করা যাইতে পারে না। অভ্যস্তর হইতে একটা বিরাট আদর্শ উদ্ভূত না হইলে নাগরিক জীবন সুন্দর ও পূর্ণ হওয়া সম্ভব নহে, স্বাধীনতা ব্যতীত সেই আদর্শ উদ্ভূত হওয়া অসম্ভব। \* \* \* পভাত-স্বর্গোদয়ে যেমন সুদীর্ঘ রজনীর তমসাবৃত মেঘমালা দূরে পলায়ন করে, তেমনি আমরা শীঘ্রই দেখিব যে যুগ-যুগান্তরব্যাপী পরাধীনতা প্রভাতের কুস্মটিকার মত অন্তর্হিত হইবে এবং স্বাধীনতা-সূর্য্য জাতির ললাটে গৌরবময় বিজয়-টীকা পরাইয়া দিবে।”

স্মৃতিচক্রের এই সকল বক্তৃতা হইতে স্পষ্টই বুঝিতে পারা যায় যে, স্বাধীনতা ছিল তাঁহার জন্ম-শোণিত ; স্বাধীনতাকে বাদ দিয়া তিনি কখনও কিছু ভাবিতেই পারিতেন না।

১৯৩১ খৃষ্টাব্দের জানুয়ারী মাসে স্মৃতিচক্র উত্তরবঙ্গের বিভিন্ন স্থানে পরিভ্রমণ করেন। মালদহ পরিভ্রমণকালে তাঁহার উপর ফৌজদারী কার্যবিধির ১৪৪ ধারা অনুসারে উক্ত

জেলায় প্রবেশের এক নিষেধাজ্ঞা জারি হয়। নির্ভীক সুভাষচন্দ্র এই নিষেধাজ্ঞা অগ্রাহ্য করেন। ফলে তাঁহাকে গ্রেপ্তার করা হয় এবং রেলওয়ে-স্টেশনের বিশ্রামকক্ষে তাঁহার বিচার হয়।

বিচারকালে সুভাষচন্দ্র বলিয়াছিলেন, “এই আদেশে ফৌজদারী কার্যবিধির ১৪৪ ধারার সম্পূর্ণ অপব্যবহার করা হইয়াছে। আগ্রমর্গাদা-সম্পন্ন ভারতবাসী হিসাবে আমি ইহা মানিয়া লইতে পারি না।”

এই বিচারে তাঁহার প্রতি বিনাশ্রমে এক সপ্তাহের জন্ম কারাবাসের আদেশ হয়।

১৯৩১ খৃষ্টাব্দের ২৬শে জানুয়ারী ‘স্বাধীনতা-দিবস’ উদ্‌যাপন উপলক্ষে সুভাষচন্দ্র স্বয়ং পুরোভাগে থাকিয়া একটি শোভাযাত্রা পরিচালনা করেন। পুলিশ এই শোভাযাত্রা লাঠি-চালনা দ্বারা ভাঙ্গিয়া দেয় এবং সুভাষচন্দ্রও প্রহৃত হন। নিষেধাজ্ঞা অমান্য করিয়া শোভাযাত্রা পরিচালনা করায় তাঁহাকে গ্রেপ্তার করা হয় এবং বিচারে তাঁহার প্রতি ছয় মাস সশ্রম কারাদণ্ডের আদেশ হয়। কিন্তু পরিপূর্ণ ছয় মাস তাঁহাকে কারাদণ্ড ভোগ করিতে হয় নাই। কারণ, বড়লাট লর্ড আরউইনের সহিত মহাত্মা গান্ধীর ইতোমধ্যে এক চুক্তি (Pact) সম্পাদিত হইয়াছিল।

লর্ড আরউইন যখন দেখিলেন যে, অসহযোগ-আন্দোলনের ফলে বিলাতের গোলটেবিল-বৈঠকে কোন ভারতীয় প্রতিনিধি যোগদান করিলেন না, তিনি তখন কোর্শলে অসহযোগ-

আন্দোলন দমন করিতে সচেষ্ট হইলেন। মহাত্মার সহিত আলাপ-আলোচনা করিয়া তিনি এইটুকু ব্যবস্থা করিলেন যে, মহাত্মা তাঁহার অসহযোগ-আন্দোলন বন্ধ করিবেন এবং কংগ্রেসের প্রতিনিধি হিসাবে বিলাতে দ্বিতীয় গোলটেবিল-বৈঠকে যোগদান করিবেন। গভর্নমেন্টও সমস্ত রাজনৈতিক বন্দীকে মুক্তি দিতে প্রতিশ্রুত হইলেন। মহাত্মা গান্ধীর সহিত লর্ড আর্ডউইনের এই চুক্তির ফলে সুভাষচন্দ্র পূর্ণদণ্ড ভোগের পূর্বেই, ৮ই মার্চ তারিখে মুক্তিলাভ করিলেন।

গান্ধী ও লর্ড আর্ডউইনের চুক্তি সম্পর্কে আলাপ-আলোচনার সময় একদল উগ্রপন্থী কংগ্রেস-কর্মী তখন মহাত্মাকে অনুরোধ করে যে, পাঞ্জাব-ঘড়মল্ল মামলার আসামী ভগৎ সিংএর মুক্তির জন্মও তিনি যেন চেষ্টা করেন।

ভগৎ সিং পাঞ্জাব পরিষদ-কক্ষে বোমা-নিষ্ক্ষেপ করিয়া ধৃত হইয়াছিলেন। বড়লাট তাঁহার মুক্তির কোন বন্দোবস্ত করিলেন না ; তাঁহার মুক্তির প্রশ্ন পাঞ্জাব-গভর্নমেন্টের ব্যাপার বলিয়া, তিনি এড়াইয়া যাইবার চেষ্টা করিলেন। ইহা সত্ত্বেও মহাত্মা গান্ধী যে লর্ড আর্ডউইনের সহিত চুক্তি-বন্ধ হইলেন এবং অসহযোগ-আন্দোলন বন্ধ করিয়া গোলটেবিল-বৈঠকে যোগদান করিতে সম্মত হইলেন, ইহাতে দেশের যুব-সম্প্রদায় বিশেষ ক্ষুব্ধ হইলেন। তাঁহার করাচিতে কংগ্রেসের অধিবেশন-কালে, প্রায় পাশাপাশি 'নও-জোয়ান-কংগ্রেস' নামে অপর একটি সম্মেলন আহ্বান করিলেন।

তরুণ সম্প্রদায়ের এই সম্মেলনে সুভাষচন্দ্র সভাপতি

নির্ব্বাচিত হইলেন; কিন্তু সম্মেলনের অধিবেশন হইবার পূর্বেই ভগৎ সিং ও শুকদেব সিংএর ফাঁসি হইয়া গেল। ইহাতে তরুণের পুঞ্জীভূত ক্ষোভ যেন চরমে উঠিল! তাঁহারা মনে করিলেন, যাঁহার গভর্নমেন্ট এত বড় একটা সাম্ভাতিক কাজের পৃষ্ঠপোষক ও অনুমোদক, তাঁহার সহিত চুক্তিবদ্ধ হইয়া অসহযোগ-আন্দোলন বন্ধ করা মহাত্মার খুবই অগা্য হইয়াছে। সুতরাং অতঃপর তিনি ষখন করাচিতে উপস্থিত হইলেন, তখন ক্ষুর জনতা তাঁহাকে রুষ পতাকা প্রদর্শন করিয়া অভ্যর্থনা করিল।

নও-জোয়ান কংগ্রেসের অধিবেশন শেষ হইলে, সেই মণ্ডপেই নিখিল-ভারত লাক্ষিত রাজনীতিক সম্মেলনের অধিবেশন হয়। সুভাষচন্দ্র তাহাতেও সভাপতিত্ব করেন। তখন সভাপতির অভিভাষণে তিনি বলিয়াছিলেন, “আইন-অমান্য-আন্দোলন বন্ধ করিবার আদেশ দিয়া মহাত্মাজী দেশের স্বাধীনতা লাভের পক্ষে গুরুতর ক্ষতি করিয়াছেন। তাঁহার সঙ্গে বড়লাটের চুক্তি দেশের কাছে বিশ্বাসঘাতকতা মাত্র!”

১৯৩১ খৃষ্টাব্দের ৩১শে মার্চ তারিখে করাচি-মিউনিসিপ্যালিটি কলিকাতা-কর্পোরেশনের লর্ড-মেয়র সুভাষচন্দ্রকে এক স্বাগত-অভিনন্দন প্রদান করিয়া সম্বর্ধিত করেন: এই অভিনন্দনের উত্তরে সুভাষচন্দ্র প্রথমেই দেখাইয়া দেন যে, এই পরাধীন দেশে লর্ড বা প্রভু কেহ নাই—সকলেই দাস।\*

\* “Subhash chandra Bose...pointed out that in their enslaved country, there were yet no lords but all slaves.”—*Ibid.* P. 444.

প্রমত্তঃ তিনি পাশ্চাত্য লেখকগণের ভ্রান্ত ধারণার কথা উল্লেখ করিয়া বলেন যে, তাঁহাদের মতে পুরাকালে ভারতবর্ষে গণতন্ত্র বা স্বায়ত্তশাসনমূলক কোন প্রতিষ্ঠান ছিল না।

পাশ্চাত্য পণ্ডিতগণের এই ধারণা যে ভ্রান্তিগূলক, তাহা প্রাচ্য পণ্ডিতগণের গবেষণায় সপ্রমাণিত হইয়াছে। তাঁহারা প্রমাণ করিয়াছেন যে, প্রকৃত প্রস্তাবে ভারতবর্ষ গণতন্ত্র ও স্বায়ত্ত-শাসন-মূলক প্রতিষ্ঠানের সহিত বিশেষ পরিচিত ছিল।

তাঁহাদের আর একটি অভিমত যে, নাগরিক জীবনের সহিত রাষ্ট্রনীতির কোন সম্পর্ক ছিল না;—কিন্তু তাহা সম্পূর্ণ অসম্ভব। এই সময় সুভাষচন্দ্র দেশবন্ধু চিত্তরঞ্জনের উল্লেখ করিয়া বলেন যে, দেশবন্ধুর মতে নাগরিক শাসন ও রাষ্ট্রশাসনকে জলরোধী কক্ষের মত পৃথক করা সম্ভব নহে; উভয়কে একটি অখণ্ড বস্তু বলিয়া ধরিতে হইবে। পরিশেষে তিনি বলেন যে, মিউনিসিপ্যালিটি সাহায্য করিলে জাতীয়তার প্রতি কর্তব্য সম্পাদিত হইতে পারে; সুতরাং জাতীয় প্রতিষ্ঠানসমূহকে রক্ষা করা এবং সহস্র-সহস্র নূতন জাতীয় প্রতিষ্ঠান গড়িয়া তোলা মিউনিসিপ্যালিটির কার্য।

সুভাষচন্দ্রের এই বক্তৃতায়ও সুস্পষ্ট প্রমাণিত হয় যে, পরাধীনতাকে তিনি কত বড় একটা দুর্ভাগ্য বলিয়া মনে করিতেন এবং জাতীয় কার্যের জগৎ তাঁহার সমস্ত অস্ত্রঃকরণ কতদিকে উন্মুখ হইয়া থাকিত !

স্বাধীনতা যঁহার অস্থি-মজ্জায় এমন ভাবে মিশিয়া ছিল, সরকারী দস্ত ও অত্যাচারকে তিনি যে ঘৃণিত ও পাশব কীর্ত্তি বলিয়া মনে করিবেন, তাহাতে আর সন্দেহ কি ? সুতরাং সারা ভারতবর্ষে তখন সরকারী চণ্ডনীতি যেভাবে আত্মপ্রকাশ করিতেছিল, বিশেষতঃ বন্দিশালায় আবদ্ধ নিরস্ত্র রাজনৈতিক বন্দীদের উপর তখন স্থানে-স্থানে যে সব অত্যাচার হইতেছিল, সুভাষচন্দ্র তাহা শুনিয়া অত্যন্ত ব্যথিত হন।

নিরস্ত্র বন্দীদের উপর চূড়ান্ত অত্যাচার হইল হিজলী বন্দিশালায়। সেখানে বন্দীদের উপর বেপরোয়া লাঠি-চালনা হইল—গুলি-চালনা হইল। গুলি-চালনার ফলে দুইজন রাজবন্দী নিহত হইলেন।

সকলেই আশা করিয়াছিল, কংগ্রেস এই ব্যাপারে নিশ্চয়ই হস্তক্ষেপ করিবেন; কিন্তু কংগ্রেস তাহাতে বিশেষ কোন আন্দোলন করিলেন না।

নিরস্ত্র বন্দীদিগকে গুলি করিয়া হত্যা করা যে কত নৃশংস ও মর্মান্তিক, সুভাষচন্দ্র তাহা উপলব্ধি করিলেন। তথাপি কংগ্রেস বিশেষ কোন আন্দোলনের পক্ষপাতী নহে, তিনি ইহা লক্ষ্য করিয়া, প্রতিবাদে বঙ্গীয় প্রাদেশিক কংগ্রেস-কমিটির সভাপতির পদ ও কলিকাতা কর্পোরেশনের অল্ডারম্যানের পদে ইস্তফা দিলেন।

## ইয়োরোপ-প্রবাস

১৪৪ ধারা অমান্ত—গ্রেপ্তার—কারাবাস ও ইয়োরোপ যাত্রা—  
প্রত্যাবর্তন ও পিতার মৃত্যু—আবার ইয়োরোপে—দেশবাসীর  
আমন্ত্রণে আগমন—গ্রেপ্তার—ইয়োরোপে তৃতীয়বার।

১৯৩১ খৃষ্টাব্দের অক্টোবর মাসের প্রথমে ব্যারাকপুরে এক  
শ্রমিক-কনফারেন্স অনুষ্ঠিত হয়। এই সভায় উপস্থিত না  
হইবার জ্ঞাত সুভাষচন্দ্রের উপর কৌজদারী কার্যবিধির  
১৪৪ ধারা জারি করা হয়; কিন্তু চির-নির্ভীক সুভাষচন্দ্র  
গভর্নমেন্টের নিষেধাজ্ঞা উপেক্ষা করিয়া কনফারেন্সে যোগদান  
করিলেন।

ঢাকায় পুলিশের অবৈধ কার্য-কলাপের তদন্তের জ্ঞাত  
বেসরকারী তদন্ত-কমিটির সদস্যরূপে সুভাষচন্দ্র যখন ঢাকা  
যাইতেছিলেন, তৎকালে তেজগাঁও ফেশনে তাঁহার উপর  
১৪৪ ধারা অনুসারে পুনরায় এক নিষেধাজ্ঞা জারি করা হয়;  
কিন্তু সুভাষচন্দ্র এই বারও নিষেধাজ্ঞা অমান্ত করিয়া ঢাকা  
গমন করেন।

সৌভাগ্যের বিষয়, উক্ত দুইবারের একবারও নিষেধাজ্ঞা  
অমান্ত করার অজুহাতে তাঁহাকে গ্রেপ্তার করা হয় নাই।

১৯৩১ খৃষ্টাব্দের ডিসেম্বর মাসে তিনি মহাত্মা গান্ধীর  
সহিত পরামর্শ করিবার জ্ঞাত বোম্বাই গমন করেন। মহাত্মা  
তখন সবে মাত্র গোলটেবিল-বৈঠক হইতে ব্যর্থ-মনোরথ হইয়া  
ভারতবর্ষে ফিরিয়া আসিয়াছেন। মহাত্মা গান্ধীর সঙ্গে

আলোচনার বিষয় ছিল—বাংলার রাজনীতিক অবস্থা ও পুলিশের ক্রমবর্ধিত হস্তক্ষেপ। মহাত্মার সহিত সাক্ষাৎকালে তিনি কংগ্রেসের ওয়ার্কিং কমিটির এক অধিবেশনেও যোগদান করিলেন। মহাত্মার সহিত আলাপ-আলোচনা শেষ করিয়া, দেশে ফিরিয়া আসিবার পথে কল্যাণ স্টেশনে ১৯৩২ খৃস্টাব্দের ২রা জানুয়ারী তারিখে, ১৮১৮ খৃস্টাব্দের ৩ রেগুলেশন অনুসারে তাঁহাকে গ্রেপ্তার করা হয়।

এইবার তাঁহাকে বাংলার বাহিরে বিভিন্ন জেলে রাখা হয়, কলে তাঁহার স্বাস্থ্য ভাঙ্গিয়া পড়ে। ইহাতে ভারত-গভর্নমেন্ট ভগ্নস্বাস্থ্য-হেতু ভারতের বাহিরে চিকিৎসার্থ গমন করিবার জন্ম তাঁহাকে মুক্তিদান করেন।

১৯৩৩ খৃস্টাব্দের ১লা জানুয়ারী\* তারিখে জননী-জন্মভূমির নিকট বিদায় গ্রহণ করিয়া সুভাষচন্দ্র দ্বিতীয়বার ইয়োরোপ যাত্রা করেন।

১৯৩৩ খৃস্টাব্দের ৮ই মার্চ তারিখে তিনি ভিয়েনায় উপনীত হইলেন। তথায় তিনি একটি স্বাস্থ্য-নিরাসে বাস করিতে থাকেন। ভিয়েনায় তিনি কেন্দ্রীয় পরিষদের ভূতপূর্ব সভাপতি, অধুনা-পরলোকগত ভি. জে. পেটেলের সহিত সাক্ষাৎ করেন।

ভি. জে. পেটেলের জীবনের শেষ দিন পর্য্যন্ত সুভাষচন্দ্রের সহিত তাঁহার ঘনিষ্ঠ সম্পর্ক বিদ্যমান ছিল। এই সময় মহাত্মা গান্ধী আইন-অমান্য-আন্দোলন বন্ধ করায় ভি. জে. পেটেল ও

\* ২৩শে ফেব্রুয়ারী—আনন্দবাজার পত্রিকা।



সুভাষচন্দ্র—উভয়ে সমবেত ভাবে মহাত্মার এই কার্যের সমালোচনা করিয়া এক যুক্ত বিবৃতি প্রদান করেন।

সুভাষচন্দ্রকে মিঃ পেটেল এতটা বিশ্বাস করিয়াছিলেন যে, ভারতের জাতীয় আন্দোলন পরিচালনার নিমিত্ত তিনি তাঁহার উইলে একটা বিপুল অর্থ সুভাষচন্দ্রের হস্তে হস্ত করিবার নির্দেশ দিয়া যান; কিন্তু সুভাষচন্দ্রের দুর্ভাগ্য, তিনি যেন চিরদিনই একটা সজ্ববন্ধ ষড়যন্ত্রের লক্ষ্যস্থল ছিলেন এবং এই পরাধীন দেশের স্বাভাবিক রুদ-কালিমার উল্লে থাকিয়া তাঁহার জাতীয় উন্নতির কোন স্বপ্নকেই বাস্তবে রূপান্তরিত করিতে পারিবে না! সূত্রাং স্বার্থ-বিশিষ্ট ব্যক্তির নিয়োজিত কৌসলীর আইনগত কূটতর্কে স্বর্গত পুণ্যলোক মহাপুরুষ ডি. জে. পেটেলের সেই নির্দেশ বাতিল হইয়া গেল— সুভাষচন্দ্রের হাতে কোন অর্থই আসিল না।

ইয়োরোপ প্রবাস-কালে রুশিয়া, ইংলণ্ড ও আমেরিকার যুক্তরাষ্ট্রে গমন তাঁহার পক্ষে নিষিদ্ধ ছিল। লণ্ডনের ইণ্ডিয়ান রিপাব্লিকান অ্যাসোসিয়েশনের তাঁবে অনুষ্ঠিত লণ্ডন পলিটিক্যাল কন্ফারেন্সের সভাপতি-পদ গ্রহণের জন্ম তাঁহাকে আহ্বান করা হইয়াছিল; কিন্তু অনুমতি না পাওয়ার তিনি লণ্ডনে উপস্থিত হইতে পারেন নাই। তবে তাঁহার লিখিত অভিভাষণ উক্ত সভায় পাঠ করা হইয়াছিল। তাঁহার এই অভিভাষণ সামুদ্রিক শুল্ক-আইন অনুসারে ভারতে আসা নিষিদ্ধ।

তাঁহার স্বপ্রসিদ্ধ পুস্তক 'ভারতীয় সংগ্রাম' (In Struggle) লণ্ডনের একটি পুস্তক-প্রকাশক কোম্পানী প্র [পৃ:—৮০

করিয়াছেন। বিভিন্ন দেশের লোকমান্য লক্ষপ্রতিষ্ঠ চিন্তাশীল ব্যক্তিবর্গ শতযুখে এই গ্রন্থের প্রশংসা করিয়াছেন। দুঃখের বিষয়, এই গ্রন্থেরও ভারতে আগমন নিষিদ্ধ।

১৯৩৪ খৃষ্টাব্দের শেষ দিকে জানকীনাথ বসু মহাশয় অত্যন্ত অসুস্থ হইয়া পড়েন। সুভাষচন্দ্র চিরস্নেহময় পিতার অসুস্থতার সংবাদে স্থির থাকিতে পারিলেন না। তিনি ৩রা ডিসেম্বর তারিখে গভর্নমেন্টের বিনা অনুমতিতেই আকাশ-বানে ইয়োরোপ হইতে করাচি উপনীত হইলেন। কিন্তু দুঃখ এবং দুর্ভাগ্যের বিষয়—করাচি পৌঁছিয়াই তিনি পিতার মৃত্যু-সংবাদ পাইলেন। তাঁহার দুঃখ রাখিবার স্থান রহিল না। পিতার মৃত্যুকালে তাঁহার দর্শনে বঞ্চিত হওয়া যে কি শোকাবহ ঘটনা, তাহা ভুক্তভোগী ব্যতীত অপরে ঠিক হৃদয়ঙ্গম করিতে পারিবে না।

শোক-ব্যথিত হৃদয় লইয়া তিনি কলিকাতায় আসিয়া উপস্থিত হইলেন। দম্‌দম্-এরোডোমে তাঁহার উপর নিবেদ্যাজ্ঞা জারি হইল যে, তাঁহাকে সরাসরি এলগিন রোডের বাড়ীতে যাইতে হইবে এবং নিজ গৃহে বন্দী ভাবে বাস করিতে হইবে; পরে, সাত দিনের মধ্যে ভারতবর্ষ ত্যাগ করিতে হইবে—এই মর্মে অপর একটি নিবেদ্যাজ্ঞা তাঁহার উপর জারি করা হইল। অবশেষে পিতার শ্রাদ্ধাদি কার্যা নিষ্পন্ন না হওয়া পর্য্যন্ত তাঁহাকে অবস্থান করিবার অনুমতি দেওয়া হয়।

গান্ধী পিতৃ-শ্রাদ্ধের অবসানে সুভাষচন্দ্রকে আবার বিধবা জননী  
 \* দুঃখিনী জন্মভূমির নিকট বিদায় গ্রহণ করিয়া ১৯৩৫



কতকগুলি মশক বাঁধা, তাহার উপরে জ্বাল বিছানো।

পৃঃ—৮০



খৃষ্টাব্দের ৮ই জানুয়ারী ফ্রান্সে, ব্যথিত ও ভয় হৃদয়ে অশ্রু-সজল চক্ষে সুদূর সাগর-পারে যাত্রা করিতে হইল।

ইয়োরোপে কিরিয়া গিয়া তিনি এমন একটি রোগে আক্রান্ত হইয়া পড়েন যে, তাঁহার দেহে অস্ত্রোপচারের প্রয়োজন হয়। সুপ্রসিদ্ধ ডাক্তার ড্যামিয়েল অস্ত্রোপচার-কার্য নিষ্পন্ন করেন।

অস্ত্রোপচার-কার্য সম্পূর্ণ সাকল্যমণ্ডিত হইয়াছিল; তিনি ধীরে-ধীরে আরোগ্যের পথে অগ্রসর হন।

এই সময় তিনি ভারতীয় জাতীয় আন্দোলনের ইতিহাস (History of the Indian National Movement) রচনায় আত্মনিয়োগ করেন; কিন্তু শারীরিক অসুস্থতাবশতঃ কঠোর পরিশ্রমে অক্ষম হওয়ায় তিনি এই গ্রন্থ শেষ করিতে পারেন নাই।

১৯৩৫ খৃষ্টাব্দের ৬ই জুন তারিখে ভিয়েনায় অনুষ্ঠিত ভারতীয় মধ্য-ইয়োরোপীয় সমিতির (Indian Central European Society) কন্ফারেন্সে সুভাষচন্দ্র যোগদান করেন।

১৯৩৫ খৃষ্টাব্দের ডিসেম্বর মাসে রোম নগরে অনুষ্ঠিত এসিয়াটিক স্টুডেন্টস্ কন্ফারেন্সেও সুভাষচন্দ্র যোগদান করিয়াছিলেন। স্যনামখণ্ড সিনর মুসোলিনি এই কন্ফারেন্সের উদ্বোধন করেন।

১৯৩৬ খৃষ্টাব্দের প্রথম ভাগে তিনি আয়ার্ল্যান্ড পরিভ্রমণ করিয়া পুনরায় ভিয়েনায় কিরিয়া আসিলেন।

সেই বৎসরই মার্চ মাসে তিনি ভারতবর্ষে প্রত্যাবর্তনের সঙ্কল্প প্রকাশ করিলেন।

তঁাহার উদ্দেশ্য ছিল, ভারতীয় জাতীয় মহাসমিতির লক্ষ্মী-অধিবেশনে যোগদান করিয়া আন্দোলন সম্পর্কে আলোচনা করিবেন; কারণ, লক্ষ্মী-অধিবেশনের সভাপতি পণ্ডিত জওহরলাল নেহেরু তঁাহাকে জানাইয়াছিলেন যে তিনি এই অধিবেশনে যোগদান করেন, ইহাই দেশবাসীর আকাঙ্ক্ষা।

কিন্তু দেশবাসীর আকাঙ্ক্ষা হইলে কি হইবে, ভারত-গভর্নমেন্ট তাহাতে সম্মত হইলেন না; স্বদেশে ফিরিলেই তঁাহাকে গ্রেপ্তার করা হইবে, ইহা তঁাহারা প্রকাশ করিলেন। ভিয়েনার ব্রিটিশ কন্সালের নিকট হইতেও তিনি অনুরূপ একখানি পত্র পাইলেন। এই পত্রে তঁাহাকে জানান হইল—তিনি মার্চ মাসেই ভারতে প্রত্যাগমন করিবেন, সংবাদ-পত্রে এইরূপ মন্তব্য পাঠ করিয়া ভারত-গভর্নমেন্ট তঁাহাকে সুস্পষ্টভাবে জানাইতেছেন যে, যদি তিনি ভারতে প্রত্যাবর্তন করেন, তবে হয়ত তিনি স্বাধীন ভাবে বিচরণ করিতে সমর্থ হইবেন না।

এই পত্র পাঠ করিয়াও স্মৃতিচক্রের সঙ্কল্প অচল-অটল রহিল। তিনি বুঝিলেন, দেশবাসীর আহ্বানে সাড়া দিতে গেলে গভর্নমেন্টের কোপদৃষ্টিতে পড়িয়া তঁাহাকে বন্দী জীবন যাপন করিতে হইবে।

এখন এরূপ অবস্থায় কি করা কর্তব্য?—কিন্তু কর্তব্য-নির্ধারণ করিতে তঁাহার বেশী দেরী হইল না। ষত বিপদই

হটক, সুভাষচন্দ্র দেশবাসীর আহ্বানে সাড়া দিতে সক্ষম করিলেন।

তাহা ছাড়া, সম্ভবতঃ আরও একটি কারণ ছিল। দেশকে যাহারা ভালবাসে, তাহারা দেশকে ছাড়িয়া দীর্ঘকাল বিদেশে নির্বাসিত জীবন যাপন করিতে পারে না। ফরাসী সম্রাট মহাবীর নেপোলিয়ন বোনাপার্ট প্রকৃতই ফ্রান্সকে ভালবাসিতেন; সেই জন্ত তিনিও এল্‌বা দ্বীপে নির্বাসিত জীবন দীর্ঘকাল যাপন করিতে পারেন নাই—গোপনে এল্‌বা ত্যাগ করিয়া ফ্রান্সে ফিরিয়া আসিয়াছিলেন।

সুভাষচন্দ্রও নেপোলিয়নের মত ইয়োরোপ ত্যাগ করিয়া ভারতের অভিমুখে যাত্রা করিলেন। গভর্নমেন্ট-বিজ্ঞাপিত বন্দী-জীবনের বিভীষিকাও তাঁহাকে সক্ষম হইতে চ্যুত করিতে পারিল না, বিপদের ঝঞ্ঝাবৃষ্টি মাথায় করিয়া তিনি আবার সাগর-পাড়ি দিলেন। চিরদিন বিদেশে নির্বাসিত জীবন যাপন করা অপেক্ষা স্বদেশে কারা-প্রাচীরের অন্তরালে অবস্থিতিও তিনি শ্রেয়ঃ মনে করিলেন।

১৯৩৬ খৃষ্টাব্দের ৮ই এপ্রিল তিনি বোম্বাই বন্দরে অবতরণ করেন। সঙ্গে-সঙ্গে তাঁহাকে ১৯১৮ সালের ৩নং রেগুলেশন অনুসারে গ্রেপ্তার করিয়া পুণা যারবেদা-জেলে রাখা হয়। বিভিন্ন জেলে অবস্থিতির পর তাঁহাকে তাঁহার দাদা শরৎচন্দ্র বসুর কার্ণিমাংস্থিত বাড়ীতে অন্তর্গত করা হয়।

সুভাষচন্দ্রের গ্রেপ্তারে সমস্ত দেশে একটা আন্দোলনের সৃষ্টি হয়। ১০ই মে দেশের সর্বত্র “নিখিল-ভারত সুভাষ-দিবস”

নির্ধারিত হইল এবং ঐ দিন ভারতের সর্বত্র তাঁহার গ্রেপ্তারের প্রতিবাদে সভা-সমিতি ও বক্তৃতা অনুষ্ঠিত হইয়াছিল।

দীর্ঘকাল বন্দীজীবন যাপন করায় সুভাষচন্দ্রের স্বাস্থ্য ভাঙ্গিয়া পড়িল। অবশেষে ১৯৩৭ খৃস্টাব্দের ১৭ই মার্চ তারিখে গভর্নমেন্ট তাঁহাকে বিনা সর্তে মুক্তিদান করিলেন। তাঁহার মুক্তিতে দেশে আবার আনন্দের বন্যা প্রবাহিত হইতে থাকে। ১৯৩৭ খৃস্টাব্দের ৬ই এপ্রিল তারিখে শ্রদ্ধানন্দ-পার্কে এক জন-সভায় দেশবাসী তাঁহাকে তাহাদের সাদর অভিনন্দন জ্ঞাপন করে।

মুক্তিলাভের পর তিনি পাঞ্জাবের ডালহৌসী সহরে হিমালয়-শিখরে স্বাস্থ্য-লাভার্থ গমন করেন। ১৯৩৭ খৃস্টাব্দের অক্টোবর মাসে তিনি কলিকাতায় ফিরিয়া আসেন। ২৮শে নভেম্বর তারিখে তিনি পুনরায় চিকিৎসার্থ আকাশ-পথে ইয়োরোপ যাত্রা করেন। তিনি ইয়োরোপে অষ্ট্রিয়ার বাদগাস-ফটাইন নামক স্থানে অবস্থিতি করিয়া চিকিৎসিত হইতে থাকেন।

১৯৩৮ খৃস্টাব্দের জানুয়ারী মাসে তিনি ইংলণ্ডে গমন করেন।



## ভারতীয় জাতীয় মহা-সমিতির সভাপতি

‘হরিপুরা’-কংগ্রেস ১৯৩৮—‘ত্রিপুরী’-কংগ্রেস ১৯৩৯—প্রতি-  
যোগিতা—জয়লাভ—মহাত্মার ক্ষোভ—হলওয়েল মনুমেণ্ট অপ-  
সারণ—সুদীর্ঘ হাজত-বাস—মুক্তি—নিরুদ্দেশ ।

ইংলণ্ডে অবস্থিতি-কালে সুভাষচন্দ্র ভারতীয় জাতীয় মহা-  
সমিতির এক-পঞ্চাশত্তম ‘হরিপুরা’-অধিবেশনের সভাপতি  
নির্বাচিত হইলেন ।

ভারতীয় জাতীয় মহা-সমিতির সভাপতিরূপে তিনি যে  
অভিভাষণ প্রদান করেন, তাহাতে তাঁহার দূরদৃষ্টি, সূক্ষ্ম  
বিশ্লেষণ-শক্তি ও পাণ্ডিত্য পূর্ণমাত্রায় প্রকটিত । এই অভিভাষণে  
তিনি প্রথমেই সাম্রাজ্যের উত্থান-পতন লইয়া আলোচনা  
করিয়াছেন । তিনি বলিতেছেন—

“মানবের ইতিহাসের প্রতি প্রাথমিক দৃষ্টিপাতেই সাম্রাজ্যের উত্থান-  
পতন আমাদিগকে আকর্ষণ করে । কি প্রাচ্যে, কি পাশ্চাত্যে, সর্বত্রই  
সাম্রাজ্য প্রথমে বৃদ্ধি প্রাপ্ত হইতে থাকে ; পরে উন্নতির সর্বোচ্চ শিখর  
অধিগত করিয়া ধীরে ধীরে হীনাবস্থায় নিপতিত হয় এবং কখনো  
কখনো মৃত্যুর আলিঙ্গনে লুপ্ত হইয়া যায় । পাশ্চাত্যে প্রাচীন রোম-  
সাম্রাজ্য এবং বর্তমান কালের তুর্কী-সাম্রাজ্য ও অষ্ট্রো-হাঙ্গেরীয় সাম্রাজ্য  
এই নিয়মের জলস্ত দৃষ্টান্ত ; ভারতবর্ষেও মৌর্য্য, গুপ্ত এবং মোগল-  
সাম্রাজ্য ইহার ব্যতিক্রম নহে । ইতিহাসের এই সমস্ত বাস্তব ঘটনার  
প্রতি লক্ষ্য করিয়া কেহ কি সাহসের সহিত বলিতে পারেন যে, ব্রিটিশ  
সাম্রাজ্যের ভাগ্যে অন্তরূপ বিধান রহিয়াছে ? \*

\* “In the face of these objective facts of history, can any  
one be so bold as to maintain that there is in store a differ-  
ent fate for the British Empire ?”

—The Calcutta Municipal Gazette, Vol. XLII, No. 16, P. ১৫৯

\* \* \* \*

একথা সত্য যে অত্যেক সাম্রাজ্যই ভেদনীতির আশ্রয় গ্রহণ করিয়া শাসন-কার্য চালাইয়া থাকে ; কিন্তু পৃথিবীর মধ্যে গ্রেট ব্রিটেনের মত এই নীতি এমন কৌশলপূর্ণ, ধারাবাহিক এবং নিষ্ঠুরভাবে অস্ত্র কোন সাম্রাজ্য অনুসরণ করিয়াছে কি না সন্দেহ । \*

\* \* \* \*

বর্তমানে ব্রিটিশ সাম্রাজ্য কয়েকটি বিষয়ে বিশেষ বিব্রত হইয়া পড়িয়াছে । ব্রিটিশ সাম্রাজ্যের মধ্যে পশ্চিমে আয়াল্যাণ্ড এবং পূর্বে ভারতবর্ষ রহিয়াছে ; মধ্যভাগে প্যালেষ্টাইন, মিশর ও ইরাক-সহ বিরাজমান ; দূর প্রাচ্যে জাপান ও ভূমধ্যসাগরে ইতালী চাপ দিতেছে ; পটভূমিকায় সোভিয়েট রুশিয়া প্রত্যেক সাম্রাজ্যবাদী জাতির হৃদয়ে ভীতির উদ্রেক করিতেছে । এই সমস্ত বিষয়ের চাপ ও কঠোর শ্রম-স্বীকারের সম্মিলিত ফল ব্রিটিশ সাম্রাজ্য কতদিন সহ করিতে সমর্থ হইবে ? \* \* \* \* পরিশেষে বলা চলে যে, আকাশ-সৈন্য আধুনিক যুদ্ধে যুগান্তর সংসাধিত করিয়াছে ; ইহাতে শক্তি-সাম্য পৃথিবীর রাষ্ট্রনীতি হইতে তিরোহিত হইয়াছে, এবং বিশাল সাম্রাজ্যের মৃত্তিকা-নির্মিত চরণ যুগল বর্তমানে বেঙ্গল উন্মুক্ত হইয়া পড়িয়াছে, পূর্বে কখনও সেরূপ হয় নাই । †

কিন্তু এই বিশ্বশক্তির মধ্য হইতে ভারতবর্ষ পূর্কোপেক্ষা অধিকতর শক্তিশালী হইয়া উঠিবে । আমাদের এই বিশাল দেশে ৩৫ কোটি লোকের বাস ; এক সময়ে এই দেশের বিশালতা এবং জনশক্তির বিপুলতা আমাদের হর্সলতাই প্রকাশ করিত ; কিন্তু বর্তমানে উহা শক্তির

\* "But I doubt if any Empire in the world has practised this policy so skilfully, systematically and ruthlessly as Great Britain."  
—*Ibid.* P. 445

† "The clay feet of a gigantic empire now stands exposed as never been before".—*Ibid.*, P. 446.

সাধারণ—বদি আমরা সম্মিলিত হইয়া আমাদের শাসনকর্তার সম্মুখে সাহসের সহিত দাঁড়াইতে পারি।

১৯৩৯ খৃষ্টাব্দে সুভাষচন্দ্র পুনরায় নিখিল-ভারতীয় জাতীয় মহাসমিতির ত্রিপুরী-অধিবেশনের সভাপতি নির্বাচিত হন ; কিন্তু নির্বাচিত হইলেও, নির্বাচন-প্রতিদ্বন্দ্বিতায় তাঁহার বিজয়-গৌরব-লাভ জাতীয় ইতিহাসের এক ব্যথা-বিমণ্ডিত মসীলিপ্ত ইতিহাস।

এবার নির্বাচন-প্রার্থী ছিলেন তিনজন—মৌলানা আবুল কালাম আজাদ, ডাঃ পট্টভি সীতারামিয়া ও সুভাষচন্দ্র। মৌলানা আবুল কালাম আজাদ তাঁহার ভগ্নস্বাস্থ্যের জ্ঞে ডাঃ সীতারামিয়ার অনুকূলে প্রতিদ্বন্দ্বিতা হইতে সরিয়া আসিলেন ; সুতরাং শেষ পর্যন্ত প্রতিদ্বন্দ্বী রহিলেন দুইজন— ডাঃ সীতারামিয়া ও সুভাষচন্দ্র।

মহাত্মা গান্ধী ও তাঁহার অনুবর্ত্তিগণ ডাঃ সীতারামিয়ার অনুকূলে ছিলেন, তাঁহারা সুভাষচন্দ্রের সম্পর্কে বিরুদ্ধ মত পোষণ করিতেন। ইহার কারণ,—ব্রিটিশ গভর্নমেন্টের ইচ্ছা ছিল, তাঁহারা দেশীয় রাজ্য ও ব্রিটিশ-শাসিত অংশ লইয়া এক যুক্তরাষ্ট্র গড়িয়া তোলেন। মহাত্মা-প্রমুখ নরমপন্থী রাজনীতিক-গণ ব্রিটিশ গভর্নমেন্টের এই আকাঙ্ক্ষার স্বপক্ষে ছিলেন ; কিন্তু সুভাষচন্দ্র ও তাঁহার অনুবর্ত্তিগণ মহাত্মার দলীয় এই দুর্বলতাকে আপোষ-মীমাংসার প্রচেষ্টা বলিয়া মনে করিতেন। তাঁহাদের অভিমত ছিল, আপোষ-মনোবৃত্তিতে কোনদিনই স্বাধীনতা আসিবে না। স্বাধীনতা অর্জন করিতে হইলে

আপোষ-বিরোধী মনোভাব লইয়া, তাহা জোর করিয়া আদায় করিতে হইবে।

দৃষ্টিপথের এই পার্থক্য-হেতু মহাত্মা গান্ধী ইত্যাদি ব্যক্তিগণ সুভাষচন্দ্রের নির্বাচন পছন্দ করিলেন না, তাঁহারা নানাভাবে সুভাষচন্দ্রের বিরুদ্ধাচরণে কুণ্ঠিত হন নাই। কিন্তু তাঁহাদের বিরুদ্ধাচরণ সত্ত্বেও গণভোটে সুভাষচন্দ্রই নির্বাচিত হইলেন। তাঁহার এই নির্বাচনে ইহাই প্রতীয়মান হইল যে, তিনি মহাত্মা গান্ধী অপেক্ষাও ব্যাপকভাবে দেশবাসীর হৃদয়-জয়ে সমর্থ হইয়াছিলেন।

নির্বাচন এত তীব্র হইয়াছিল যে, সুভাষচন্দ্র জয়লাভ করিলে মহাত্মা গান্ধী বলিয়াছিলেন, “ভাঃ পটুভির পরাজয়ে আমার পরাজয় হইয়াছে!”

কেবল তাহাই নহে, তিনি এমন ইঙ্গিতও করিলেন যে, যাহাতে মনে হয়, ওয়ার্কিং কমিটির সদস্যদিগের এখন পদত্যাগ করা সঙ্গত। ইহার ফলে ত্রিপুরীতে কংগ্রেস-অধিবেশনের পূর্বেই প্রাক্তন ওয়ার্কিং কমিটির সভ্যগণ সুভাষচন্দ্রের নিকট পদত্যাগ-পত্র দাখিল করিয়া পরিপূর্ণ অসহযোগিতা প্রদর্শন করিলেন!

কংগ্রেসের এই জঘন্য ষড়যন্ত্র সম্পর্কে ও মহাত্মা গান্ধী-সম্পর্কে—শ্রদ্ধাভাঙ্গন সাহিত্যিক শ্রীযুক্ত বিজয়রত্ন মজুমদার মহাশয় যাহা লিখিয়াছেন, তাহার কিছু-কিছু নিম্নে উদ্ধৃত হইল।—

“১৯১৯ এবং তৎপরবর্তী, কালে—আজ পর্য্যন্ত, কংগ্রেস বলিতে গান্ধীজী এবং গান্ধীজী বলিতে কংগ্রেসকেই বুঝাইত

এবং বুঝায় ; সুতরাং এই পরাজয়ে উভয়েরই পরাজয় ইহা বুদ্ধিতে বিলম্ব হয় না। তথাপি গান্ধীজী কেন যে 'ব্যক্তিগত পরাভব' শব্দ-সমষ্টির উপর জোর দিয়াছিলেন, তাহাও সহজেই অনুধাবন করিতে পারা যায়।

গান্ধীজীর অভ্রভেদী প্রভাব যে ধর্ষ হইতে চলিয়াছে, এই সত্য সুস্পষ্টরূপেই অনুভূত হইয়াছিল।...একমাত্র সর্বশক্তিমান ব্রিটিশ গভর্নমেন্ট ব্যতিরেকে এই ভারতবর্ষে গান্ধীজীর ব্যক্তিত্ব ও প্রভাবকে, কোনও দিন কোনও লোকই দ্বন্দ্রে আতৃত করিতে সাহস পায় নাই।...সুদীর্ঘকাল পরে একজন শক্তিমান ভারতীয় সেই গান্ধীকেই চ্যালেঞ্জ করিয়া বসিল।

চ্যালেঞ্জ করাই ত অপরাধ—যুদ্ধে জয়লাভ করা মহা অপরাধ—অমার্জ্জনীয় অপরাধ! গান্ধী-ভারতবর্ষ যেন বিহারের ভূমিকম্পে আলোড়িত হইয়া উঠিল!...ইদানীং কালের কংগ্রেসে এমন কাদা ছোঁড়া-ছুঁড়ির দৃষ্টান্ত আদৌ বিরল, একথা আমি অসঙ্কোচে লিখিয়া রাখিতে পারি।”

বিজয়বাবুর এই মন্তব্যের পর আমাদের আর কোন মন্তব্য নিশ্চয়োজন। যা হোক, কংগ্রেসের ওয়ার্কিং কমিটির সভ্যগণ যখন পদত্যাগ করিয়া সুভাষচন্দ্রকে একেবারে অসহায় করিয়া তুলিতেছিলেন, সুভাষচন্দ্র তখন কঠিন রোগে শয্যাশায়ী—তাঁহার ব্রহ্মো-নিমোনিয়া। কিন্তু এই অবস্থায়ই তিনি ৬ই মার্চ তারিখে 'এনুলেন্স্' গাড়ী করিয়া ত্রিপুরীতে প্রবেশ করিলেন।

অধিবেশনের সময় তাঁহার দেহের উত্তাপ এত বেশী হইল যে, ডাঃ হেনেসী তাঁহাকে পরীক্ষা করিয়া জব্বলপুর হাসপাতালে যাইবার পরামর্শ দিলেন। পণ্ডিত জগদ্বরলালও সুভাষচন্দ্রকে সেই অনুরোধই করিলেন; কিন্তু সুভাষচন্দ্র তখন জাতীয় চিন্তায় উন্মাদ! ব্যক্তিগত চিন্তা-ভাবনা তাঁহার কাছে তখন তুচ্ছ। দৃশ্য সিংহের ন্যায় তিনি গর্জন করিয়া উঠিলেন, “আমি জব্বলপুর হাসপাতালে যাইবার জন্য এখানে আসি নাই। অধিবেশন শেষ হইবার পূর্বে অগ্রত স্থানান্তরিত হওয়ার অপেক্ষা আমি মৃত্যু বরণ করিতে চাই।”

কিন্তু আশ্চর্যের বিষয়, সুভাষচন্দ্রের শারীরিক অবস্থা যখন এইরূপ এবং যে অবস্থার সাক্ষীদের মধ্যে ডাঃ হেনেসি এবং পণ্ডিত জগদ্বরলালের নামোল্লেখ করা যাইতে পারে, সেই অবস্থাও গান্ধীজীর অনুবর্তিগণ বিশ্বাস করিতে পারেন নাই—তাঁহারা ইহাকে পীড়ার ভান মনে করিয়াছিলেন! এ বিষয়ে বিজয়বাবু বলিয়াছেন :—

“ইহাকে রাজনৈতিক অনুস্থতা বোধে হাসি-ঠাট্টার বিষয়ীভূত করা হইয়াছিল।”

ত্রিপুরী-কংগ্রেসের অধিবেশন শেষ হইয়া গেল। সুভাষচন্দ্র মহাত্মাজীর আশীর্ব্বাদ ভিক্ষা করিলেন, তাঁহার সহযোগিতা প্রার্থনা করিলেন, তাঁহাকে কলিকাতায় আসিয়া ওয়ার্কিং কমিটির সদস্য নিযুক্ত করিতে অনুরোধ করিলেন; মোট কথা, তিনি কংগ্রেসের ঐক্য রক্ষার নিমিত্ত যথাসাধ্য চেষ্টা করিলেন; কিন্তু যখন কিছুতেই কিছু হইল না, ব্যক্তিগত

মান-অভিমান ও ঈর্ষ্যা-বিদ্বেষই যখন জাতীয় ঐক্যবোধকে অভিভূত করিয়া রাখিল, সুভাষচন্দ্র তখন পদত্যাগ করাই সমীচীন মনে করিয়া পদত্যাগ-পত্র দাখিল করিলেন। সঙ্গে-সঙ্গে তাঁহার স্থলে সভাপতি নির্বাচিত হইলেন ডাঃ রাজেন্দ্রপ্রসাদ !

সুভাষচন্দ্র বুঝিলেন, জাতীয় জীবনের মূর্ত্ত বিকাশ কংগ্রেসকে বিপ্লবী প্রতিষ্ঠানরূপে গড়িয়া তুলিবার যে কল্পনা এতদিন তিনি করিয়া আসিতেছিলেন, তাহা চূর্ণ হইয়া গিয়াছে! মহাত্মাজী যতদিন অসহযোগ-আন্দোলনের পক্ষপাতী ছিলেন, সুভাষচন্দ্র কেবল ততদিনই তাঁহার সহিত মিশিয়া চলিতে পারিতেছিলেন! কিন্তু মহাত্মাজী ও তাঁহার অনুবর্ত্তী কংগ্রেস এখন আর কোন সংগ্রামের পক্ষপাতী নহেন; অথচ তিনি নিজে বিশ্বাস করেন. আপোষ-বিহীন সংগ্রাম ব্যতীত কখনও স্বাধীনতা লাভ হইবে না। সুতরাং তিনি নিজ্জীব ও নিষ্কর্ম্মার গায় বসিয়া না থাকিয়া ‘ফরওয়ার্ড ব্লক’ (Forward Block) নামে এক সংগ্রাম-পন্থী কমিউনিস্ট গঠন করিলেন।

আজ মনে হয়, ত্রিপুরী-অধিবেশন উপলক্ষে কংগ্রেসের উর্দ্ধতন কর্তৃপক্ষ সুভাষচন্দ্রকে তুলুঠিত করিবার জগ্য যে সঙ্ঘবদ্ধ জঘন্য আয়োজন করিয়াছিলেন, যাহার ফলে সুভাষচন্দ্রের ‘ফরওয়ার্ড ব্লক’ সৃষ্টি এবং অব্যবহিত পরেই কংগ্রেস-কর্তৃপক্ষ-কর্তৃক কংগ্রেস হইতে তিন বৎসরের জগ্য তাঁহাকে বহিষ্কারের ব্যবস্থা,—এ সমস্তই বুঝি দেশের মঙ্গলের জগ্যই হইয়াছিল !

কংগ্রেসে সুভাষচন্দ্রের স্থান হইল না—সহানুভূতি দূরে থাক, অপমান ও লাঞ্ছনা তাঁহার মস্তকে আবেগের ধারার ন্যায় বর্ষিত হইল,—তাই না সুভাষচন্দ্রের বিদ্রোহী-হৃদয় তাঁহার চিরদিনের স্বপ্ন সার্থক করিবার জন্য দূর-দূরান্তে ছুটিয়া গিয়াছিল!

যা হোক, বিদ্রোহী সুভাষচন্দ্র অনন্তর ১৯৪০ সালের ২৪শে মার্চ তারিখে রামগড়ে আপোষ-বিরোধী সম্মেলনে সভাপতির পদ গ্রহণ করেন।

জুন মাসে সুভাষচন্দ্র ডালহৌসী স্কোয়ারের উত্তর-পশ্চিম কোণে অবস্থিত হলওয়েল মনুমেন্ট অপসারণের জন্য আন্দোলন আরম্ভ করিলেন। কারণ, হলওয়েল মনুমেন্ট বাংলার শেষ স্বাধীন রাজা—নবাব সিরাজউদ্দৌলাকে দুঃপণেয় কলঙ্ক-কালিমায় মণ্ডিত করিয়াছে; সুতরাং এই ঐতিহাসিক অসত্যের অপপ্রচারকে—একটা জাতীয় কলঙ্কে—ধ্বংস করিবার নিমিত্ত তিনি হলওয়েল মনুমেন্ট অপসারণের দাবী করেন, এবং তাহাই ক্রমে এক সজ্জবন্ধ ব্যাপক আন্দোলনে পরিণত হয়। সুভাষচন্দ্রের পরম কৃতিত্ব যে, সরকারকে অবশেষে সেই প্রস্তরীভূত জমাট মিথ্যার স্তম্ভকে অপসারিত করিতে হইয়াছে।

এই আন্দোলন সম্পর্কে ২রা জুলাই তাঁহাকে গ্রেপ্তার করা হয় এবং মহম্মদ আলী পার্কে বক্তৃতা প্রদান ও করওয়ান-ব্লক পত্রিকায় 'হিসাব-নিকাশের দিন' শীর্ষক প্রবন্ধ প্রকাশের জন্য ২৮শে আগস্ট তারিখে কারা-প্রাচীরের অন্তরালে—হাজতে



অবস্থিতি-কালে, তিনি অভিযুক্ত হন; কিন্তু জেলে তিনি অনশন-ব্রত আরম্ভ করায় ৫ই ডিসেম্বর তারিখে তাঁহাকে মুক্তি দেওয়া হয়।

কারাগারে অবস্থিতিকালে ১৯৪০ খৃষ্টাব্দের ২৮শে অক্টোবর তারিখে, তিনি কেন্দ্রীয় পরিষদের সদস্য নির্বাচিত হন, এবং তিনি পুনরায় সগৌরবে কলিকাতা-কর্পোরেশনের অল্ডারম্যানও নির্বাচিত হইয়াছিলেন।

তৎপর তাঁহার মুক্তি উপলক্ষে তাঁহাকে অভিনন্দন জানাইয়া ‘কলিকাতা মিউনিসিপ্যাল গেজেট’ লিখিয়াছিলেন, “আমরা জানি না কতদিন তিনি কারা-প্রাচীরের বাহিরে অবস্থান করিতে সমর্থ হইবেন। বর্তমান বর্ষের বিভিন্ন সময়ে ও বিভিন্ন স্থানে বক্তৃতা প্রদান করায়, ভারতরক্ষা-আইনের দুইটি অভিযোগে তিনি অভিযুক্ত; এতদ্বিধা তাঁহার ইংরেজী দৈনিক ‘করওয়র্ড রক’ পত্রিকায় ‘হিসাব-নিকাশের দিন’ (The Day of Reckoning) শীর্ষক প্রবন্ধের জগুও তাঁহাকে অভিযুক্ত করা হইয়াছে।”

৫ই ডিসেম্বর তারিখে মুক্তিলাভ করিয়া সুভাষচন্দ্র কলিকাতা এল্‌গিন্ রোড নিজের গৃহে ফিরিয়া আসিলেন; কিন্তু গভর্নমেন্টের সদা-সতর্ক প্রহরীর দল দিন-রাত তাঁহার বাটীর সম্মুখে ও চতুর্দিকে তাঁহাকে ঘিরিয়া রহিল! তথাপি ১৯৪১ খৃষ্টাব্দের ২৬শে জানুয়ারী তারিখে সহসা সংবাদ রটিল, তিনি স্বীয় গৃহ হইতে অতি রহস্যজনক ভাবে নিরুদ্দেশ হইয়াছেন! কলিকাতা পুলিশ-কোর্টে তাঁহার বিরুদ্ধে যে

মোকদ্দমা চলিতেছিল, দিনের পর দিন আজও তাহা কেবলই মুলতুবী রাখা হইতেছে; কারণ, তাঁহাকে আদালতে হাজির করানো সম্ভব হয় নাই।

তিনি নিরুদ্দিষ্ট হওয়ায়, গভর্নমেন্ট তাঁহার এল্‌গিন্‌ রোডের বাড়ীর অংশ ক্রোক করেন; এবং ক্রোকের ছয় মাসের মধ্যে তিনি উপস্থিত না হওয়ায় ১৯৪৫ খৃষ্টাব্দের ১৬ই আগস্ট তাহা নিলামে বিক্রয় হইবে বলিয়া ঘোষণা করা হয়; কিন্তু নির্দ্ধারিত দিবসে কোন ঋদ্ধার উপস্থিত না হওয়ায়, পুনরায় নিলামের দিন ধার্য করা হয়। সেদিনও কোন ক্রেতা উপস্থিত হইল না; তখন চব্বিশ-পরগণার কালেক্টর বাহাদুর, কর্তব্য-নির্দ্ধারণের জন্ম কমিশনার বাহাদুরের নিকট সমস্ত কাগজপত্র পাঠাইয়া দিয়াছেন।



চান্নি

## অন্তর্দান

অন্তর্দান—নানা জনরব—সুভাষচন্দ্রের রেডিও-বার্তা—  
অন্তর্দানের কারণ—সুভাষচন্দ্রের স্বপ্ন—মহাজাতি-সদনের  
ইতিহাস—সাময়িক আকর্ষণ—অন্তর্দানের সর্বপ্রথম বিশ্বাস-  
বোগ্য বিবরণ।

১৯৪১ সালের ২৬শে জানুয়ারী।—

২৬শে জানুয়ারী প্রতি বৎসরই ‘স্বাধীনতা-দিবস’ নামে  
কীর্তিত হইয়া আসিতেছে; সুতরাং সেদিনও ছিল জাতীয়  
আন্দোলনের ইতিহাসে এক বিশিষ্ট স্মরণীয় দিন; কিন্তু  
সেই স্মরণীয় দিনে সহসা এক বিস্ময়কর সংবাদে সকলেই  
চমকিত হইয়া উঠিল—সকলেই শুনিল, সুভাষচন্দ্র তাঁহার  
গৃহে নাই!

কোথায় সুভাষচন্দ্র? এল্‌গিন্‌ রোডের সমস্ত প্রবেশ-পথ,  
আশে-পাশে চতুর্দিক, সবই যে গোয়েন্দা-বিভাগের নথ-দর্পণে!  
সুভাষচন্দ্র জেলখানা হইতে মুক্তিলাভ করিয়া গৃহেই  
আসিয়াছিলেন বটে, কিন্তু সে তো সম্পূর্ণভাবে মুক্তি নহে!  
সরকারী অনুগ্রহে তিনি জেলখানায় আবদ্ধ না থাকিয়া, তখন  
কার্যতঃ গৃহে অবরুদ্ধ ছিলেন মাত্র! সুতরাং মি. আই. ডি.  
বিভাগের গোয়েন্দাগণ তখনও তাঁহাকে সুভীক্ষ দৃষ্টিতে চোখে-  
চোখে রাখিয়াছিল। হিংস্র শিকারী কুকুরের গায় ভীক্ষদৃষ্টি  
গোয়েন্দাদের সদা-সতর্ক চক্ষুকে ফাঁকি দিয়া, অসুস্থ সুভাষচন্দ্র

কোথায় যাইতে পারেন? না, তাহা কখনও সম্ভব?—  
কাজেই সম্ভব-অসম্ভব কত স্থানেই সুভাষচন্দ্রের অন্বেষণ আরম্ভ  
হইল!

চতুর্দিকে কড়া পাহারা—তাহার মধ্য হইতে একটা লোক  
নেমানুম অদৃশ্য হইয়া গেল! এলগিন্ রোডের বাড়ীর ভিতর,  
বাড়ীর বাহিরে, সমগ্র পাড়ায় এবং অবশেষে সারা কলিকাতায়  
ও ভারতের সর্বত্র—সুভাষচন্দ্রের অন্বেষণ আরম্ভ হইল;  
গোয়েন্দা-বিভাগ ও বিশাল পুলিশ-বিভাগ, সকলেই কন্ঠ-তৎপর  
হইয়া উঠিল!

পুলিশের পক্ষে, তথা সারা শাসন-যন্ত্রের পক্ষে—ইহা যে  
কত বড় লজ্জা ও পরাজয়, সকলেই তাহা মর্মে-মর্মে বুঝিতে  
পারিল। কিন্তু মর্মে-মর্মে অনুভব করিলেও তখন আর  
উপায় কি ছিল? সুভাষচন্দ্রের আত্মীয়-স্বজন ও অন্যান্য  
যাঁহারা সেই এলগিন্ রোডের বাড়ীতেই অবস্থান করিতে-  
ছিলেন, তাঁহারা সরকারী পুলিশী লাঞ্চার শত আশঙ্কায়ও  
বিশেষ কোন খবরই দিতে পারিলেন না!

কেবল এইটুকু জানা গেল যে, ঘটনার কিছুকাল পূর্ব  
হইতেই সুভাষচন্দ্র নির্জনে নিঃসঙ্গ জীবন অতিবাহিত  
করিতেছিলেন। সুভাষচন্দ্র বিশেষ ভাবে সকলকেই তখন  
জানাইয়া দিয়াছিলেন, কেহই যেন তাঁহার কক্ষে প্রবেশ না  
করে; কাহারও নিতান্ত প্রয়োজন হইলে, তিনি সুভাষচন্দ্রের  
সঙ্গে টেলিফোনে আলাপ করিতে পারেন; কিন্তু কখনও  
কোন কারণেই তাঁহার সঙ্গে কাহারও সাক্ষাৎ হইবে না।



উপরে: স্ত্রীভাষচন্দ্র। কংগ্রেস প্রেসিডেন্টের স্বেচ্ছাসেবক-বাহিনীর জি. ও. সি.র  
বেশে। মাঝখানে (বামে): ক্যাপ্টেন বুরহান উদ্দিন। (ডাইনে) কর্ণেল  
ভৌসলে। নীচে: জেনারেল মোহন সিং।



আহার্য পরিবেষণ সম্পর্কেও কয়েক দিন পূর্বে তিনি নির্দেশ দিয়াছিলেন যে, তাঁহার আহার্য লইয়া কেহ ভিতরে আসিবে না,—কক্ষের বাহিরে একটি টেবিলের উপর আহার্য রাখিয়া চলিয়া যাইবে, তিনি প্রয়োজন মত নিজেই তাহা আনিয়া লইবেন।

মোট কথা, সুভাষচন্দ্র তাঁহার গৃহমধ্যেই নির্জনে আধ্যাত্মিক জীবন অতিবাহিত করিতেছিলেন, কেবল এইটুকু সংবাদই সংগৃহীত হইল, তাঁহার পলায়নের পন্থা-সম্পর্কে কোন সংবাদই পাওয়া গেল না।

সুভাষচন্দ্রের এই রহস্যজনক নিরুদ্দেশের পর কিছুকাল তাঁহার কার্যাবলী সম্বন্ধে কোনরূপ জ্ঞান আহরণ করা একে-বারেই সম্ভব হয় নাই। তবে জনশ্রুতি, বৈদেশিক রেডিওঃ এবং সাংবাদিকগণের নিকট হইতে তাঁহার জীবন ও কার্যাবলী সম্বন্ধে যাহা জানা গিয়াছিল, আজ সেগুলি উন্মাদ জনরব বলিয়া প্রমাণিত হইলেও, কিছু-কিছু এখানে লিপিবদ্ধ হইল।—

অ্যাসোসিয়েটেড প্রেসের বোম্বাইয়ের সংবাদাতা তৎকালে লিখিয়াছিলেন,—

“তিনি ১৯৪১ খৃষ্টাব্দে কলিকাতায় তাঁহার নিজ গৃহে অন্তরীণাবস্থায় ছিলেন। তথা হইতে সহসা একদিন তিনি অন্তহিত হন। তিনি ভারতবর্ষ ত্যাগ করিয়া, গরুর গাড়ীতে লুকাইয়া আফগানিস্থানে যান।

১৯৪২ খৃষ্টাব্দে তিনি বালিগ হইতে বেতার-বক্তৃতা করেন বলিয়া শোনা যায়। উক্ত বৎসরেই তিনি জাপানের টোকিও সহরে উপনীত হন। এই স্থানে জাপানীরা একদল ভারতীয় সৈন্তের সেনাপতি-পদে

তঁাহাকে বরণ করিতে প্রতিক্ষিত হয়। এই সৈন্যদল ভারতবর্ষ হইতে ইংরাজদিগকে তাড়াইয়া দিবার জন্ত প্রস্তুত হইয়াছিল।” \*

বোম্বাইয়ের ভূতপূর্ব মেয়র মিঃ ইউসুক মেহেরালি বলিয়াছিলেন,—

“যখন বেশে ব্যক্তিগত আইন-অমান্ত-আন্দোলন চলিতেছিল, তখন সমগ্র দেশ হঠাৎ এই সংবাদে চমকিত হইয়া উঠিল যে, সুভাষ অন্তহিত হইয়াছেন। কেহই জানে না যে তিনি কোথায় আছেন! কেহ কেহ বলেন যে, তিনি সংসারাত্ম পরিত্যাগ করিয়া হিমালয়ে সন্ন্যাসাশ্রমে আছেন—যৌবনের প্রারম্ভেও তিনি একবার অনুরূপ কার্য করিয়াছিলেন। কেহ কেহ বলেন যে, তিনি পাতালে গমন করিয়াছেন! আবার কাহারও মত,—তিনি কোন বৈদেশিক রাজ্যে পলায়ন করিয়াছেন! সুভাষ কোথায়? জনরব তঁাহাকে একই সময়ে কলিকাতা, রেঙ্গুন, উত্তর-পশ্চিম সীমান্ত-প্রদেশ, মক্কা, বার্লিন, রোম, টোকিও প্রভৃতি স্থানে অবস্থিতি করিতেছেন বলিয়া প্রকাশ করিল।”

রয়টার এইসঙ্গে কিছু যোগ করিয়া বলিয়াছিলেন যে, সুভাষচন্দ্র জার্মানীতে যাইয়া হিটলারের সঙ্গে সাক্ষাৎ করিয়াছেন। হিটলার তখন সুভাষকে ‘ফুরার অব্ ইণ্ডিয়া’ (‘Führer of India’) নামে সম্বোধন করিয়াছিলেন। পরে জানা গিয়াছে যে, সুভাষ ভারতীয় জাতীয় বাহিনী গঠন করিয়া তাহার সর্বদাধ্যক্ষ-রূপে স্বাধীন ভারতে প্রবেশ করিবেন।

\* “In 1942, he was reported broadcasting from Berlin and later in that year, he appeared in Tokyo, when the Japanese promised to put him at the head of the Army of Indians ready to march back into India and drive the British out.”—*Ibid*, P. 442(g).



সুভাষচন্দ্র ভারতবর্ষ ছাড়িয়া বিদেশে চলিয়া গিয়াছেন, এই সংবাদ একদিন সত্য বলিয়া প্রমাণিত হইল সুভাষচন্দ্রের নিজের কথায়। তিনি একদিন রেডিয়ো-বার্তায় ঘোষণা করিলেন,—

“বিগত ২০০ বৎসরের বৈদেশিক ইতিহাস আমি গভীর অভিনিবেশ-সহকারে পাঠ করিয়াছি—বিশেষতঃ স্বাধীনতা-সংগ্রামের ইতিহাস। কিন্তু কোথাও বৈদেশিক সাহায্য ব্যতিরেকে কোন দেশ স্বাধীনতা অর্জন করিয়াছে, এইরূপ একটি দৃষ্টান্তও পাই নাই; এবং ব্রিটেনও শুধু যে স্বাধীন জাতির সাহায্য গ্রহণ করিতেছে এমন নয়, পরন্তু ভারতের মত পরাধীন দেশের সাহায্যও গ্রহণ করিতেছে। যদি ব্রিটেনের সাহায্য ভিক্ষার কোন দোষ না থাকে, তবে সাহায্য গ্রহণে ভারতের পক্ষে তো কোন দোষই নাই; এবং আমরা ব্রিটিশ সাম্রাজ্যবাদের বিরুদ্ধে আমাদের যুদ্ধে সর্বপ্রকার সাহায্যই সাদরে বরণ করিব।”\*

সুভাষচন্দ্রের এই রেডিয়ো-বার্তায় স্পষ্টই বুঝিতে পারা গিয়াছিল যে, স্বাধীনতার উদগ্র নেশায় উন্মাদের ন্যায় আত্মহারা হইয়া, নিপদ-সকুল বিশ্বের পথে অতি রহস্যজনক ভাবে তিনি যে অস্তর্হিত হইয়াছিলেন, তাহার মূলে ছিল, বিদেশী শক্তির সাহায্যে ভারতবর্ষের স্বাধীনতা আনয়নের আকাঙ্ক্ষা; কিন্তু পরাধীন দেশের এক পলাতক বন্দীর পক্ষে এমন আকাঙ্ক্ষা—ইহা কি সম্ভব নহে?

\* “If there is nothing wrong in Britain begging for help, there can be nothing wrong in India accepting an offer of assistance which she needs, and we shall welcome any help in India in our struggle against British Imperialism.”—*Ibid*, P. 442(r).

হয়তো স্বপ্ন—যথার্থই স্বপ্ন! কিন্তু সুভাষচন্দ্র তাঁহার সারাজীবনই যে এরূপ স্বপ্ন দেখিয়া কাটাইয়াছেন! তিনি নিজেই বলিয়াছেন :—

“ওরা বলে, আমি স্বপ্নচাৰী। আমি স্বীকার করছি, আমি স্বপ্নচাৰীই বটে। সারাজীবন আমি স্বপ্ন দেখেছি; শিশুকাল থেকেই এ আমার এক রোগ। কত স্বপ্নই না আমি দেখেছি! কিন্তু আমার স্বপ্নের সেরা স্বপ্ন—আমার জীবনের সব চাইতে প্রিয় স্বপ্ন—ভারতের স্বাধীনতার স্বপ্ন!”

১৯৩৭ সালে—সুভাষচন্দ্র যখন সাস্থ্যলাভার্থ ডালহৌসী পাহাড়ে অবস্থান করিতেছিলেন, আমরা জানি, তখনও তিনি একবার স্বপ্ন দেখিয়াছিলেন! সুভাষচন্দ্র ও তাঁহার বন্ধু শ্রদ্ধেয় সাহিত্যিক শ্রীযুক্ত বিজয়রত্ন মজুমদার মহাশয় তখন ডক্টর ধরমবীরের অতিথি।

সুভাষচন্দ্র সেই সময় একদিন বিজয়বাবুকে যাহা বলিয়াছিলেন, স্বপ্ন হইলেও, আমরা তাহা নিম্নে উদ্ধৃত করিলাম।

“কাউকে এখনও বলিনি, আজ আপনাকেই প্রথম বলছি, কলকাতার আমার একটা কংগ্রেস-ভবন গড়বার ইচ্ছা আছে। ‘কংগ্রেস হাউস’ নাম হলেও তাতে শুধু যে কংগ্রেসের কাজই হবে, তা নয়! আসলে হবে সেটা জাতীয় বাহিনীর প্রধান শিবির! তার সঙ্গে থাকবে লাইব্রেরী, স্টেজ, জিমনেসিয়াম; কংগ্রেস-অফিসও থাকবে বটে; কিন্তু প্রতিষ্ঠানটি মূলতঃ সৈনিক-কেন্দ্র হবে। অনেক দিন থেকেই প্ল্যানটা মাথায় আছে, এইবার কলকাতায় গিয়ে কাজ আরম্ভ করবো।”\*

\* আজাদ-হিন্দের অকুর (শ্রীবিজয়রত্ন মজুমদার)

কাজ তিনি আরম্ভও করিয়াছিলেন—তঁাহার স্বপ্নকে বাস্তবে পরিণত করিতে তিনি উত্থোগীও হইয়াছিলেন। ১৯৩৮ সালে কলিকাতা কর্পোরেশনের সভায় সুভাষচন্দ্রের স্বপ্নে-দেখা এই রকম একটি জাতীয় ভবনের কথা আলোচিত হয়।

কলিকাতা কর্পোরেশন বার্ষিক একটাকা মাত্র খাজনায়, চিত্ররঞ্জন এভিনিউর উপর অবস্থিত বৃহৎ একখণ্ড ভূমি সুভাষচন্দ্রকে প্রদান করেন। কিন্তু জমি পাওয়া গেলেই তো প্রাসাদ নির্মাণ সম্ভব হয় না! সুতরাং সুভাষচন্দ্রের গুণমুগ্ধ ভক্তগণ—যাঁহারা কর্পোরেশনের অভ্যন্তরে ছিলেন—তঁাহারা নির্মাণ-কার্যের জগ্ন কর্পোরেশন হইতে একলক্ষ টাকা অর্থ-সাহায্যও বঞ্চার করাইয়াছিলেন।

কিন্তু ব্যাপারটা সমাপ্ত হইল ঐখানেই! ১৯৩৯ সালের ত্রিপুরী কংগ্রেসের বাঁশী তখনও করুণ সুরে বাজিয়া বাইতেছিল! ডাঃ পটুভি সীতারামিয়ার পরাজয়ে মহাত্মা গান্ধী স্বয়ং পরাভব স্বীকার করিয়া এবং ওয়ার্কিং কমিটির সদস্যদিগকে একে-একে নিজের কোলে টানিয়া লইয়া নব-নির্ব্বাচিত রাষ্ট্রপতি সুভাষচন্দ্রকে হস্তপদ-বিহীন ‘গুঁটে জগন্নাথে’ পরিণত করিয়াছিলেন! আর রাষ্ট্রপতি সুভাষচন্দ্র তখন পুনঃ পুনঃ কংগ্রেসের ঐক্য-সাধনের চেষ্টা করিয়া, অবশেষে হতাশ হইয়া, পদত্যাগ করিয়া নিরুতি পাইয়াছিলেন।

দেশের আবহাওয়া তখন এইরূপ—বাংলা ও বিহারের দ্বন্দ্ব, প্রাচীন ও তরুণের দ্বন্দ্ব। কিন্তু প্রাচীন ও তরুণের এই দ্বন্দ্ব,

জগৎ স্ভাবতঃই প্রাচীনের চরণে শ্রদ্ধানত হইয়া পড়ে। সুতরাং কর্পোরেশনেও অতি অল্প দিনের মধ্যে তাহাই আত্মপ্রকাশ করিল। শ্রীযুক্ত বিজয়বাবু লিখিয়াছেন :—

“কর্পোরেশনে একদল লোক ধুয়া ধরিয়া ফেলিল। বলিল, রাখাও নাচিবে না, তেলও পুড়িবে না, অর্থাৎ লক্ষ টাকায় জাতীয় ভবনও হইবে না, ভারতীয় জাতীয় বাহিনীও হইবে না,—টাকাগুলি গান্ধী-মার্গে যজ্ঞে ঘৃতাহতি দিতেই শেষ হইয়া যাইবে।”

সুতরাং তাহারা আইনের প্যাঁচে ফেলিয়া কর্পোরেশনের প্রধান কর্মকর্তাকে আটকাইয়া ফেলিলেন, আর শেষ মুহূর্তে আমিল হাইকোর্টের ইঞ্জাংশন! কাজেই লক্ষ টাকার চেক আর কোনদিনই সুভাষচন্দ্রের হস্তগত হইল না—আর তাহার ফলে সেই ফংগ্রাম-ভবন বা জাতীয় ভবন—পরুদেবের প্রদত্ত নামে যাহা ‘মহাজাতি-সদন’ নামে পরিচিত হইয়াছিল,—আজও তাহা অসমাপ্ত ও অবজ্ঞাত অবস্থায় কলিকাতা মহানগরীর বুকে জাতীয় ঈর্ষ্যা-বিদেষ ও বড়বন্দ্রের গুলি নাক্ষ্যের ন্যায় দণ্ডায়মান!

বিগত যুগের ‘মহাজাতি-সদনের’ এই মর্শ্শভেদী করণ ইতিহাস এস্থলে অপ্রামাঙ্গিক হস্তনেও আমাদের বলিবার উদ্দেশ্য এই যে, সুভাষচন্দ্র চিরদিনই কত স্বপ্ন দেখিয়া আসিয়াছেন!

বাংলার বুকে একটা জাতীয় ভবন হইবে, জাতীয় বাহিনী গড়িয়া উঠিবে, সামরিক শিক্ষাকেন্দ্র হইবে, ইহাই না তাঁহার সেদিনের স্বপ্ন ছিল?

১৯২৮ সালেও বৃষ্টি সুভাষচন্দ্র এমনই এক স্বপ্ন দেখিয়াছিলেন! সেবার কলিকাতায়ই ছিল কংগ্রেসের অধিবেশন, আর সভাপতি নির্বাচিত হইয়াছিলেন পণ্ডিত মতিলাল নেহেরু।

জানি না, সুভাষচন্দ্র সেদিনও কোন সাময়িক চিত্র বা জাতীয় বাহিনীর স্বপ্ন দেখিয়াছিলেন কি না! সম্ভবতঃ সেরূপ কোন স্বপ্নে উদ্বুদ্ধ হইয়াই তিনি সেদিন কংগ্রেস-মণ্ডপে উপস্থিত ছিলেন স্বেচ্ছাসেবক-বাহিনীর অধিনায়ক-রূপে! তাঁহার স্মৃদর্শন বর্জিত বপু সেদিন তরুণের অগ্রদূত-রূপে সকলের চক্ষুর সমক্ষে উদ্ভাসিত হইয়া উঠিয়াছিল!

কিন্তু হৃতভাগ্য সুভাষচন্দ্র! সেদিনও তিনি ঈর্ষ্যা-বিদ্বেষের হীন মন্তব্য হইতে আত্মরক্ষা করিতে পারেন নাই। সুভাষচন্দ্র স্বেচ্ছা-সেবক-বাহিনীর ‘জেনারেল-অফিসার-কম্যান্ডিং’ বা G. O. C. নির্বাচিত হইয়াছিলেন। এই পদ-মর্যাদার অপভ্রংশ ‘গক্’ (GOC) শব্দটিকে লইয়াই কত না ব্যঙ্গ-বিদ্রূপ হইয়াছিল! এমন কি মহাত্মা গান্ধীও সেদিন তাহাতে হীন দৌর্বল্যই প্রকাশ করিয়াছিলেন!

“স্বেচ্ছাসেবক-বাহিনীর ও বাহিনীর অধিনায়কের বোদ্ধবেশ ও যোদ্ধাসম্ভব কুচকাওয়াজ দর্শনে সার্কাসের অভিনয়ের সহিত ব্যঙ্গাত্মক তুলনা গান্ধীজীই করিয়াছিলেন।”\*

কিন্তু যিনি যতই তুলনা করুন বা যিনি যতই বিদ্রূপাত্মক মন্তব্য করুন না কেন, আজ পৃথিবীতে সুস্পষ্ট হইয়া উঠিয়াছে

\* আজাদ-হিন্দের অধুৱ।

যে, সুভাষচন্দ্র স্বপ্ন দেখিতেন বটে, কিন্তু সে স্বপ্ন বাস্তবে পরিণত  
করিবার উদগ্র প্রচেষ্টাও তাঁহার ছিল।

সামরিক চিত্র যে তাঁহার কত আকাঙ্ক্ষিত, সে বিষয়ে  
তিনি শ্রদ্ধেয় শ্রীযুক্ত বিজয়বাবুয় নিকট কথা-প্রসঙ্গে একদিন  
বলিয়াছিলেন। তিনি বলিয়াছিলেন,—

“দাদা, সামরিক বেশভূষা ও আদব-কায়দার ওপর আমাদের মত  
হর্বল, নিরস্ত্র ও পরাধীন দেশের লোকদেরও যে কতখানি সম্মম ও  
সমীহ, তা বোধহয় আপনারা কল্পনা করতেও পারেন না। অস্ত্রে পরে  
কা কথা! মহাত্মা গান্ধী যখন সামনে দিয়ে যান, তখন লোকের মনে  
শুধু ভক্তিই জেগে ওঠে, পায়ের ধুলো নেবার জেগে ছড়োছড়ি পড়ে যায়  
—এই মাত্র! কিন্তু আমাদের স্বেচ্ছাসেবক-বাহিনী যখন নিয়মবদ্ধ  
সারিবদ্ধ হয়ে কদমে-কদমে চলে যায়, তখন জনতা হৃ’ধারে স্তব্ধ হয়ে  
দাঁড়িয়ে, শ্রদ্ধাযুক্ত অন্তরে কি ভাবে, জানেন? ভাবে, আমিও কেন  
স্বেচ্ছাসেবক হই নি? হোলে আমিও ত অমনি বীরদর্পে কদমে-কদমে  
গাঁটতে পারতুম! দাদা, এর মূল্য আমার কাছে অনেক—অনেক;  
অমূল্য, মহামূল্য!”

কথাটা খুবই সত্য, আমরাও তাহা স্বীকার করি। স্বাধীন  
ভারতের সামরিক চিত্রই যদি তাঁহার সম্মুখে সপ্ন-কিরীটী  
নবারুণের উজ্জ্বল নিভায় ফুটিয়া না উঠিত, তাহা হইলে কি  
এমন উন্মাদের মত সর্বসম্ম পরিভ্যাগ করিয়া, চূড়ান্ত বিপদের  
ঝুঁকি কাঁধে লইয়া, রাষ্ট্রশক্তিকে ফাঁকি দিবার জগ্ন্য তিনি  
মারাঠা-বীর চতুর শিবাজীর অভিনয়ে সাহসী হইতেন?

সুভাষচন্দ্রের অস্তুর্দ্ধান-কাহিনী, স্বাধীনতার জাতীয়  
ইতিহাসে চিরদিনই বক্ত-অক্ষরে লিখিত থাকিবে, আর



উপরে : আজাদ হিন্দ ফৌজের বান্দ্রির রাণী রেজিমেন্টের কতিপয় নারী ভলান্টিয়ার। মাঝখানে : নেতাজী স্মরণচক্র। নিচে : নেতাজী ও ক্যাপ্টেন লক্ষ্মী নারী-সৈন্য পরিদর্শন করিতেছেন।





কর্তব্যপন্নায়ণ দায়িত্বশীল পুলিশ কর্মচারীদের স্মৃতিপটে ইহা গভীর কলঙ্ক ও ব্যর্থতার ইতিহাস-রূপে চিরদিনই তাহাদিগকে নিশ্চয় কশাঘাত করিবে !

নিরুদ্দিষ্ট সুভাষচন্দ্র সম্পর্কে কিছুকাল নানা জনরব ও নানা গবেষণাই চলিতেছিল ; কিন্তু কেমন করিয়া, কোন উপায়ে তিনি তাঁহার প্রহরী-বেষ্টিত গৃহ হইতে নিজস্ব হইয়াছিলেন, অনেক-কিছু সে সম্পর্কে প্রচারিত হইলেও, আমাদের দৃঢ় বিশ্বাস—সুভাষচন্দ্রের নিজ মুখ হইতে তাঁহার অন্তর্কানের পরিপূর্ণ বিবরণ যদি কখনও শুনিবার সৌভাগ্য আমাদের হয়, তবে তাহাই হইবে প্রামাণ্য ; এবং তাহা এতাবৎকালে প্রকাশিত যাবতীয় বিবরণ, এমন কি,— অনেক চমকপ্রদ গোয়েন্দা-কাহিনীর শিহরণ এবং কৌতূহলকেও তুচ্ছ ও নিস্প্রভ করিয়া দিবে !

সুবিখ্যাত আকালী নেতা, মাফটার তারা সিং তাঁহার “শান্ত্ সিপাহী” নামক মাসিক কাগজে সুভাষচন্দ্রের অন্তর্কান-সম্পর্কে যে বিবরণ প্রকাশ করিয়াছিলেন, সম্ভবতঃ তাহাই আমাদের সর্বপ্রথম বিশ্বাসযোগ্য বিবরণ ।

তিনি লিখিয়াছিলেন যে, সুভাষচন্দ্রের নিরুদ্দেশ-সংবাদ ২৬শে জানুয়ারী প্রকাশিত হইলেও, প্রকৃতপক্ষে তিনি তাঁহার এলগিন্ রোডের গৃহ হইতে বাহির হইয়াছিলেন তাহার বহু পূর্বে,—১৯৪০ মালের ১৩ই ডিসেম্বর তারিখে ।

সম্ভবতঃ তিনি তাহারও অনেকদিন আগে হইতেই পলায়নের সঙ্কল্প করিয়াছিলেন, এবং সেই উদ্দেশ্যে নির্জজন

সাধনায় অবস্থানের ছলে, লোক-লোচনের অন্তরালে কক্ষমধ্যে আবদ্ধ থাকিয়া তাঁহার শূশ্রু ও কেশরাশি সূদীর্ঘ হইবার সুযোগ গ্রহণ করিয়াছিলেন ।

সুতরাং ১৩ই ডিসেম্বর যখন তিনি পেশোয়ারী পোষাকে গৃহ হইতে নিষ্ক্রান্ত হন, তখন তাঁহার সূদীর্ঘ কেশ ও শাশ্রু-রাশিতে তাঁহাকে যথার্থই পেশোয়ারী বলিয়া মনে হইতেছিল !

এইরূপ ছদ্মবেশে তিনি একখানি মোটরযোগে বর্তমান পর্য্যন্ত যান ; সেখানে পূর্ব-নির্দিষ্ট বন্দোবস্ত অনুসারে তিনি ট্রেনে একখানি দ্বিতীয় শ্রেণীর কক্ষে আরোহণ করিয়া পেশোয়ার গমন করেন ।

পেশোয়ার হইতে তিনি কাবুল চলিয়া যান, এবং সেখান হইতে দৈবযোগে সুবিধা পাইয়া বিমানে তিনি বার্লিনে হিটলারের দরবারে উপস্থিত হন ।

মাফটার তারা সিংএর এই বিবরণ যে আংশিক সত্য, তাহা কাবুলের এক বেতার-ধন ব্যবসায়ী—লালা উত্তমচাঁদের লিখিত বিবরণেও অনেকটা প্রমাণিত হইয়াছে । তাঁহার লিখিত বিবরণে যাহা প্রকাশ পাইয়াছে, আমরা পরবর্তী অধ্যায়ে তাহার আলোচনা করিব ।

পাঁচ

## অন্তর্দ্বানের বিবরণ

মৌলবীর বেশে মোটরে—টুপে পেশোয়ার—সঙ্গী রহমৎ খাঁ—  
জামরুদের পথে—‘গাচি’ গ্রামে—লাংপুরা—কাবুল-নদী  
অতিক্রম—‘ঠাণ্ডী’তে বাসের অপেক্ষায়—কাহোরী-দরওয়াজা  
—এক সরাইখানায়—সি. আই. ডি.র পালায়।

মাফটার তারা সিং বলিয়াছেন—সুভাষচন্দ্র ১৩ই ডিসেম্বর  
তারিখে গৃহ হইতে নিষ্ক্রান্ত হন; কিন্তু কালা উত্তমচাঁদ যাহা  
বলিয়াছেন, তাহাতে দেখা যায় সুভাষচন্দ্রের গৃহ হইতে  
নিষ্ক্রান্ত হইবার তারিখ ১৫ই জানুয়ারী ৫র্গাৎ তাঁহার  
অন্তর্দ্বানের সংবাদ কলিকাতায় প্রকাশিত হইবার ১১ দিন  
পূর্বেই তিনি কলিকাতা পরিত্যাগ করিয়াছিলেন।

সুভাষচন্দ্র ১৯৪১ সালের ১৫ই জানুয়ারী তারিখে রাত্রি  
৮টার সময় তাঁহার এলগিন রোডের বাড়ী হইতে একজন  
মুসলমান মৌলবীর বেশে বাহির হইয়া, পূর্ব-নির্দিষ্ট বন্দোবস্ত  
অনুসারে একখানি মোটর-গাড়ীতে আরোহণ করেন।

গোয়েন্দা-পুলিশের বৃহৎ ভেদ করিয়া গাড়ী নক্ষত্র-বেগে  
ছুটিয়া চলিল। তাঁহাকে কেহ দেখিল, কেহ দেখিল না;  
কিন্তু সন্দেহ করিল না কেহই। কারণ, সুভাষচন্দ্র পূর্ব  
হইতেই লোক-লোচনের অন্তরালে অবস্থান করিয়া তাঁহার  
গুম্ফ ও শ্মশ্রুতাজি সুদীর্ঘ করিবার স্বেযোগ লইয়াছিলেন।

কলিকাতা হইতে চল্লিশ মাইল দূরে এক রেলওয়ে স্টেশন পর্য্যন্ত তিনি এই ভাবে মোটরে চলিয়া যান। তারপর একখানি দ্বিতীয় শ্রেণীর টিকিট—পেশোয়ার পর্য্যন্ত—কিনিয়া লইয়া তিনি ট্রেনে উঠিয়া বসেন।

রাত্রিটা বেশ নির্বিঘ্নেই কাটিয়া গেল; কিন্তু পরদিন একজন শিখ আরোহী ঐ দ্বিতীয় শ্রেণীর কামরায় উঠিয়া, স্মৃতাষচন্দ্রের প্রায় মুখোমুখি হইয়া বসিলেন।

কয়েকবার বেশ ভীকৃতাবে স্মৃতাষচন্দ্রের দিকে দৃষ্টিপাত করিয়া তিনি জিজ্ঞাসা করিলেন, “আপনি কোথায় যাইতেছেন? আর কি আপনার পরিচয়?”

স্মৃতাষচন্দ্র কহিলেন, “আমার নাম জিয়াউদ্দিন, আমি একজন জীবন-বীমা কোম্পানীর অর্গানাইজার। আমি লঙ্কা হইতে আসিতেছি, রাওয়ালপিণ্ডি যাইব।”

শিখ ভদ্রলোক তাঁহার সেই কৈফিয়ৎ শুনিলেন বটে, কিন্তু বিশ্বাস করিলেন কিনা, কে জানে? যাহা হউক, স্মৃতাষচন্দ্র অনেকটা সন্তুষ্টভাবেই রহিলেন; এবং গাড়ী যখনই কোন স্টেশনে উপস্থিত হইতেছিল, স্মৃতাষচন্দ্র জনতার দৃষ্টি হইতে নিজেকে যথাসাধ্য গোপন করিবার জন্ত, সংবাদপত্র পড়িবার ছলে, তাহারই পশ্চাতে নিজের মুখমণ্ডল ঢাকিয়া রাখিতেছিলেন।

এইভাবে বাকি পথটা কাটিয়া গেল। অবশেষে ১৭ই জানুয়ারী রাত্রি ৯টার সময় তিনি পেশোয়ার পৌঁছিলেন।

পূর্ব-বন্দোবস্ত অনুসারে একখানি মোটরগাড়ী তাঁহার জন্ত

স্টেশনে অপেক্ষা করিতেছিল; তিনি স্টেশনে পৌঁছিলেই গাড়ীখানি তাঁহাকে লইয়া নির্দিষ্ট গন্তব্য স্থানের দিকে ছুটিয়া চলিল।

এই সময় সুভাষচন্দ্রের বেশভূষা ছিল, একটি আঁটা পায়জামা, একটি শেরওয়ানী ও ফেজটুপী। মোট কথা, তাঁহাকে দেখিয়া একজন মৌলবী ব্যতীত আর কিছুই বুঝিবার উপায় ছিল না।

পেশোয়ারে তাঁহাকে দুইদিন অবস্থান করিতে হইল। তাঁহার নির্দিষ্ট বন্ধুবান্ধবগণ এরূপ সাবধানেই তাঁহাকে রাখিয়াছিলেন যে, কেহই কোন সন্দেহ করিতে পারিল না। অনন্তর তাঁহারা পরামর্শ করিলেন, “এখন কাবুল যাইতে হইলে, পেশোয়ার হইতে তাঁহার কোন বেশে যাওয়া উচিত হইবে?”

স্থির হইল, যুক্তপ্রদেশের মৌলবীর সাজ এখন আর সুবিধাজনক হইবে না। আফগানিস্থানে যাতায়াত করিতে পাঠান বেশভূষাই স্বাভাবিক ও সহজ। সুতরাং ১৯শে জানুয়ারী তারিখে, যাত্রার পূর্ববন্ধনে সুভাষচন্দ্র পাঠানের পরিচ্ছদে সজ্জিত হইলেন।

পূর্বেই ঠিক ছিল, নওজোয়ান ভারত-সভার সেক্রেটারী শ্রীযুক্ত ভগৎরাম ও অপর একজন বন্ধু তাঁহার সঙ্গে যাইবেন। সুতরাং জিয়াউদ্দিনের সহচর-রূপে তাঁহাদেরও মুসলমান এবং পাঠান হওয়া সঙ্গত। কাজেই তাঁহারাও পাঠানী পোষাকে সজ্জিত হইলেন, এবং ভগৎরামের নূতন নাম হইল, রহমৎ খাঁ।

এইভাবে সুভাষচন্দ্র ও ভগৎরাম, উভয়েই ছদ্মবেশে—

জিয়াউদ্দিন ও রহমৎ খাঁ নাম ধারণ করিয়া অপর এক বন্ধুর সহিত মোটরে চড়িয়া বসিলেন; মোটরও তৎক্ষণাৎ তাঁহাদিগকে লইয়া পেশোয়ার পরিত্যাগ করিয়া জামরুদের পথে কাবুলের দিকে ছুটিয়া চলিল।

জামরুদ কেলা তাহার অনতিদূরেই। পাছে ধরা পড়িয়া যান, এই আশঙ্কায় তাঁহারা ঠিক সেই পথে না যাইয়া, একটা কাঁচা রাস্তা ধরিয়া চলিলেন। কিন্তু 'গাটি' নামে এক গ্রামে আসিয়াই তাঁহাদের রাস্তা বন্ধ হইয়া গেল, মোটর চলিবার মত রাস্তা ইহার পরে আর নাই।

অগত্যা সকলকেই নামিতে হইল, এবং রহমৎ ব্যতীত অপর যে বন্ধুটি পেশোয়ার হইতে এতটা পথ তাঁহাদের সঙ্গে আসিয়াছিলেন, তিনি এইখান হইতে মোটর লইয়া পুনরায় পেশোয়ারে ফিরিয়া গেলেন। স্থির হইল, সুভাষচন্দ্র ও রহমৎ খাঁ দুইজন রাইফেলধারী পাঠান প্রহরীসহ পদব্রজে অগ্রসর হইবেন। আর ইহাও স্থির হইল যে, সুভাষচন্দ্র এখন হইতে বোবা ও কালার অভিনয় করিয়া যাইবেন! কারণ, মেদেশী ভাষায় তিনি একেবারেই অনভিজ্ঞ!

পরদিন তাঁহারা ভারত-সীমান্ত পার হইয়া গেলেন এবং পার্বত্য জাতি-সমূহের এক ক্ষুদ্র গ্রামে—আদা-শরীফের তীর্থস্থানে উপস্থিত হইলেন। আদা-শরীফের মসজিদে যে পীরমাহেব ছিলেন তিনি তাঁহাদের সুখ-সুবিধার দিকে বিশেষভাবে দৃষ্টি রাখিয়াছিলেন।

এই সময় তাঁহাদের সঙ্গী প্রহরী দুইজন চলিয়া গেল,

তৎপরিবর্তে অপর তিনজন সশস্ত্র প্রহরী তাঁহাদের সঙ্গী হইল। পরদিন পুনরায় যাত্রা শুরু হইল এবং রাত্রি প্রায় ৯টার সময় যেখানে পৌঁছিলেন, তাহার নাম লালপুরা।

লালপুরায় আসিবার ব্যবস্থা তাঁহাদের পূর্ব হইতেই নির্দিষ্ট ছিল। তদনুসারে তাঁহারা লালপুরার সর্দার ও জমিদার, প্রকাশু এক খাঁ-সাহেবের অতিথি হইলেন। থাকগান-সরকারে এই খাঁ-সাহেবের ক্ষমতা ছিল অসীম।

কঠোর পথশ্রমে ও উদ্বেগে সুভাষচন্দ্র এই সময় রীতিমত ক্লান্ত হইয়া পড়িয়াছিলেন। খাঁ-সাহেব তাহা লক্ষ্য করিয়া কহিলেন, “আর সামান্য কয়েক মাইল গেলেই আপনারা কাবুল-নদীর তীরে উপস্থিত হইবেন। সে নদী পার হইলেই ওপারে বাঁধানো রাস্তা পাওয়া যাইবে। সেই পথে বাস-চলাচল করে; তাহারই কোন বাসে চাপিয়া আপনারা কাবুলে পৌঁছিতে পারিবেন।”

লালপুরা পরিত্যাগ করিবার কালে তিনি সুভাষচন্দ্র ও রহমৎ গাঁকে এতটি পরিচয়-পত্র লিখিয়া দিয়া বলিলেন, “পথে কেউ আপনাদের কোন মন্দেহ করিলে বা কোন বিপদের আশঙ্কা দেখিলে এই পরিচয়-পত্র দেখাইবেন—তাহা হইলে কেহই আর কোন বাধা সৃষ্টি করিতে সাহস পাইবে না।”

পরিচয়-পত্রখানি পারস্য ভাষায় লেখা। তাহাতে লিখিত ছিল :—

“এই পত্র-বাহক রহমৎ খাঁ ও জিয়াউদ্দিন পার্শ্বত্যা প্রদেশের অধিবাসী। ইঁহারা সাখি-সাহেবের দরগায় যাইতে-

হেন। ইহাদের চরিত্রের জ্ঞান আমি নিজে দায়ী। কেহই যেন ইহাদিগকে কোনভাবে বিরক্ত করিতে না পারে, এই ভরসায় আমি এই সার্টিফিকেট লিখিয়া দিতেছি।”

লালপুরা হইতে দুইটি সশস্ত্র প্রহরী সঙ্গে লইয়া স্মৃতিচক্র ও রহমৎ খাঁ কাবুলের পথে, কাবুল নদীর দিকে অগ্রসর হইলেন। কিন্তু কাবুল-নদীর তীরে পৌঁছিয়া তাঁহারা একেবারেই হতাশ হইয়া পড়িলেন। কারণ, নোকা—নোকা কোথায়? নোকার কোন চিহ্নও সেখানে নাই। এক অপরূপ উপায়ে সেদেশে সকলে পারাপার হইয়া থাকে।

কতকগুলি ভিস্তির মশক একসঙ্গে বাঁধিয়া তাহার উপরে জেলেদের একখানি জাল বিছাইয়া দেওয়া হইয়াছে। পারাপারের সময় লোকজন ঐ জালের উপর বসিয়া থাকে।

স্মৃতিচক্র ও রহমৎ ইহাতে অভ্যস্ত নহেন; স্মৃতরাং এই বন্দোবস্তে তাঁহারা প্রথমে শিহরিয়া উঠিলেন। বাহা হউক, সাহসে নির্ভর করিয়া অগত্যা ঐ ভাবেই তাঁহাদিগকে কাবুল-নদী অতিক্রম করিতে হইল।

কাবুল-নদীর পরেই আফগান-রাজ্য। আফগান-রাজ্যের প্রবেশ-পথে পদে-পদে অসংখ্য বাধা। কেহ সেখানে সশস্ত্র ভাবে প্রবেশ করিতে পারে না; স্মৃতরাং নদীর অপর তীরেই সশস্ত্র প্রহরী দুটিকে তাঁহাদের বিদায় দিতে হইল। ইহা ছাড়া, এখানে-সেখানে খানাতল্লাসীর বন্দোবস্তও রহিয়াছে; কিন্তু খানাতল্লাসীর কোন ব্যাপারই তাঁহাদের পক্ষে নিরাপদ নহে।





আজাদ  
ভট্টাচার্য্য

ফাঁজের কতিপয়

বামদিক হইতে প্রথমে যের সন, তৃতীয় সি প্র সেন, পঞ্চম মিস  
কর্ণেল লক্ষ্মী ।



স্মৃতিস্মরণ তখন ছদ্মবেশে জিয়াউদ্দিন ; রহমৎ খাঁও প্রকৃতপক্ষে ভগৎরাম । স্মৃতিস্মরণ দুইটি ছদ্মবেশী লোকের পক্ষে কি খানাতল্লাসীর সম্মুখীন হওয়া চলে ? কাজেই তাঁহারা চিন্তিত হইলেন ।

পেশোয়ার হইতে ৫০ মাইল দূরবর্তী এক গ্রামের নাম 'ডাকা' । 'ডাকা'য় তল্লাসীর হিড়িকটা খুব বেশী, অবশ্য মাঝপথে—পেশোয়ার ও ডাকার মাঝখানেও কয়েক স্থানে বাত্মিদিগকে তল্লাসী করা হয় । স্মৃতিস্মরণ ও ভগৎরাম অনেকটা যুরপথে চলিতেন, অনেকটা বেশী পথ হাঁটিতেন, তথাপি তাঁহারা সহজে খানাতল্লাসার সম্মুখীন হইতেন না ।

'ঠাণ্ডী' নামক এক জায়গায় আসিয়া তাঁহারা কাবুল বাইবার জগ্ন বাসের অপেক্ষা করিতে লাগিলেন । স্মৃতিস্মরণ ক্লান্ত ও পরিশ্রান্ত দেহে এক গাছের তলায় বিশ্রাম করিতে লাগিলেন, আর রহমৎ খাঁ যখনই যে বাস দেখিতেন—ছিলেন, তখনই তাহার দৃষ্টি আকর্ষণ করিবার জগ্ন হাত নাড়িতেছিলেন ।

বল চেম্টায়, অবশেষে এক লরীতে তাঁহাদের স্থান হইল— তাঁহারা উঠিয়া বসিলেন ।

জানুয়ারী মাস—শীত তখন নিদারুণ । বিশেষতঃ আফগান-রাষ্ট্রের সেই শীত,—তাহার কল্পনা করাও কঠিন ! সারা মাঠ তখন তুষারে সাদা হইয়া গিয়াছে ! তবু—তাহারই মধ্য দিয়া, সেই তুষার-রাজ্য ভেদ করিয়া, সারা দিন, সারা রাত লরী ছুটিয়া চলিল ।

নীতে তাঁহাদের হাত-পা জমিয়া যাইবার মত হইল— তাঁহারা মাঝে-মাঝে চা পান করিয়া দেহের রক্ত উষ্ণ রাখিবার প্রয়াস পাইতেছিলেন।

দ্বিতীয় দিন তাঁহারা যে স্থানে উপস্থিত হইলেন, তাহার নাম 'বাটখাক'। এখানে যাত্রীদের পাসপোর্ট ইত্যাদি পরীক্ষা করা হয়, তাহাদিগকে নানারকম প্রশ্ন জিজ্ঞাসা করা হয়।

সুভাষচন্দ্র ও রহমৎ খাঁকে অনুরূপ ভাবে প্রশ্ন জিজ্ঞাসা করা হইলে, রহমৎ খাঁ বলিলেন, "ইনি আমার বড় ভাই; ইনি কালা ও বোবা। আমি ইঁহাকে লইয়া ধর্ম-কর্মের জগ্ন সাধি-সাহেবের দরগায় যাইতেছি। আমরা স্বাধীন পার্শ্বভ্য প্রদেশের অধিবাসী।"

এই বলিয়া তিনি লালপুরার খাঁ-সাহেবের দেওয়া সেই সার্টিফিকেটখানা দেখাইলেন। সঙ্গে-সঙ্গে প্রশ্নকর্তা একেবারে নীরব হইয়া গেলেন।

সুভাষচন্দ্র ও রহমৎ খাঁ অনস্তর সেইখানে কিছু চা পান করিয়া পুনরায় লরীতে উঠিলেন, লরীও আবার পূর্ণ বেগে ছুটিয়া চলিল।

অপরাহ্ন ৪টা কি ৫টার সময় লরী আসিয়া খামিল আফ-গানিস্থানের রাজধানী কাবুল সহরে। তাঁহারা এইখানে নামিয়া পড়িলেন এবং লরীওয়ালাকে তাহার প্রাপ্য ভাড়া মিটাইয়া দিলেন।

আফগান-রাজ্যে ভারতবর্ষীয় মুদ্রার প্রচলন নাই। সুতরাং পেশোয়ার হইতেই তাঁহাদিগকে আফগানী মুদ্রার ব্যবস্থা

করিতে হইয়াছিল। নতুবা আকগানিস্থানে আসিয়া তাঁহাদিগকে বিশেষ বিপদে পড়িতে হইত।

সুভাষচন্দ্র ও রহমৎ খাঁ কাবুলে আসিলেন বটে, কিন্তু কাবুল হইলেও ইহা কাবুলের একটা সীমান্ত-অংশ মাত্র। ইহার নাম 'লাহোরী-দরওয়াজা'।

এক উন্মুক্ত প্রান্তরের উপর লাহোরী-দরওয়াজা অবস্থিত। বাস ও লরীর ড্রাইভারগণ এইখানে আসিয়া, তাহাদের বাস ও লরীতে নির্দিষ্ট সংখ্যার অতিরিক্ত আরোহী থাকিলে তাহাদিগকে নামিয়া যাইতে বলে, এবং এই ভাবে তাহারা পুলিশের দৃষ্টিকে ফাঁকি দেয়।

সুভাষচন্দ্র ও রহমৎ খাঁ এইখানে নামিলেন; কিন্তু নামিয়া এখন তাঁহারা কোথায় যাইবেন? একটা আশ্রয় চাই তো! নিকটে কোথায়ও আশ্রয়-স্থান আছে কি না, তাহা কে জানে? রহমৎ খাঁ বাজার পর্যন্ত পৌঁছিয়া একজনকে জিজ্ঞাসা করিলেন।

সে অদূরে একখানি বাড়ী দেখাইয়া কহিল, “ঐ একটা সরাই আছে। খুঁজিয়া দেখিতে পার সেখানে কোন জায়গা খালি আছে কিনা।”

সুভাষচন্দ্র ও রহমৎ খাঁ একটু হাঁটিয়া গিয়া সেই সরাইখানায় উপস্থিত হইলেন। রহমৎ পুস্তভাষায় একজনকে জিজ্ঞাসা করিলেন, “এখানে একটু আশ্রয় পাইতে পারি কি?”

লোকটি পুস্তভাষা বুঝিল না। কিচির-মিচির করিয়া

ক্রুদ্ধ ভাবে কি জবাব দিল! আফগানীদের মাতৃভাষা যে পুস্ত্র নহে, এই সর্বপ্রথম তাঁহাদের সেই অভিজ্ঞতা হইল। ইতোমধ্যে আর একটি লোককে দেখিতে পাইয়া রহমৎ তাহাকেও পুস্ত্র ভাষায় জিজ্ঞাসা করিলেন, “মশাই, আপনি বলিতে পারেন, এই সরাইএর মালিক কে? আমরা আশ্রয়-প্রার্থী হইয়া এখানে আসিয়াছি।”

ভাগ্যক্রমে সে তাঁহার পুস্ত্রভাষা বুঝিল। সে দূরে একখানি ঘর দেখাইয়া কহিল, “এখানে সরাইয়ের চৌকীদার আছে; আপনারা তাহার কাছে যান, সে সমস্ত বন্দোবস্ত করিয়া দিবে।”

সুভাষচন্দ্র ও রহমৎ তখন সেই ঘরের সম্মুখে উপস্থিত হইয়া দেখিলেন, গুর্বা-ধরণের একটি লোক দিব্যি লেপ গায়ে দিয়া শুইয়া আছে।

রহমৎ তাহাকে আশ্রয়ের কথা জিজ্ঞাসা করিলে, সে উঠিয়া আসিল এবং একখানি ক্ষুদ্র কক্ষ দেখাইয়া কহিল, “আপনারা এইখানে থাকিতে পারেন। এক টাকা করিয়া ভাড়া লাগিবে।”

কক্ষটি অতি ক্ষুদ্র ও জানালা-দরজা শূন্য। দরজা বন্ধ করিয়া দিলে তাহা গুদামে পরিণত হইয়া যায়। তবু তাহাই তখন তাঁহাদের নিকট স্বর্গ বলিয়া মনে হইল! তাঁহারা সেইখানেই নিজেদের জিনিষ-পত্র আনিয়া স্বস্তির নিঃশ্বাস ফেলিলেন।

সেই সরাইটির প্রধান অধিবাসী ছিল কতকগুলি উট,

খচ্চর ও গাধা-ঘোড়া এবং তাহাদের সহিসদের দল। ভাগ্যের বিড়ম্বনায় সুভাষচন্দ্র ও ভগৎরাম ওরফে রহমৎ খাঁকেও আজ সেইখানেই আশ্রয় লইতে হইল।

দিন পাঁচ-ছয় ভাল ভাবেই কাটিয়া গেল। ইহার পরে একদিন রহমৎ আসিয়া সুভাষচন্দ্রকে কহিলেন, “সাদা পোষাকে একটা লোক কাছেই রুটির দোকানে বসিয়া থাকে। সে সর্বদাই আমার দিকে কটমট করিয়া তাকায়। তাহাকে দেখিয়া আফগান সি. আই. ডি.র লোক বলিয়া মনে হয়।”

কথার সঙ্গে-সঙ্গেই সেই কনফেটবলটি তাঁহাদের দরজার সম্মুখে উদয় হইল।

সে এক মুহূর্ত্ত ভীক্ষুভাবে তাঁহাদের দিকে তাকাইয়া রহিল; তারপর পরিচিত পুস্তভাষায় সতেজে জিজ্ঞাসা করিল, “আপনারা কে? আর এখানে আসিয়াছেন কেন?”

রহমৎ খাঁ সুভাষচন্দ্রকে দেখাইয়া কহিলেন, “ইনি আমার বড় ভাই, বোবা ও কালা, এবং অসুস্থ। আমি ইহাকে লইয়া সাখি-সাহেবের দরগায় যাইতেছি; কিন্তু অতিরিক্ত ভূষারপাত হওয়ায়, সাখি-সাহেবের পথ-ঘাট এখন বন্ধ হইয়া গিয়াছে, কাজেই আমরা এখানে অপেক্ষা করিতেছি।”

কনফেটবলটি কহিল, “আপনাদের কথা সত্য বলিয়া আমার বিশ্বাস হয় না। যাহোক, আপনারা আমার সঙ্গে কোতোয়ালীতে চলুন।”

সুভাষচন্দ্র ও রহমৎ খাঁর সমস্ত শরীর ঘামিয়া উঠিল। তাঁহারা ভাবিলেন,—এত পরিশ্রম, এত যত্ন, সবই কি বিফল

হইল? যাহোক, রহমৎ খাঁ যেন খানিকটা গরম হইয়াই কহিলেন, “বেশ, চলুন আমি যাইতেছি; কিন্তু আমার দাদা খুবই অসুস্থ, তিনি যাইতে পারিবেন না।”

কনফেবলের গলার সুর কতকটা নরম হইয়া গেল; সে ভাবিল, “সত্যই তো একটা রুগ্ন লোককে খানায় লইয়া গেলে কি লাভ হইবে? বরং তাহা না করিয়া যদি—”

সে কহিল, “বেশ, তাহা হইলে থাক, কাহারও যাইবার দরকার নাই। কিন্তু সাবধান, খুব শীগগির এখান হইতে চলিয়া যাইবেন—ইহার যেন অণুখা না হয়। তবে—যাওয়ার আগে চা খাওয়ার জন্য আপনারা আমাকে কিছু দিয়া যান—মে শীত পড়িয়াছে।”

রহমৎ খাঁ দ্বিরুক্তি না করিয়া তাহার হাতে একখানি দশ টাকার নোট গুঁজিয়া দিলেন। কনফেবলটি চায়ের দক্ষিণা, সেই নোটখানি লইয়া আনন্দের সহিত চলিয়া গেল।

সেদিন চলিয়া গেল বটে, কিন্তু তিন দিন পরেই আবার সে আসিয়া উপস্থিত। সেদিনও তাহাকে দক্ষিণা বাবদ পাঁচটি টাকা দিয়া বিদায় করিতে হইল।

সুভাষচন্দ্র এবং রহমৎ বুঝিলেন, পুলিশের এই ভৃত্তি তাঁহাদের কাঁধে এখন জৌকোর মত আঁটিয়া থাকিবে! এখন ইহার হাত হইতে অব্যাহতি পাইবার উপায় কি, তাহারা ইহা চিন্তা করিতে লাগিলেন।

রহমৎ খাঁ অর্থাৎ ভগৎরামের নিকট সুভাষচন্দ্র শুনিয়া-  
ছিলেন যে, কাবুল শহরে উত্তমচাঁদ নামে একজন রেডিয়ো-



ব্যবসায়ী আছেন। তিনি এক সময় নওজোয়ান ভারত-সভার জেনারেল সেক্রেটারী ছিলেন এবং সেই সংশ্রবে ১৯৩০ সালে পুলিশ তাঁহাকে গ্রেপ্তারও করিয়াছিল।

সুভাষচন্দ্র ইহা শুনিয়া ভাবিলেন, দেশের কাজে যাঁহার। একবার পুলিশের কোপদৃষ্টিতে পড়িয়া লাক্ষিত হইয়াছেন, তাঁহাদের পক্ষে সুভাষচন্দ্রকে আশ্রয় দান করা অসম্ভব না হইতেও পারে। সুতরাং তিনি রহমৎ খাঁ অর্থাৎ ভগৎরামকে কহিলেন, “আপনি একবার সেইখানে যান, দেখুন তিনি আশ্রয় দিতে রাজী হন কি না।”

সুভাষচন্দ্র বলিলেন বটে, কিন্তু রহমৎ খাঁ তখনও ইতস্ততঃ করিতেছিলেন! তিনি ভাবিতেছিলেন, “কি জানি, উত্তমচাঁদ যদিই বা কোন সাহায্য না করেন!”

এই ভাবে হয়তো আরও কিছুকাল কাটিয়া যাইত, কিন্তু পরদিন যখন সেই সি. আই. ডি. কর্মচারীটি আবার দেখা দিল, তখনই ব্যাপারটা খুব জরুরী হইয়া উঠিল।

পুলিশ-কর্মচারীটি কহিল, “খাঁ সাহেব, আপনারা এখনো এখানে আছেন? দেখুন আপনাদের সম্পর্কে আমার এখন নানা রকম সন্দেহ হইতেছে। আমি আজ আমার দারোগা-সাহেবের সঙ্গে এ-বিষয়ে কথা বলিয়াছিলাম; তিনি আপনাদিগকে খানায় লইয়া যাইতে বলিয়াছেন। কাজেই চলুন, এখনই একবার খানায় যাইতে হইবে। আপনার দাদাটি বোবা-কাল হইলেও একটুখানি হাঁটিতে না পারিবার কোন কারণ নাই।”

রহমৎ খাঁ বলিলেন, “নিতান্ত দরকারী মনে করেন তো আমি যাইব; কিন্তু আমার দাদা অসুস্থ, তাঁহাকে কেন কষ্ট দিবেন?” এই বলিয়া তিনি একখানি পাঁচ টাকার নোট তাহার হাতে গুঁজিয়া দিলেন।

কনফেবল সেই নোটখানি পকেটে রাখিতে-রাখিতে বলিল, “না, না, ওসব দু’পাঁচ টাকার ঘুস আমি গ্রহণ করি না। চলুন, খানায় চলুন!”

রহমৎ খাঁ পুনরায় একখানি পাঁচ টাকার নোট বাহির করিলেন এবং পুলিশটিকে তাহা দিলেন। কনফেবলটি তাহা গ্রহণ করিল বটে, তথাপি দৃঢ় হইয়া রহিল।

সে কহিল, “আপনারা আমাকে ভুল বুঝিয়াছেন। এই সামান্য গোটা-কয়েক টাকার জন্ত আমি আমার দারোগা-সাহেবের অবাধ্য হইতে পারি না।”

অগত্যা আরও সাওটাকা—খরচ করিতে হইল; কিন্তু সতেরোটি টাকা হস্তগত করিয়াও সে নিশ্চল ভাবে দাঁড়াইয়া রহিল, তাহার নড়িবার কোন লক্ষণই দেখা গেল না। সুভাষচন্দ্র ও রহমৎ খাঁ বিস্মিতভাবে তাহার দিকে তাকাইলেন।

রহমৎ খাঁর হাতে ছিল সুভাষচন্দ্রের রিফ্ট্ ওয়াচ। তাঁহারা উভয়েই লক্ষ্য করিলেন, কনফেবলের সতৃষ্ণ দৃষ্টি তাহাতেই নিবদ্ধ। মুখ ফুটিয়া সে তখন একবার জিজ্ঞাসা করিয়াও ফেলিল, “এই ঘড়ীটা খুব সুন্দর, বেশ দামী বলিয়া মনে হয়; ইহার দাম কত?”

রহমৎ খাঁ কহিলেন, “দাম?—কত দাম মনে নাই; তবে—ইহার দাম খুব বেশী নহে।”

—“বটে। তাহা হইলে এই ঘড়ীটা আমায় দিন না? টাকা তো আপনারা আমাকে খুব বেশী কিছু দেন নাই!”

উভয়েই বুঝিলেন, আর উপায় নাই! একবার যখন বাঘের নজর পড়িয়াছে, তখন আর ইহার রক্ষা নাই। কাজেই ঘড়ীটি তাহাকে দিতে হইল।

এই ভাবে সেদিন কিছু মোটা মাল আদায় করিয়া সে চলিয়া গেল। রহমৎ খাঁও পরামর্শ অনুসারে উত্তমচাঁদের দোকানের খোঁজে বাহির হইয়া পড়িলেন।

দোকান পাওয়া গেল বটে, কিন্তু উত্তমচাঁদ ছিলেন না, তাঁহার সঙ্গে দেখা হইল না। সেদিন আরও একবার তাঁহার খোঁজ করা হইল—কিন্তু একবারও তাঁহার দেখা পাওয়া গেল না।

কনফেটবলটি পরদিন আবার আসিয়া উদয় হইল। রহমৎকে দেখিয়াই সে কহিল, “খাঁ সাহেব, বড়ই বিপদ হইয়াছে! আচ্ছা, আপনার সেই ঘড়ীটার দাম কত ছিল বলিতে পারেন?”

—“তাহা মনে নাই। কেন, কি হইয়াছে?”

কনফেটবল কহিল, “না, এমন কিছু নয়; তবে ঘড়ীটা দেখিতে ছিল বড়ই সুন্দর; কিন্তু তাহাতেই হইল যত বিপদ! আমার দারোগা-সাহেব সেটি দেখিয়াই মুগ্ধ হইলেন, তিনি সেটি আমার নিকট হইতে লইয়া গিয়াছেন। যাহোক,

আমি সেটি ফিরাইয়া লইবার চেষ্টা করিব। কিন্তু দাদা, হাত আমার একেবারে খালি,—একখানা পাঁচ টাকার নোট যদি ধার দেন! তিনি আপনাদের কথা জিজ্ঞাসা করিয়াছিলেন; আমি তাঁহাকে বলিয়াছি, আপনারা এই সরাই হইতে কোথায় চলিয়া গিয়াছেন! যাহোক—পাঁচ টাকার একখানি নোট যদি—”

উপায় নাই। রহমৎ খাঁ নিঃশব্দে তাহাকে একটি পাঁচ টাকার নোট বাহির করিয়া দিলেন। কনফেটবলটি তাহা ‘ধার’ লইয়া অদৃশ্য হইয়া গেল।

কনফেটবল অদৃশ্য হইতেই সুভাষচন্দ্র ও রহমৎ খাঁর পরামর্শ-সভা বসিল। স্থির হইল, মুক্তি পাইতে হইলে আজই অগ্রতর যাইতে হইবে।

উত্তমচাঁদের সঙ্গে তখনও তাঁহাদের দেখাই হয় নাই! রহমৎ খাঁ সেই উদ্দেশ্যেই বাহির হইয়া গেলেন।



ছয়

## সুদূরের যাত্রী

কাবুলে উত্তমচাঁদের গৃহে—কৃশদূতের সাহায্য প্রার্থনা—অক্ষ-  
শক্তির সাহায্য প্রার্থনা—বে-আইনী পহ্যার মস্কো যাইবার সম্বন্ধ  
—অক্ষশক্তি-কর্তৃক পাসপোর্ট মঞ্জুর—বালিগ যাত্রা—২৮শে মার্চ  
বালিগে।

সুভাষচন্দ্র কলিকাতা হইতে বাহির হন, ১৯৪১ সালের  
১৫ই জানুয়ারী—রাত তখন ৮টা। তারপর চল্লিশ মাইল  
দূরবর্তী এক রেলগুয়ে-স্টেশন হইতে ট্রেনে চাপিয়া পেশোয়ার  
পৌঁছান ১৭ই জানুয়ারী রাত ৯টায়। ১৯শে জানুয়ারী  
তাঁহারা পেশোয়ার হইতে কাবুলের উদ্দেশ্যে রওয়ানা হন  
এবং কাবুলে পৌঁছিতে তাহাদের তিনদিন কাটিয়া যায়।

কাবুলে সাহোরা-দরওয়াজার সরাইখানায় ১৩ দিন কোন  
রকমে বাস করিয়া, একদিন প্রাতঃকালে রহমৎ খাঁ অর্গাৎ  
ভগৎরাম পুনরায় উত্তমচাঁদের অন্তেষণে তাঁহার দোকানে  
যাইয়া উপস্থিত হইলেন।

সেদিন ৩রা ফেব্রুয়ারী।—

উত্তমচাঁদ তাঁহার দোকানে বসিয়া আছেন, তাঁহার এক  
বালক কর্মচারী অমরনাথও সেখানে উপস্থিত, এমন সময়  
খাকী পেশোয়ারী পোষাকে এক অপরিচিত পাঠান তাঁহার

দোকানে প্রবেশ করিয়া, তাঁহাকে পুস্ত্রভাষায় অভ্যর্থনা করিলেন, “আসসালাম আলাইকুম !”

উত্তমচাঁদ বিস্মিত ও চমকিত হইলেন। তিনি একমুহূর্ত্ত নীরব থাকিয়া, পরক্ষণে জিজ্ঞাসা করিলেন, “বলুন, আপনার কি প্রয়োজন ?”

আগন্তুক কোন কথা কহিলেন না, তিনি দু' একবার ইতস্ততঃ দৃষ্টিপাত করিয়া অবশেষে অমরনাথের দিকে চক্ষু ফিরাইলেন।

উত্তমচাঁদ বুঝিলেন, আগন্তুক অমরনাথের সম্মুখে কথা বলিতে চাহেন না। তিনি তখন অমরনাথকে স্থানান্তরে সরাইবার অভিপ্রায়ে তাহাকে কহিলেন, “যাও, তুমি দুই কাপ চা লইয়া আইস।”

অমরনাথ চলিয়া গেল—আগন্তুক তখন তাঁহার পরিচয় দিয়া কহিলেন, “আমার নাম ভগৎরাম, মর্দন জেলায় ঘলা-খের গ্রামে আমার বাড়ী। আমারই ভাই পাঞ্জাবের গভর্নর বাহাদুরকে গুলি করিবার চেষ্টা করিয়াছিলেন। নওজোয়ান ভারত-সভার আমিও একজন কর্মী ছিলাম।”

উত্তমচাঁদ এখন তাঁহাকে চিনিতে পারিলেন। যাহোক, তাঁহার কি প্রয়োজন, তিনি তাহা জানিতে চাহিলেন।

ভগৎরাম কহিলেন, “স্মৃতিভাষাবুর নাম নিশ্চয়ই জানেন। কয়েক দিন যাবৎ তিনি পলাইয়া কাবুলে আদিয়াছেন, আমরা তাঁহাকে রাশিয়ায় পাঠাইতে চাই; কিন্তু যে সরাইখানায় আমার সঙ্গে তিনি আছেন, সেখানে এক আফগান

সি. আই. ডি. বড়ই উৎপাত শুরু করিয়াছে। তাই তিনি আমাকে আপনার নিকট পাঠাইয়াছেন। তাঁহার জন্ম যদি একটি নিরাপদ আশ্রয়-স্থলের ব্যবস্থা করিয়া দেন।”

স্বর্গ হইতে চাঁদ ঝমিয়া পড়িলেও বুঝি উত্তমচাঁদ ইহা অপেক্ষা বেশী বিস্মিত হইতেন না! অন্তর্হিত সুভাষচন্দ্রের সহসা কাবুলে আবির্ভাবের সংবাদে তিনি এতই বিস্মিত হইলেন!

উত্তমচাঁদের সমগ্র অন্তঃকরণ আনন্দে ও গৌরবে পরিপূর্ণ হইয়া উঠিল! স্বদেশপ্রেমের জ্বলন্ত প্রতিমূর্তি, ভারতের জাতীয় মহাসভার ভূতপূর্ব রাষ্ট্রপতি, বাংলার পুরুষসিংহ— সুভাষচন্দ্র বসু আজ নিপন্ন হইয়া তাঁহারই নিকট আশ্রয় প্রার্থনা করিতেছেন! ইহা যে উত্তমচাঁদের পক্ষে কত বড় মৌভাগ্য ও কত বড় গৌরবের কথা, তিনি তাহা সম্পূর্ণভাবে হৃদয়ঙ্গম করিলেন। সুতরাং এই সুযোগ তিনি পরিত্যাগ করিতে পারেন না—তিনি ভগৎরামের এই প্রস্তাব সাদরে গ্রহণ করিলেন।

তিনি কহিলেন, “বোস্ বাবু আমার এখানে থাকিতে পারিবেন, কিন্তু গুটিকয়েক অসুবিধা আছে। আপনারা উভয়েই আছেন মুসলমানের ছদ্মবেশে। আমি আছি হিন্দু বস্ত্রীতে। এখানে হিন্দুর বাড়ীতে, হিন্দুর বস্ত্রীতে দুজন মুসলমানের বাস করা অনেকটা সন্দেহজনক হইয়া উঠে। কেবল তাহাই নহে, আমি থাকি উপর তলায়; আমার বাড়ীতে নীচের তলায় অল্প একটি ভাড়াটিয়া আছেন। অথচ মেই ভাড়াটিয়ার অজ্ঞাতসারেই আপনাদিগকে বাস করিতে হইবে।

তাহা ছাড়া, আরো একটা অসুবিধা এই যে, আমার স্ত্রী জার্মান মহিলা—তিনি পর্দানশীন নহেন। তাঁহাকে না জানাইয়া আপনাদিগকে বাড়াতে রাখা—সে এক মহা সমস্যা। কাজেই আমি প্রথমে আমার এক মুসলমান বন্ধুর সাহায্য প্রার্থনা করিব। মুসলমানের বাড়াতে মুসলমানের অবস্থান, একেবারেই সন্দেহজনক হইবে না।

আমার সেই মুসলমান বন্ধুটিকে আমরা ‘হাজি সাহেব’ বলিয়া ডাকি। তিনি সত্তর বৎসর বয়স্ক এক বৃদ্ধ ব্যক্তি; এক জার্মান মহিলাকে তিনি বিবাহ করিয়াছেন; চীন, জাপান, আমেরিকা, জার্মানী ইত্যাদি বহুদেশ তিনি দেখিয়াছেন—বিষম ব্রিটিশ-বিরোধী মনোভাবাপন্ন। ভারতের জাতীয় আন্দোলনে তাঁহার খুবই সহানুভূতি আছে। আমি তাঁহাকে একবার বলিয়া দেখিব। যদি সেখানে হয় ভালই,—না হইলে অগত্যা আমার এইখানেই ব্যবস্থা হইবে। যাছোক, আপনি বিকাল বেলায় বোস্ বাবুকে লইয়া আসিবেন।”

ভগৎরাম আশ্বস্ত হইয়া চলিয়া গেলেন; তিনি বলিয়া গেলেন, অপরাহ্নে ৪টার সময় তিনি বোস্ বাবুকে লইয়া আসিবেন।

অপরাহ্ন—প্রায় ৪টা, মাত্র দশ মিনিট বাকী আছে, এমন সময় রহমৎ খাঁর ছদ্মবেশে ভগৎরাম পুনরায় উত্তমটাঁদের দোকানে আসিয়া উপস্থিত হইলেন।



উত্তমচাঁদ তাঁহাকে একাকী দেখিয়া বিস্মিতভাবে জিজ্ঞাসা করিলেন, “আপনি একা কেন? বোস্ বাবু কোথায়?”

—“ঐ যে তিনি নদীর অপর তীরে দাঁড়াইয়া আছেন।” রহমৎ খাঁ বলিলেন।

উত্তমচাঁদের বাড়ী তাঁহার দোকানের সঙ্গেই। দোকানের সম্মুখ দিয়া কাবুল-নদী প্রবাহিত হইয়াছে। নদীর উপরে একটি সেতু। উত্তমচাঁদ ও রহমৎ সেই সেতুর দিকে অগ্রসর হইলেন।

সেতুর অপর প্রান্তে রহমৎ খাঁ যাঁহাকে বোস্ বাবু বলিয়া দেখাইয়া দিলেন, উত্তমচাঁদ তাঁহাকে দেখিয়া একেবারে বিস্মিত হইয়া গেলেন! তাঁহার বেশ-ভূষা, চেহারা—সম্পূর্ণই পাঠান। তাঁহাকে দেখিয়া পাঠান না ভাবিয়া অণু কিছু মনে করিতে পারে, এমন সাধ্য কাহারও ছিল না! কে বলিবে ইনিই সুভাষচন্দ্র? তাঁহার সেই অতি-পরিচিত চশমাটি পর্যন্ত নাই!

যা হোক, পরিপূর্ণ বিশ্বাসে অভিভূত হইয়া, শ্রদ্ধামুগ্ধ অন্তরে উত্তমচাঁদ তাঁহাকে অভ্যর্থনা করিয়া গৃহে লইয়া আসিলেন, এবং উপরে একটি কক্ষে সর্ববক্ষণ তালাবদ্ধ অবস্থায় তাঁহাদের থাকিবার ব্যবস্থা করিলেন।

হাজি সাহেবের কথা জিজ্ঞাসা করিতেই উত্তমচাঁদ জানাইলেন যে, সেখানে সুবিধা হইল না। ভগৎরাম চলিয়া ধাইবার পরক্ষণেই তিনি হাজি সাহেবের নিকট গিয়াছিলেন। তিনি এতদিন অনেক বড়-বড় কথা বলিতেন বটে, কিন্তু সুভাষ বাবুকে বাড়ীতে রাখিতে তিনি নানা আপত্তি ও অসুবিধার কথা তুলিয়াছেন। মোট কথা, একজন পলাতক

নেতাকে গৃহে আশ্রয় দিতে তিনি ভয় পাইতেছেন। সূতরাং বোস্ বাবুর স্থান তাঁহার নিষ্কর বাড়ীতেই করিতে হইয়াছে।

উত্তমচাঁদ প্রথমে ভাবিয়াছিলেন, বোস্ বাবুর পরিচয় তিনি তাঁহার স্ত্রীর নিকট গোপন করিয়া যাইবেন ; কিন্তু বুদ্ধিমতী মহিলা প্রথম হইতেই সন্দেহ করিয়াছিলেন যে, তাঁহার স্বামী তাঁহার নিকট গোপন করিয়া দুটি অপরিচিত পুরুষকে গৃহে আশ্রয় দিয়াছেন। ইহাতে স্ত্রী-সুলভ অভিমানে তাঁহার সমস্ত হৃদয় পরিপূর্ণ হইয়া উঠিল এবং তিনি তাঁহাদের পরিচয় জানিবার জন্য পীড়াপীড়ি করিতে লাগিলেন। সূতরাং স্ত্রীর পীড়াপীড়িতে অগত্যা উত্তমচাঁদকে প্রকৃত ঘটনা খুলিয়া বলিতে হইল।

সুভাষচন্দ্রের নাম ও দেশপ্রেমের পরিচয় উক্ত মহিলার অজ্ঞাত ছিল না। তিনি সেই মুহূর্ত্ত হইতে শ্রদ্ধাযুক্ত হৃদয়ে স্বামীর এই মহৎ কাজে তাঁহাকে সাহায্য করিতে লাগিলেন। সত্য বলিতে কি, উক্ত মহিলার সাহায্য না পাইলে, সুভাষচন্দ্রের গোপনে অবস্থিতি তৎকালে অসম্ভব হইয়া পড়িত !

এই মহাপুরুষকে আত্মগোপনের সম্পূর্ণ সুযোগ দান সম্পর্কে বুদ্ধিমতী মহিলা এত বেশী সতর্ক ছিলেন যে, সুভাষচন্দ্রের কখনও কাশি উঠিলেও পাছে অপর কেহ তাহা শুনিতে পায় এই আশঙ্কায়, তিনি অণু কোন গোলমালের সৃষ্টি করিয়া অপরকে বিভ্রান্ত করিবার প্রয়াস পাইয়াছেন !

কাবুলে অবস্থানকালে সুভাষচন্দ্রের অনুরোধে ভগৎরাম প্রথমে রাশিয়ার দূতের সঙ্গে কথাবার্তা চালাইবার চেষ্টা করেন। কারণ, সুভাষচন্দ্রের অভিপ্রায় ছিল, তিনি মস্কো

গমন করিবেন। কিন্তু বহু চেষ্টায়ও তাহাতে বিশেষ কোন ফলোদয় হইল না। মস্কৌএর দূতকে যেন এ বিষয়ে অনেকটা উদাসীন দেখা গেল !

অবশেষে ইটালীয় রাজদূতকেও সমস্ত ব্যাপার জানানো হইল এবং তাঁহাদের দেশে যাইবার জন্ত পাসপোর্ট বা অনুমতি প্রার্থনা করা হইল। ইটালীর রাজদূত মীনর ক্যারনী ও তাঁহার পত্নী মীনরা ক্যারনী, এ বিষয়ে সুভাষচন্দ্রকে ব্যক্তিগত ভাবেও যে শ্রদ্ধা ও সম্মান দেখাইয়াছেন, এবং যোম হইতে তাঁহার পাসপোর্ট মঞ্জুর করাইবার জন্ত যে অসাধারণ পরিশ্রম করিয়াছিলেন, তাহা সত্যই অতুলনীয়।

কিন্তু সুদীর্ঘকাল চেষ্টার ফলেও যখন পাসপোর্ট মঞ্জুর হইয়া আসিল না, তখন সুভাষচন্দ্র অস্থির হইয়া পড়িলেন; তাঁহার আশ্রয়দাতা উত্তমচাঁদও তখন অল্প পন্থা চিন্তা করিতে লাগিলেন।

উত্তমচাঁদ সীমান্ত-প্রদেশের অধিবাসী এমন এক ব্যক্তিকে জানিতেন, যে অর্পণের জন্ত পাদিত না এমন কোন অসাধ্য কর্মই ছিল না। অথচ লোকটিকে তিনি বিখ্যাত বলিয়াই মনে করিতেন। তিনি ভাবিলেন, ঐ লোকটির সাহায্যে কি বোস্ বাবুকে রাশিয়ায় পাঠানো চলে না ?

সে নাকি বহুবার পাসপোর্ট ব্যতীতই রাশিয়ায় গিয়াছে। আফগানিস্থান পার হইয়া কিছুদূর অতিক্রম করিলে 'হাঙ্গো' নামে এক নদী আছে। সেই নদীর অপর তীরেই রাশিয়ার সীমান্ত।

উত্তমচাঁদ তাঁহার সহিত ধীরে-ধীরে আলাপ করিলেন, অবশেষে কাজের কথা আরম্ভ হইল।

সে লোকটি বলিল যে, পাসপোর্ট ছাড়াও রাশিয়ায় প্রবেশ করা যায়, তাহা এতক্ষণেরই কন্ট্রল নহে। যাহারা সেই ভাবে প্রবেশ করে, তাহারা নৌকায় বা সেতু পার হইয়া যাইবার চেষ্টা করে না। তাহারা নদী পার হইবার জগ্ৰ ভিত্তিওয়ালার মশক ব্যবহার করিয়া থাকে।

মশকগুলি বায়ুপূর্ণ করিয়া ফুলাইয়া, তাহার উপরে জেলেদের একখানি জাগ বিছাইয়া দেওয়া হয়। যাত্রীরা তখন তাহাতে বসিয়া সচ্ছন্দে নদী পার হইতে পারে। সুভাষচন্দ্র ও রহমৎ খাঁ কাবুল-নদীও এইভাবে পার হইয়াছিলেন।

আর কোন উপায় না দেখিয়া উত্তমচাঁদ অগত্যা এই পন্থাই স্থির করিয়া রাখিলেন। সুভাষচন্দ্রও তখন রাশিয়ায় যাইবার জগ্ৰ এত বেশী আগ্রহাশিত যে, আইনের পন্থায় কি বে-আইনী পন্থায়, তাহা তিনি বিচার করিতে চাহিলেন না। রাশিয়ায় পৌঁছিয়া যদি রাশিয়ার কারাগারেও তাঁহাকে অতিবাহিত করিতে হয়, তিনি তখন তাহাতেও সম্মত। তথাপি আফগানিস্তান পরিত্যাগ করিয়া, রাশিয়ায় যাওয়াই তাঁহার একমাত্র কাম্য হইল। সুতরাং ঐভাবে নদীপার হইয়া, বিপজ্জনক পন্থায় যাইতেও তাঁহার আপত্তি হইল না। কেবল ভাবিলেন, তাঁহার সেই 'চালক' লোকটি নির্ভরযোগ্য হইবে কি না!

সেই লোকটির সঙ্গে উত্তমচাঁদ দর-কষাকষি করিলেন, তাহার পারিশ্রমিক নির্ধারণ করিলেন, কিছু অগ্রিমও প্রদান করিলেন; কিন্তু তথাপি আরও নানাভাবে

ব্যাপারটিকে চিন্তা করিবার জন্ত তখনও কোন দিনস্থির করা হইল না।

এখনই সময়ে একদিন—১৫ই মার্চ, সীমর ক্যারগীর পত্নী আশিয়া সুভাষচন্দ্রকে একখানি পত্র প্রদান করিলেন।

পত্রে ছিল সুভাষচন্দ্রের বহু-আকাঙ্ক্ষিত সুসংবাদ : অক্ষশক্তির অন্তর্গত ইতালী ও জার্মানী—তঁাহার পাসপোর্ট মঞ্জুর করিয়াছেন।

১৮ই মার্চ প্রাতে ৯টার সময় তিনি অক্ষশক্তির সাহায্যে আফগানিস্থান হইতে যাত্রা করিলেন। একজন ইতালীয় ও দুই জন জার্মান—সন্মধ্যে একজন অতি তীক্ষ্ণদী ডাঃ ওয়েলার—তঁাহার সহযাত্রী হইলেন। পাসপোর্টে সুভাষচন্দ্রের নাম লিখিত হইল ‘ক্যারাটাইন’!

এইভাবে বাংলার, তথা সমগ্র ভারতের সুভাষচন্দ্র, ছদ্মবেশী জিয়াউদ্দিন ও পরবর্তী যাত্রাপথে ক্যারাটাইন, স্বাধীনতার নেশায় উন্মত্ত হইয়া, স্বদেশ হইতে সূদূরে বিদেশের পথে সাময়িক ভাবে অন্তর্হিত হইলেন।

তঁাহারা প্রথমে একখানি মোটরে চড়িয়া কাবুল হইতে রাশিয়ার সীমান্ত-পথে যাত্রা করেন। রাত্রিটা মধ্যপথে ‘পুল খুমড়ী’ নামক স্থানে সকলেই বিশ্রাম করিলেন এবং পরদিন, ১৯শে মার্চ, তঁাহারা রাশিয়ায় প্রবেশ করিলেন।

২০শে মার্চ সুভাষচন্দ্র ট্রেনে গমন করিলেন মস্কো। ২৭শে মার্চ তিনি মস্কো উপস্থিত হইলেন বটে, কিন্তু মাত্র একটি রাত্রির বেশী তিনি সেখানে কাটাইতে পারিলেন না।

সেখান হইতে রওয়ানা হইয়া ২৮শে মার্চ তিনি জার্মানীর রাজধানী বার্লিণে উপনীত হইলেন। \*

সুভাষচন্দ্র কাবুল পরিত্যাগ করিয়া চলিয়া যাইবার মাত্র কয়েক দিন পরেই পুলিশ-বিভাগ জানিতে পারে যে, দুইজন ভারতীয় ( সুভাষচন্দ্র ও ভগৎরাম ) কাবুলে কোন হিন্দুর গৃহে আশ্রয় লইয়াছেন। সুতরাং তখন জোর পুলিশের অনুসন্ধান আৰম্ভ হইল, উত্তমচাঁদের নিকটও অনুসন্ধান করা হইল।

উত্তমচাঁদকে শুধু প্রশ্ন করিয়াই পুলিশ-বিভাগ ক্ষান্ত রহে নাই! সুভাষচন্দ্রকে আশ্রয়দান ও তাঁহাকে বিদেশ-গমনে সাহায্য করিবার অপরাধে তিনি দীর্ঘকাল কারাদণ্ড ভোগ করিয়াছেন এবং পুলিশ তাঁহার লক্ষাধিক টাকার সম্পত্তি ক্রোক ও নিলাম-বিক্রয় করিয়া তাঁহাকে মর্দবশান্ত করিয়া দিয়াছে। বস্তুতঃ এই মহাপুরুষের সাহায্য না পাইলে, সুভাষচন্দ্রের যাবতীয় উত্তম সম্ভবতঃ অন্ধুরেই বিনষ্ট হইয়া যাইত!

সুভাষচন্দ্র বার্লিণে পৌঁছিয়া প্রায় মাস-তিনেক পরে হাজি সাহেবের জার্মান পত্রীর নিকট যে পত্র লিখিয়াছিলেন, তাহাতে এই মহাপুরুষের নিকট তাঁহার প্রাণের গভীর কৃতজ্ঞতা জানাইয়া লিখিয়াছিলেন,—

উত্তমচাঁদ নমস্ते! আপনি যাহা করিয়াছেন, সেজন্য আমি কৃতজ্ঞ। সারাজীবনেও আমি তাহা কখনও ভুলিতে পারিব না।

জিয়াউদ্দিন।

\* পাঠকদের অরুণ থাকিতে পারে, ইহার মাত্র মাস-কয়েক পরেই—১৯৩১ সালের ২২শে জুন তারিখে রাশিয়া ও জার্মানীর মধ্যে যুদ্ধ বাধিয়া উঠিয়াছিল।

সাত

## আজাদ-হিন্দ ফৌজ ও আজাদ-হিন্দ গভর্নমেন্ট

১৯৪২ সালে প্রাচ্যের পরিস্থিতি—সিঙ্গাপুরের পতন—ভারতীয় সৈন্যদলকে জাপ-হস্তে সমর্পণ—জাপানের উদ্দেশ্যমূলক উদ্যোগ—মোহন সিংএর নেতৃত্ব—আজাদ-হিন্দ-ফৌজ ও আজাদ-হিন্দ সজব গঠন—জাপান গভর্নমেন্টের সহিত সজবর্ষ—সুভাষচন্দ্রের আগমন—সভাপতি রামবিহারীর পদত্যাগ—‘নেতাজী’ সুভাষচন্দ্র—আজাদ-হিন্দ গভর্নমেন্টের কর্ম-পরিষদ—নারী বাহিনী—আত্মঘাতী বাণ-সেনা—আজাদ-হিন্দ ব্যাঙ্ক প্রতিষ্ঠা—ইক্ষল-অবরোধ—জাপান-গভর্নমেন্টের পতন—আজাদ-হিন্দ গভর্নমেন্টের বিলোপ—আজাদ-হিন্দ ফৌজের বিচার।

সুভাষচন্দ্র যখন ভারতবর্ষ হইতে পলায়ন করিয়া, অবশেষে বার্মিংহামে পৌঁছিয়া সেখানে অবস্থান করিতেছিলেন, প্রাচ্য ভূখণ্ডে এসিয়া মহাদেশে তখন ক্রমশঃ এক বিপুল পরিবর্তন সাধিত হইতেছিল। শেষকালে এমন অবস্থা হইল যে, ইংরেজের সুপ্রতিষ্ঠিত সিংহাসন এসিয়া মহাদেশে টনটলায়মান হইয়া উঠিল।

১৯৪২ সালের প্রথম ভাগে ব্রিটিশ-শক্তি বিজয়ী জাপানীদের নিকট পরাভূত হইয়া দক্ষিণ-পূর্ব এসিয়া হইতে সরিয়া আসিতেই বাধ্য হইল।

১৫ই ফেব্রুয়ারী তারিখে ব্রিটিশ নৌ-ঘাঁটির অন্যতম কেন্দ্র সিঙ্গাপুরের পতন হয়। ব্রিটিশ সৈন্যগণ পূর্ববাহুেই পলায়ন

করে। তাহাদের পলায়নের জন্য সকল প্রকার ব্যবস্থা পূর্বেই করা হইয়াছিল; কিন্তু ভারতীয় সৈন্যগণকে কিছু না জানাইয়া তাহাদিগকে অনিশ্চিত ভাগ্যের উপর ফেলিয়া রাখা হয়। ইহার ফলে সিঙ্গাপুরের সমস্ত ভারতীয় সৈন্য বিনা যুদ্ধে আত্মসমর্পণ করে।

সিঙ্গাপুরের পতনের সঙ্গে-সঙ্গেই—১৬ই ফেব্রুয়ারী তারিখে সন্ধ্যাবেলা সমগ্র ভারতীয় বাহিনীর মধ্য হইতে ব্রিটিশ অফিসারদিগকে পৃথক্ করা হইল এবং ব্রিটিশ কম্যান্ডিং অফিসার স্বদেশীয় সৈন্যদিগকে নিরাপদে অন্তর পাঠাইবার জন্য ব্যস্ত হইয়া পড়িলেন; কিন্তু হতভাগ্য ভারতীয় অফিসার ও সৈন্যদিগকে ১৭ই তারিখে প্রাতঃকালে ফেরার পার্কের দিকে মার্চ করিয়া লইয়া যাওয়া হইল।

লেঃ কর্ণেল হার্ট সেখানে হতভাগ্য ভারতীয় সৈন্যদিগকে জাপ-গভর্নমেন্টের প্রতিনিধি মেজর ফুজিয়ারার হস্তে সমর্পণ করিয়া তাহাদিগকে চূড়ান্তভাবে বলিয়া দিলেন, “তোমরা এতদিন আমাদের যেরূপে মানিয়াছ, এখন হইতে জাপ-কর্তৃপক্ষকে সেরূপ মান্য করিয়া চলিও।”

তৎকালীন অবস্থা বর্ণনা-প্রসঙ্গে ক্যাপ্টেন সাইগল বিচার-কালে তাহার জবানবন্দীতে বলিয়াছিলেন, “ব্রিটিশের পক্ষ হইতে লেঃ কর্ণেল হার্ট ভারতীয় অফিসার ও সৈন্যদিগকে একদল ভেড়ার মতই জাপদের হাতে সঁপিয়া দিলেন।”

মেজর ফুজিয়ারা অসহায় যুদ্ধবন্দী ভারতীয় সৈন্যদের মানসিক অবস্থা স্পষ্টভাবে উপলব্ধি করিতে পারিলেন।



তিনি তাহাদের ব্রিটিশ-বিরোধী মনোভাবের পূর্ণ সুযোগ গ্রহণ করিবার উদ্দেশ্যে ভারতীয় বাহিনীকে সম্বোধন করিয়া বলেন, “জাপান পূর্ব-এসিয়ার সমস্ত জাতিককে স্বাধীন ও মুক্ত দেখিবার অভিলাষী ; কিন্তু ভারতের স্বাধীনতা ব্যতীত স্বদূর প্রাচ্যের পরিস্থিতি কখনও ভাল হইতে পারে না। সুতরাং ভারতের উক্ত উদ্দেশ্য সাধনের জগ্ন জাপ-সরকার সকল রকম সাহায্য ও সহযোগিতা করিতে প্রস্তুত। কাজেই আমি আপনাদিগকে যুদ্ধবন্দীরূপে দেখিতে চাহি না। আমাদের পক্ষ হইতে বলিতে পারি, আপনারা স্বাধীন। আমি ক্যাপ্টেন মোহন সিংএর হস্তে আপনাদিগকে সমর্পণ করিতেছি।”

ক্যাপ্টেন মোহন সিং তখন তাঁহার সেনা-বাহিনীকে সম্বোধন করিয়া বলেন, “বর্তমানে ভারতের স্বাধীনতা অর্জনের জগ্ন ভারতীয়দের যুদ্ধ করিবার সুযোগ আসিয়াছে।”

মেজর ফুজিয়ারার উদ্দেশ্য ছিল, জাপানের তাঁবেদার হিসাবে একটি ভারতীয় সমিতি খাড়া করিতে হইবে ; কিন্তু ভারতীয়গণ মেজর ফুজিয়ারাকে কোনরূপে এড়াইবার জগ্ন বলেন ষ. এ বিষয়ে তাঁহারা আরও গভীর ভাবে চিন্তা করিবেন এবং প্রয়োজন হইলে মেজর ফুজিয়ারার সহিত সাক্ষাৎ করিবেন।

ইহার পর ৯ই এবং ১০ই মার্চ, ১৯৪২ সালে মালয়ের বিভিন্ন স্থান হইতে আগত ভারতীয় নেতৃবৃন্দ সিঙ্গাপুরে একটি সভা করেন। সিঙ্গাপুরের সভায় স্থির হয় যে, টোকিওতে একটি শুভেচ্ছা দল-পাঠান হইবে।

ইহার পর রাসবিহারী বসুর সভাপতিত্বে টোকিওতে একটি সম্মেলন হয়। এই সম্মেলনে উল্লিখিত শুভেচ্ছা-দলের প্রতিনিধিবৃন্দ ছাড়াও হংকং, সাংহাই ও জাপান-প্রবাসী ভারতীয় প্রতিনিধিবৃন্দ উপস্থিত ছিলেন।

এই সম্মেলনে প্রস্তাব গৃহীত হয় যে, পূর্ব-এসিয়া-প্রবাসী ভারতীয়গণের পক্ষে স্বাধীনতা-আন্দোলন আরম্ভ করিবার ইহাই প্রকৃষ্ট সময়; এই স্বাধীনতা হইবে পূর্ণ স্বাধীনতা এবং সকল প্রকার নৈদেশিক শাসন ও নিয়ন্ত্রণ হইতে সম্পূর্ণ মুক্ত; ভারতের বিরুদ্ধে সামরিক অভিযান এবং ক্রিয়া-কলাপের অধিকারী হইতে পারিবে একমাত্র ভারতীয়গণের নেতৃত্বে এবং ভারতীয় স্বার্থে চালিত 'স্বাধীন ভারত-বাহিনী' বা 'আজাদ-হিন্দ ফৌজ'; সকল ক্ষমতা আজাদ-হিন্দ সঙ্ঘ পরিচালিত করিবে; আজাদ-হিন্দ সঙ্ঘের একটি কর্ম-পরিষদ থাকিবে; এই কর্ম-পরিষদ সামরিক প্রয়োজনে জাপানের নিকট হইতে নৌবল, বিমানবল প্রভৃতি চাহিতে পারেন, ইত্যাদি।

এই সম্মেলন আরও একটি উল্লেখযোগ্য প্রস্তাব করেন যে, ভারতের ভবিষ্যৎ শাসন-তন্ত্র রচনা করিবার অধিকার ভারত-ভূমিতে স্বয়ং ভারতীয় নেতৃবৃন্দের উপরই বর্তিবে; ভারতের জাতীয় কংগ্রেসই এই অধিকারের মালিক।

১৯৪২ সালের ১৫ই হইতে ২৩শে জুন পর্য্যন্ত ব্যাঙ্কে একটি প্রতিনিধি-সম্মেলন বসে। জাপান, মাঞ্চুকুও, হংকং, বোর্নিও, জাভা, মালয় ও শ্যাম হইতে ১০০ জন প্রতিনিধি

সমবেত হন। ভারতীয় বাহিনী হইতেও প্রতিনিধি আসেন। ইঁহারা সকলেই যুদ্ধবন্দী ছিলেন। এই সম্মেলনে আজাদ-হিন্দ আন্দোলনের মূলনীতি নির্ধারিত হয়—

(১) ভারতবর্ষের স্বাধীনতার জয় পূর্ব-এসিয়ার প্রবাসী ভারতীয়-গণকে লইয়া একটি আজাদ-হিন্দ সজ্ব গঠন করিতে হইবে।

(২) আজাদ-হিন্দ সজ্বের আদর্শ, কার্যক্রম ও সকল প্রকার পরি-কল্পনা ভারতের জাতীয় কংগ্রেসের আদর্শ, কার্যক্রম ও উহার পরিকল্পনা অনুযায়ী অনুসৃত হইবে। ভারতের জাতীয় কংগ্রেসের নেতৃত্ব মানিয়া চলিতে হইবে; কংগ্রেসের আন্দোলনের সহিত যোগ-সূত্র সাধন করিতে হইবে।

(৩) পূর্ব-এসিয়ার ভারতীয় বাহিনী হইতে এবং ভারতীয় বেসামরিক জনসাধারণের মধ্য হইতে সৈন্য সংগ্রহ করিয়া একটি আজাদ-হিন্দ ফৌজ গঠন করিতে হইবে।

(৪) ভারতবর্ষের প্রতি এবং নবগঠিত আজাদ-হিন্দ সজ্বের প্রতি জাপানীদের নীতি কি, তাহা স্পষ্টভাবে ঘোষণা করার জন্ত জাপানী কর্তৃপক্ষের নিকট দাবী জানাইতে হইবে।

এইরূপে ব্যাঙ্কক-সম্মেলন হইতে গণতান্ত্রিক প্রতিনিধিদের ভিত্তিতে আজাদ-হিন্দ সজ্ব গঠিত হইল। ইহার সভাপতি হইলেন শ্রীরাসবিহারী বসু। সিঙ্গাপুরে উক্ত সজ্বের প্রধান কর্মসূত্র হইল এবং পূর্ব-এসিয়ার প্রত্যেক দেশে ইহার শাখা-সজ্ব স্থাপিত হইল। এই সময় গান্ধীজির নেতৃত্বে কংগ্রেস ১৯৪২ সালে ৮ই আগস্ট 'ভারত ত্যাগ কর' প্রস্তাব গ্রহণ করিলেন। সমগ্র ভারতবর্ষ দুইটি মন্ত্রে দীক্ষিত হইল—  
“করেঙ্গে ঔর মরেঙ্গে।”

ভারতব্যাপী দাবানল জ্বলিয়া উঠিল, ভারতবর্ষের সমস্ত কংগ্রেস-নেতাকে তড়িৎ আক্রমণ হানিয়া ব্রিটিশ শক্তি কারারুদ্ধ করিল ; সহস্র-সহস্র কংগ্রেসকর্মী ও জনগণ ব্রিটিশের গুলিতে প্রাণ বিসর্জন দিতে লাগিলেন ; ব্রিটিশ বিমান হইতে বোমাবর্ষণ করিয়া গ্রাম, নগর ধ্বংস করিতে লাগিল ।

এই সকল সংবাদে পূর্ব-এসিয়ার সর্বত্র অভূতপূর্ব চাঞ্চল্য এবং অদম্য ক্রোধসাহ চূড়ান্ত সীমায় ঠেলিয়া উঠিল । এই চাঞ্চল্যকর পরিস্থিতিতে এইবার সর্বপ্রথম ক্যাপ্টেন মোহন সিংএর অধিনায়কত্বে আজাদ-হিন্দ ফৌজের গঠন-কার্য আরম্ভ হইল । মালয়ে যে সকল ভারতীয় সৈন্য আত্মসমর্পণ করিয়াছিল, তাহাদের লইয়াই বাহিনী গঠনের প্রাথমিক কর্মসূচী অনুসৃত হইতে লাগিল ; মালয়-প্রবাসী ভারতীয়গণের নিকট আবেদন জানাইলে আশাতিরিক্ত সাড়া পাওয়া যাইতে লাগিল ।

ভারতীয়গণের এই স্বাধীন প্রচেষ্টা জাপান কিছুতেই প্রীতির চক্ষে দেখিতে পারে নাই । ইহাতে বরং সাম্রাজ্যবাদী জাপানের মনেও আতঙ্ক এবং ভীতির সঞ্চার হইয়াছিল । সুতরাং জাপানী কর্তৃপক্ষের সহিত আজাদ-হিন্দ ফৌজের কর্ম-পরিষদের সঙ্ঘর্ষ বাধিয়া উঠিল । প্রধানতঃ দুইটি কারণে তিক্ততা চরম হইয়া পড়িল—

(১) কর্ম-পরিষদ দাবী জানাইয়াছিলেন যে, ভারতবর্ষ, পূর্ব-এসিয়া এবং আজাদ-হিন্দ সঙ্ঘের প্রতি জাপানের নীতি কি, ইহা জাপান অবিলম্বে ঘোষণা করুক ।

জাপান উত্তরে কতকগুলি মামুলী জবাব জানাইয়াছিল ; কিন্তু কন্স-পরিষদ জাপানী গভর্নমেন্টের ঐ মামুলী জবাব সম্বোধনক বলিয়া গণ্য করিতে পারেন নাই ।

(২) সম্পূর্ণভাবে জাপানীগণ-কর্তৃক পরিচালিত 'ইয়াকুরো-কিকান' নামক 'লায়াসন' ডিপার্টমেন্টের অফিসারগণ আজাদ-হিন্দ ফৌজের কাব্য-কলাপে হস্তক্ষেপ করিতে আসিতেন, সুতরাং ১৯৪২ সালের ডিসেম্বর মাসেই চরম সঙ্কট ধনাইয়া উঠিল । মাঝে গঠিত আজাদ-হিন্দ ফৌজকে জাপানী সমর-কর্তাদের আদেশ অনুসারে বাধ্যয় স্বানাস্তরিত করিতে কন্স-পরিষদ অস্বীকার করিল ; জাপানীদের অত্যাচার অনেক দানীও দরাসরি অগ্রাহ্য করা হইল ।

কন্স-পরিষদকে না জানাইয়া জাপানীরা ৮ই ডিসেম্বর আজাদ-হিন্দ ফৌজের কর্নেল এন. এস. গিলকে গ্রেপ্তার করিলে অবস্থা চরমে গিয়া পৌঁছে ।

এই সম্পর্কে জেনারেল মোহন সিং নিজে বলিয়াছেন : একদিন রাত্রে কয়েকজন জাপ সামরিক কন্সচারী তাঁহার নিকট আসেন এবং কর্নেল নিরঞ্জন সিংহ গিলকে গ্রেপ্তার করিতে চাহেন ; কিন্তু তিনি তাঁহাকে তাহাদের নিকট সমর্পণ করিতে অসম্মত হন । তিনি বলেন, তাঁহার কোন অফিসার কোন অপরাধ করিলে তিনি সামরিক আদালতে তাঁহার বিচার করিবেন, কিন্তু তাঁহাকে তাহাদের নিকট সমর্পণ করিবেন না । ইহাতে জাপ সামরিক কর্তৃপক্ষ বিরক্ত হন

এবং পরে কর্ণেল গিল ও জেনারেল মোহন সিং উভয়কেই গ্রেপ্তার করা হয়। \*

জেনারেল মোহন সিং বলেন, ১৯৪২ সালের ডিসেম্বর মাসেই জাপানের বিজয়-সম্ভাবনা সর্ববাপেক্ষা অধিক ছিল। আর তখন ভারতকে এ কার্যে নিয়োজিত করাই তাহাদের অভিপ্রায় ছিল।

জাপান সামরিক কর্তৃপক্ষ প্রথমে 'ভারতীয় জাতীয় সেনাদল' নামে আপত্তি করেন এবং 'ভারতীয় স্বাধীনতা সেনাবাহিনী' নামকরণ প্রস্তাব করেন। কিন্তু তাঁহারা 'ভারতীয় জাতীয় বাহিনী' নাম করিতে চাহেন। কারণ, তাঁহারা ভারতীয় জাতীয় কংগ্রেসেরই প্রতিনিধি। প্রভেদ এই যে, আজাদ-হিন্দ ফৌজ স্বাধীনতার জন্য অস্ত্র ব্যবহার সমর্থন করেন, আর কংগ্রেস মহাত্মা গান্ধীর নেতৃত্বে অহিংস সংগ্রামই চালাইতেছে।

উপসংহারে জেনারেল মোহন সিং বলেন, ভারতের স্বাধীনতার জন্যই আজাদ-হিন্দ ফৌজ গঠিত হইয়াছিল। †

কর্ণেল গিল ও মোহন সিংএর এই গ্রেপ্তারের প্রতিবাদে পরিষদের সভ্যগণ পদত্যাগ করেন। ইহাতে শ্রীরাসবিহারী অবস্থার গুরুত্ব বুঝিতে পারেন এবং জানান, তিনি অবিলম্বে জাপান যাইবেন এবং প্রধান-প্রধান বিষয়ে জাপানীদের স্পর্শক নীতি কি, তাহা বাহির করিবেন। ইতোমধ্যে সজ্জের কার্য চলিতে থাকিবে।

\* ব্রিটনের নিকট তাহাদিগকে সমর্পণ করিবার পূর্ব পর্যন্ত তাহারা বন্দী ছিলেন।

† আনন্দবাজারের সংবাদদাতা—লাহোর, ১১ই মে, ১৯৪৬ সাল।

এই সময় মালয়-শাখাও প্রস্তাব করেন যে, শ্রীরাসবিহারী বসুকে এতদ্বারা অনুরোধ করা যাইতেছে যে, তিনি প্রধান-প্রধান বিষয়ে টোকিও-গভর্নমেন্টের মতামত ও নীতি কি, তাহা জানিতে সম্ভাব্য চেষ্টা করুন, এবং টোকিও-গভর্নমেন্টও ঘোষণা, বিরূতি বা অন্য যে-কোন উপায়ে তাহা যত শীঘ্র সম্ভব প্রকাশ করুক। ইতিমধ্যে সজেবর কাজ পূর্নবর মতই চলিতে থাকিবে, কিন্তু টোকিও-গভর্নমেন্টের ঘোষণা বা বিরূতির পরই নূতনভাবে অগ্রসর হওয়া যাইবে।

এই যখন আশ্রয়, তখন ইয়াকুরো-কিবান আজাদ-হিন্দ সঙ্ঘকে হীনবল করিবার জগ্ন্য একটি প্রতিদ্বন্দী দল গঠন করিল। উহার অফিসারগণ আজাদ-হিন্দ সজেবর বিরুদ্ধে গুপ্ত ধুব-আন্দোলন গঠন করিতে লাগিলেন এবং নিজেরাও তাঁবেদার অনুচর হইয়া আজাদ-হিন্দ সজেবর বিরুদ্ধে বাপক-ভাবে প্রচারকার্য এবং মিথ্যা রটনা শুরু করিলেন।

১৯৪৩ সালের ফেব্রুয়ারী মাসে মালয়-শাখা-কমিটি তিন দিন মিটিং ও আলোচনার পর শ্রীরাসবিহারীর নিকট একটি স্মারক-লিপি পাঠাইতে মনস্থ করেন; এই স্মারক-লিপি যথাস্থানে পৌঁছিবার পূর্বেই জাপানীরা গোপনে তাহা হস্তগত করিয়া লয়। তাহার মালয়-শাখার সভাপতি শ্রী এন্. রাঘবনকে পদত্যাগ করিতে বাধ্য করার জগ্ন্য শ্রীমুত রাসবিহারী বসুর উপর চাপ দিতে লাগিল। ফলে শ্রীরাঘবন পদত্যাগ করেন।

উক্ত শাখার অগ্ন্য সত্যগণ বুঝিলেন যে, পদত্যাগই

জাপানীদের কাম্য; কেননা, তাহা হইলে জাপানের তাঁবেদারগণকে লইয়া সঙ্ঘ পুনর্গঠিত করা যাইবে, আর ইহাতে আজাদ-হিন্দ সঙ্ঘ সম্পূর্ণভাবে জাপানীদের 'পুল্লিকা' হইবে। এই সকল বিবেচনা করিয়া আর কোন সভাই পদত্যাগ করিলেন না।

এরূপ শোনা যায় যে, শ্রীরাসবিহারী বসুর কার্যকলাপ এবং নেতৃত্বে যোগ্যতার অভাব ঘটিয়াছে, এরূপ ধারণা ভারতীয়গণের মনে বদ্ধমূল হইয়াছিল। উৎসাহের অভাবও পরিলক্ষিত হইতেছিল। ১৯৪৫ সালের এপ্রিল মাসে সিঙ্গাপুরে আর একটি প্রতিনিধি-সম্মেলন হয়। ইহাতে পূর্ব-এসিয়ার সমস্ত দেশের ভারতীয় প্রতিনিধিবৃন্দ উপস্থিত ছিলেন। এখানে কার্যকলাপের কঠোর সমালোচনা করা হয়। এই সভায় শ্রীরাসবিহারী বসু জানান যে, শ্রীস্মৃতিচক্র বসু আসিতেছেন এবং আন্দোলনের গুরু দায়িত্ব-ভার তাঁহার হায়ে একজন যোগ্যতম জননেতার উপর অর্পিত হইলে তিনি পদত্যাগ করিতে সম্মত আছেন।

১৯৪৩ সালের ২০শে জুন শ্রীযুক্ত হাসান নামক এক মুসলমান যুবকের সঙ্গে স্মৃতিচক্র সাবমেরিণ যোগে জাপানে উপস্থিত হন। ২রা জুলাই তারিখে তিনি সিঙ্গাপুরে পৌঁছেন এবং ৪ঠা জুলাই আহৃত এক প্রতিনিধি-সম্মেলনে সর্ব-সম্মতিক্রমে আজাদ-হিন্দ সঙ্ঘের 'নেতাজী' অর্থাৎ সভাপতি নির্বাচিত হন এবং সকল আন্দোলনের দায়িত্ব গ্রহণ করেন। শ্রীরাসবিহারী পদত্যাগ করেন।



বাংলার তথা ভারতের একজন জনপ্রিয় কংগ্রেস-নেতাকে লাভ করিয়া আজাদ-হিন্দ সজ্জ এবং তৃতীয় বাহিনী নবপ্রাণ-সংগারে চঞ্চল হইয়া উঠিল। ৫ই জুলাই সিল্কাপুরে আজাদ-হিন্দ ফৌজের কার্য-বিবরণী গৃহীত হয় এবং ঐ তারিখে উক্ত বাহিনীর গঠন-সংবাদ প্রকাশ্যভাবে জগতে ঘোষণা করা হইল। উক্ত বিরাট জনসঙ্ঘকে সম্বোধন করিয়া স্মৃতিস্মরণ সেদিন বলিয়াছিলেন.—

“ভারতের স্বাধীনতার সেনাদল! আজ আমার জীবনের সবচেয়ে গর্বের দিন। আজ ঈশ্বর আমাকে এই কথা ঘোষণা করার অপূর্ব সুযোগ এবং সম্মান দিয়েছেন যে, ভারতকে স্বাধীন করার জন্য সেনাদল গঠিত হয়েছে।

হে আমার সতীর্থগণ, সেনাদল! তোমাদের রণকবিতা হোক—‘দিল্লী চলো, দিল্লী চলো!’ প্রাচীন দিল্লীর লাল কেল্লায় বিজয়োৎসব সম্পন্ন না করা পর্যন্ত আমাদের কষ্টব্য শেষ হবে না। মনে রেখো যে তোমাদের মধ্য থেকেই স্বাধীন-ভারতের ভাবী সেনানায়ক-দল গড়ে উঠবে।

আজ আমার জীবনের সবচেয়ে বেশী গর্বের দিন—একথা আমি বলেছি। পরাধীন জাতির পক্ষে স্বাধীনতা-সংগ্রামের সৈনিক হওয়ার চেয়ে বড় সম্মান এবং গৌরবের বিষয় অল্প কিছুই নাই। কিন্তু এই সম্মানের সঙ্গে সমপরিমাণ দায়িত্বও রয়েছে এবং সে দায়িত্ব সন্দেহে আমি সম্পূর্ণ সচেতন।

আমি দৃঢ়তার সঙ্গে ঘোষণা করছি—আলোকে এবং অন্ধকারে, দুঃখে এবং সুখে, পরাজয়ে এবং বিজয়ে আমি

সর্বদা তোমাদের পাশে-পাশে থাকব; বর্তমানে তোমাদের আমি ক্ষুধা-তৃষ্ণা, দুঃখ-কষ্ট, দুর্গম অভিযান এবং মৃত্যু ছাড়া অন্য কিছু দিতে অসমর্থ।”

সুভাষচন্দ্রের নেতৃত্ব গ্রহণের পর হইতে ঘটনাবলী দ্রুত অগ্রসর হইতে থাকে। নারীগণও দলে-দলে আজাদ-হিন্দ সঙ্ঘের সভ্য হইতে থাকে। তাহাদের মধ্য হইতে স্পেচ্ছা-দেবিকা বাছাই করিয়া শ্রীমতী লক্ষ্মীর নেতৃত্বে ‘রাণী অফ্‌ বাঙ্গালী রেজিমেন্ট’ গঠিত হইল। অনেক মহিলা রেড-ক্রসের সভ্য হইলেন। ১৯৪৩ সালের অক্টোবরে সিঙ্গাপুরে এবং পরে রেঙ্গুণেও নারীদিগকে সামরিক শিক্ষায় শিক্ষিত করিবার জন্ত দুইটি সামরিক শিক্ষা-দিওয়ান স্থাপিত হইল।

সুভাষচন্দ্র বাঙ্গালী রাণী-বাহিনীর প্রতিষ্ঠা করেন ১৯৪৩ সালের ২২শে অক্টোবর। ২২শে অক্টোবর ভারতের ইতিহাসে এক স্মরণীয় দিবস। কারণ ১৮৫৭ সালে, প্রথম যে স্বাধীনতা-সংগ্রাম সিপাহী-যুদ্ধ হইয়াছিল, তাহার অধিনায়িকা বাঙ্গালী রাণী লক্ষ্মীবাইএর জন্ম-জন্মদিন হিচ ২২শে অক্টোবর। সুভাষচন্দ্র সেই জন্ত বাঙ্গালী রাণী-বাহিনীর প্রতিষ্ঠা-দিবসও ২২শে অক্টোবর বাছিয়া লইয়াছিলেন।

সুভাষচন্দ্র সেদিন বলিয়াছিলেন, “বাঙ্গালী রাণী-বাহিনীর শিক্ষাকেন্দ্রের উদ্বোধন বিশেষ তাৎপর্যপূর্ণ ঘটনা। পূর্ব-এসিয়ায় আমাদের আন্দোলনের অগ্রগতির পথে ইহা একটি স্মরণীয় কাহিনী। ইহার গুরুত্ব উপলব্ধি করিতে হইলে আমাদের একথা স্মরণ রাখিতে হইবে যে,



উপরে ( বাঁয়ে ) : মেজর জেনারেল শাহ নওয়াজ খান। ( ডাইনে ) : ক্যাপ্টেন  
ডাঃ লক্ষী স্বামিনাথন। মাঝখানে : সুভাষচন্দ্র ও আজাদ হিন্দের অফিসারগণ  
সৈন্য পরিদর্শন করিতেছেন। নীচে ( বাঁয়ে ) : ক্যাপ্টেন গুরুবক্স ধীলন।  
( ডাইনে ) : ক্যাপ্টেন শ্রেয়কুমার সাইগল।



আমাদের আন্দোলন শুধু রাজনৈতিক আন্দোলন নয়, আমরা আমাদের দেশের পুনর্জীবনের মহান কাজে অবতীর্ণ হইয়াছি। আমরা ভারতের জন্য এক নবযুগ আনয়ন করিতেছি। কাজেই আমাদের নূতন জীবনের ভিত্তি হইবে সুদৃঢ়। স্মরণ রাখুন যে, ইহা ঢকা-নিমাদ নয়, আমরা ভারতের পুনর্জীবন আসন্ন দেখিতেছি। এই নবজাগরণ ভারতের নারীদের মনোও স্বাভাবিক।

আজ যে শিক্ষা-শিবিরের উদ্বোধন করা হইতেছে, তাহাতে আমাদের ১৫৬ জন ভগ্নী শিক্ষালাভ করিতেছেন। আমি আশা করি, শোনানে (অর্থাৎ মিজাপুরে) তাহাদের সংখ্যা শীঘ্রই এক হাজার হইবে। থাইল্যান্ড এবং ব্রহ্মদেশেও নারী-শিক্ষা-শিবির স্থাপিত হইয়াছে; কিন্তু শোনানে হইতেছে কেন্দ্রীয় শিবির! আমার বিশ্বাস, এই কেন্দ্রীয় শিবিরে এক হাজার 'বান্দীর রাণী' প্রস্তুত হইবে।"

নেতাজী সুভাষচন্দ্র কেবল নারী-বাহিনী গঠন করিয়াই ক্ষান্ত ছিলেন না, সমগ্র দেশে শুধন সাদীনতার জন্য একরূপ বিপুল চাকল্য চক্ষিত হইল যে, বালক-বাগিনীদের সমন্বয়ে একটি বাল-সেনাদলও গঠিত হইয়া উঠিল। ইহারা আত্মঘাতী সেনাদল হিসাবে কাণ্ড করিত।

ব্রহ্ম-ব্রহ্মণে এই কিশোর-কিশোরীগণ যে অদ্ভুত আয়োত-সর্গের পরিচয় দিয়াছে, তাহা সাদীনতার ইতিহাসে চিরদিনই স্মরণীয় লিখিত থাকিবে।

এই বাল-সেনাদলের প্রধান কাজ ছিল শত্রুর ট্যাঙ্ক ধ্বংস করা। তাহারা নিজেদের পিঠে মাইন বাধিয়া দহসা শত্রুর

ট্যাঙ্কের তলায় শুইয়া পড়িত। ট্যাঙ্কগুলি ধ্বংস হইত বটে, কিন্তু সেই সঙ্গে তাহাদের দেহও চূর্ণ-বিচূর্ণ ও পিষ্ট হইয়া যাইত, এবং তাহাদের নিষ্পাপ সাহসী আত্মা অমর-ধামে চলিয়া যাইত।

১৯৪২ সালে আজাদ-হিন্দ ফৌজে সৈন্য সংগ্রহ করিবার জন্ত আহ্বান জানান হইয়াছিল। অগণিত লোক সৈন্যদলে নাম লিখিয়াছিল, কিন্তু জাপানীদের অস্পষ্ট নীতির ফলে সৈন্যদের শিক্ষাদান-কার্যে বেশীদূর অগ্রসর হওয়া যায় নাই। এইবার সুভাষচন্দ্রের নেতৃত্বে অবস্থা পরিবর্তিত হইল। তিনি স্পষ্ট ভাষায় এই মতামত ব্যক্ত করিলেন যে,—

এই আজাদ-হিন্দ ফৌজই ভাবতবর্ষের প্রতিনিধিদলমূক জাতীয় বাহিনী। জাপানীদের সহিত ইহার কোনরূপ সংশ্রব থাকিলে ইহা বিভীষণ-বাহিনী বলিয়া কুখ্যাত হইবে। ইহার নীতি, কার্যকলাপ ও নেতৃত্ব ভারতীয় দেশ-প্রেমিকগণ-কর্তৃকই চালিত হইবে; কোনরূপ বৈদেশিক কর্তৃত্ব, অথবা একজনও বৈদেশিক সৈন্যকে ভারতভূমিতে স্বীকার করা চলিবে না। জাপানীদের ভারত আক্রমণের অধিকার নাই। জাপানীগণ যদি বলেন যে, তাঁহারা ভারতকে ব্রিটিশ-শক্তির কবল হইতে মুক্ত করিয়া স্বাধীনতা দান করিতে বাইতেছেন, তথাপি আজাদ-হিন্দ ফৌজ তাহাদিগকে অগ্রায় আক্রমণকারী হিসাবেই গণ্য করিবে। ভারতবর্ষকে যদি ব্রিটিশের কবল হইতে মুক্ত করিতে হয়, তবে একমাত্র ভারতের নিজস্ব বাহিনীই তাহা করিতে পারে। জাপানীদের সামরিক কৌশল ও নীতির দ্বারা এই ভারতীয় বাহিনী কখনই চালিত হইতে পারিবে না; জাপানীদের নীতির সহিত ইহার কোনরূপ সংশ্রব থাকিলে ইহা 'পঞ্চম বাহিনী' বলিয়া ইতিহাসে কলঙ্কভাগী হইবে।

এই নীতিগত সুস্পষ্ট ঘোষণার ফলে আজাদ-হিন্দ সঙ্ঘ এবং আজাদ-হিন্দ ফৌজ নবশক্তিতে উজ্জীবিত হইল। দেশপ্রেমিক ভারতীয়গণ এই প্রতিষ্ঠান এবং এই বাহিনীকে সর্ববাস্তুরূপে স্বীকার করিয়া ইহাকে আরও শক্তিশালী করিবার জন্য সকল শক্তি-সামর্থ্য প্রয়োগ করিলেন। মাঝে-মাঝে একটি সামরিক শিক্ষাকেন্দ্র খোলা হইল। ইহাতে পালাক্রমে একই সময়ে ৭০০০ জনকে করিয়া সামরিক শিক্ষাদানের ব্যবস্থা হইয়াছিল। ৭০০০ ব্যক্তি লইয়া একটি দল গঠিত হইত। এইরূপে দলে-দলে স্বেচ্ছা-সৈন্য শিক্ষিত হইতে লাগিল। ভারতীয় বাহিনী ও মন-কমিশন অফিসারগণের মধ্য হইতে উৎকৃষ্ট অফিসার বাছাই করিয়া শিক্ষাদানের ব্যবস্থা হইয়াছিল।

নেতাজী সুভাষচন্দ্রের পরিচালনায় আজাদ-হিন্দ ফৌজ সমগ্র প্রাচ্যখণ্ডে এক বিরাট চাপল্যের ও উদ্দীপনার সৃষ্টি করিল। ভারতীয়গণ স্বেচ্ছা-প্রণোদিত হইয়া অকাতরে অর্থদান করিতে লাগিলেন। অর্থভাণ্ডার, মৈত্রীবাহিনী, নানাপ্রকার জনহিতকর কার্য-কলাপ প্রভৃতি ক্রমশঃ ব্যাপকতা লাভ করায় একটি গভর্নমেন্ট স্থাপনের প্রয়োজনীয়তা অনুভূত হইল।

সুতরাং সুভাষচন্দ্র একটি অস্থায়ী গভর্নমেন্ট গঠন করিলেন। ইহার নাম হইল 'স্বাধীন-ভারত অস্থায়ী গভর্নমেন্ট'। তাঁহাকেই রাষ্ট্রের সর্বপ্রধান অধিনায়ক করা হইল। ইহা ইংলণ্ডের বিরুদ্ধে যুধ্যমান সকল রাষ্ট্র-কর্তৃক স্বীকৃত হইল। ঐ বৎসর ২৫শে অক্টোবর স্বাধীন-ভারত অস্থায়ী গভর্নমেন্ট

যথাযথ নিয়ম ও রীতি অনুযায়ী ইংলণ্ড ও আমেরিকার বিরুদ্ধে যুদ্ধ-ঘোষণা করিল।

আজাদ-হিন্দ সঙ্ঘ ও স্বাধীন-ভারত অস্থায়ী গভর্নমেন্টের কর্মসূত্রে ভারতের নিকটবর্তী কোন স্থানে হওয়া আবশ্যিক বিবেচনায় ১৯৪৪ সালের ৭ই জানুয়ারী উহার কর্মসূত্রে বাৰ্মায় স্থানান্তরিত হয়। বাৰ্মায় স্থানান্তরিত হওয়ার পর হইতে অস্থায়ী গভর্নমেন্টের কার্য-কলাপ আরও ব্যাপক হইয়া উঠিল।

স্বাধীন-ভারত অস্থায়ী গভর্নমেন্ট যথাযথ ভাবে মন্ত্রী নিয়োগ করিয়াই বিভিন্ন রাষ্ট্রিক কার্য চালাইতেন, কাহারও খুসীমত বা নীতিশূন্য ভাবে কিছুই ঘটতে পারিত না। এই সকল মন্ত্রী ছিলেন আজাদ-হিন্দ সঙ্ঘের ভারপ্রাপ্ত মন্ত্রী। রেঙ্গুণই ছিল অস্থায়ী গভর্নমেন্টের রাজধানী এবং প্রধান কর্মসূত্রে। এখানে ১৯টি বিভিন্ন ডিপার্টমেন্ট ছিল। প্রত্যেকটি ডিপার্টমেন্টেরই দীর্ঘমেয়াদে রেকর্ড-বুক্‌স্, নথিপত্র, হিসাব প্রভৃতি বিষয়ের সংরক্ষিত ব্যবস্থা ছিল। যোগ্যতাসম্পন্ন ব্যক্তিগণকেই এই সকল কার্যে নিয়োগ করা হইত। উন্নতন কর্মচারীর নিকট তাঁহাদের জবাবদিহি করিতে হইত।

এই সঙ্ঘের রিয়ার হেড্-কোয়ার্টার্স ছিল দিল্লীপুরে। এখান হইতেই মালয়, সুমাত্রা, জাভা, বোর্নিও প্রভৃতি অঞ্চলের তদারক করা হইত। আজাদ-হিন্দ সঙ্ঘের শাখা কেবল মালয়েই ছিল ৭০টি; মালয়-শাখার সভ্য-সংখ্যা দুই লক্ষেরও উপর; বাৰ্মায় ছিল ১০০টি শাখা, শ্যামে ছিল ২৪টি। ইহা



ছাড়া আন্দামান দ্বীপপুঞ্জ, সুমাত্রা, জাভা, বোর্নিও, নেলিভিস দ্বীপপুঞ্জ, চীন, মাফুকুয়ো এবং জাপান প্রভৃতি স্থানেও ইহার অসংখ্য শাখা এবং অভাবনীয় প্রভাব বৃদ্ধি পাইয়াছিল।

আজাদ-হিন্দ ফৌজের জন্য মৈত্র্য এবং মিথিল সার্ভিসের জন্য অফিসার সংগ্রহ করা হইত; কিন্তু ইহাতে কোন প্রকার জোর-জুলুম ছিল না।

আজাদ-হিন্দ গভর্নমেন্টের অন্যতম সদস্য, শ্ৰী: কংগেল এ. পি. চাটার্জি মুক্তিলাভান্তে কলিকাতায় আসিয়া দেশাশ্রয়-পার্ক সমবেত জনতার সম্মুখে বলিয়াছেন,—

“ব্যত্যেক অফিসার, মৈত্রিক ও যোগ্যসেবক স-ইচ্ছার, নিজের স্বাধীন সম্মতিতে ইহাতে যোগদান করিয়াছেন। এই সংগঠনে কোন প্রাদেশিকতা বা সম্প্রদায়িকতা পর্যাপ্ত একটুক ছিল না। এই সংগঠনে ব্যক্তিগত উন্নতির মানদণ্ড ছিল, শুধু তাহার কর্মদক্ষতা ও যোগ্যতা—সে যেকোন পদক্ষেপই হউক বা যেকোন ধর্মাবলম্বীই হউক না কেন!

সিঙ্গাপুরে যখন একবার টাকা তুলিবার কথা হয়, তখন সেগানকার চেটিয়ার সম্প্রদায় নেতাজীকে বন্দী পাঠাইলেন—তাহারা টাকা দিতে বাজী আছেন, কিন্তু তাহাদের মন্দিরে গিয়া সেজ্ঞ নেতাজীকে বলিতে হইবে।

তখন নেতাজী বলিলেন—সে-কোন ধর্মাবলম্বীই হউক, মানুষ ভগবানকে ডাকিতে পারে; কিন্তু কর্মক্ষেত্রে, রাজনৈতিক ব্যাপারে, দেশের ব্যাপারে ধর্মের সঙ্গে কোন সম্পর্ক নাই। তিনি মন্দিরে যাইতে রাজী আছেন, যদি তাহারা হিন্দু, মুসলমান, খৃষ্টান, শিখ-নির্কির্শেষে সকলকে তাহাদের মন্দিরে যাইতে অনুমতি দেন।

তাহা যদি না দেওয়া হয়, তাহা হইলে তিনি তাঁহাদের টাকা চাহেন না।

তাঁহারা বলিয়া পাঠাইলেন—যাহাকে খুসী তাহাকে লইয়া নেতাজী তাঁহাদের মন্দিরে যাইতে পারেন—তাঁহারা কোন রকম আপত্তি করিবেন না।

সেদিন নেতাজীর সঙ্গে মুসলমান, হিন্দু, খৃষ্টান, শিখ সব জাতীয় অফিসার ও সৈনিক—চেষ্টিয়ার মন্দিরে এসে বসিয়াছিল। সিঙ্গাপুরের ইন্সিহাসে ইহা তিনি প্রথম প্রবর্তন করেন। তাঁহারা আগে সে মন্দিরে হিন্দু ছাড়া কেহ ঢুকে নাই এবং ব্রাহ্মণ ছাড়া কেহ মন্দিরের ভিতরে যাইতে পারে নাই। শুধু তাহাই নহে—মন্দিরের পূজারী ব্রাহ্মণ আসিয়া সকলের কপালে বিভূতি আঁকিয়া দিয়াছিল মায় মুসলমান ও খৃষ্টান অফিসার সর্গমুখ।”

সামরিক শিক্ষাদানের জন্ত নয়টি কেন্দ্র ছিল, সিঙ্গাপুর এবং রেশুনে অফিসার-ট্রেনিংএর জন্ত দুইটি কেন্দ্র ছিল ; কোন কেন্দ্রেই বিভিন্ন সম্প্রদায়ের জন্ত ভিন্ন রকমের ব্যবস্থা প্রবর্তন করা হয় নাই. শিক্ষার্থীগণই পালক্রমে সে ভার গ্রহণ করিয়াছিলেন ; অফিসার ও এন্. সি. ও. গণ হিন্দুস্থানী ভাষায় শিক্ষাদান করিতেন। যুদ্ধে আদেশ-দানের রীতিও ছিল হিন্দুস্থানীতে। এক খাত মাসেরই ২০ হাজার বে-সামরিক ব্যক্তিগণকে শিক্ষাদান করিয়া আজাদ-হিন্দ ফৌজের অন্তর্ভুক্ত করা হইয়াছিল। ইহা ছাড়া, বিভিন্ন অঞ্চল হইতে হাজারে-হাজারে শিক্ষার্থী শিক্ষালাভ করিতে আসিয়াছিল, ইহাদের অনেককেই আজাদ-হিন্দ ফৌজের অন্তর্ভুক্ত করা হইয়াছে।

আজাদ-হিন্দ সঙ্ঘের সমগ্র আন্দোলনে একমাত্র

ভারতীয়গণের অর্থই ব্যয় করা হইত। বাস্তবায় ভারতীয়গণের নিকট হইতে কিছুদিনের মধ্যে ৮ কোটি টাকা সংগৃহীত হইয়াছিল। ১৯৪৫ সালের জানুয়ারী মাসে নব-বৎসরের উপহার হিসাবে ভারতকে মালয় ৪০ লক্ষ টাকা দান করিয়াছিল। আজাদ-হিন্দ ফৌজ নিজ প্রয়োজনের জন্ত যাবতীয় অস্ত্রপাতি গোলাবারুদ নিজ অর্থ দিয়াই ক্রয় করিত।

আজাদ-হিন্দ সঙ্গ ছিল একটি রাষ্ট্রিক প্রতিষ্ঠান। স্মৃতরাং ইহাকে সমাজ-সেবার গুরু দায়িত্বভারও গ্রহণ করিতে হইয়াছিল। যুদ্ধ-পীড়িতদের সাহায্যকল্পে ইহার ভাণ্ডার হইতে অল্প অর্থ ব্যয় করা হইত। মালয়ের শ্রমিকগণ এক সময় চরম দুর্দশায় পড়িয়াছিল; উক্ত সঙ্গ তখন মজুরদিগের জন্ত চিকিৎসালয়, ডাক্তার, ঔষধ, পথ্য, খাণ্ড প্রভৃতি ব্যাপারে প্রচুর অর্থব্যয় করিয়াছে।

কুয়ালানামপুরে ছিল সর্ববাপেক্ষা বৃহৎ সাহায্য-কেন্দ্র। এখানে প্রত্যহ এক হাজারের উপর, নারী, শিশু ও দুর্গত-জনকে নানাবিধ সাহায্য দেওয়া হইত। ইহার মাসিক খরচ ছিল ৭৫ হাজার ডলার।

এই সঙ্গ বাস্তবতে অনেকগুলি দাতব্য চিকিৎসালয় চালাইত, শ্যামেও একটি আধুনিক ধরনের উচ্চাঙ্গের হাসপাতাল খুলিয়াছিল; তা ছাড়া, দুর্গত ভারতীয়গণের বসতি স্থাপনের জন্ত উক্ত সঙ্গ ভূমি-সংগঠনের কার্যও গ্রহণ করিয়াছিল। বিশেষ করিয়া মালয়ের জঙ্গল অপসারিত করিয়া প্রায় ২০০০ হাজার একর জমি বাসোপযোগী করা হইয়াছে।



- ( ৭ ) লেফ্টেন্যান্ট কর্নেল গুলজারা সিং  
 ( ৮ ) " এম্. জেড্. কিয়ানি  
 ( ৯ ) " এ. ডি. লোকনাথন  
 ( ১০ ) " ঈশান কাশির  
 ( ১১ ) " আজিজ আমের  
 ( ১২ ) " শা নওয়াজ—সেনাবাহিনীর প্রতিনিধি  
 ( ১৩ ) মিঃ এ এম্. সহায়—সম্পাদক ( সখীর পদমর্যাদাসম্পন্ন )  
 ( ১৪ ) শ্রীযুক্ত রামবিন্দ্রী বসু—( সর্বোচ্চ পরামর্শদাতা )  
 ( ১৫ ) মঃ করিম গনি  
 ( ১৬ ) শ্রীদেবনাথ দাস  
 ( ১৭ ) মঃ ডি. এম্. গান্  
 ( ১৮ ) মিঃ এ. ইয়েলাপ্পা  
 ( ১৯ ) মিঃ আই. গিবি  
 ( ২০ ) সর্দার ঈশ্বর সিং  
 ( ২১ ) মিঃ এ. এন্. সরকার—আইনবিষয়ক পরামর্শদাতা

}—পরামর্শদাতাগণ

উল্লিখিত ব্যক্তিবর্গকে লইয়া আজাদ-হিন্দ গভর্নমেন্ট গঠিত হইয়াছিল।

আজাদ-হিন্দ ফৌজের মৈনিকগণ কুচ-কাওয়ালের সময় যে সাধারণ সঙ্গীত করিত, তাহা নিম্নে উদ্ধৃত হইল—

কদম্ কদম্ বাডায়ৈ জা  
 খুসীতে গীত গায়ৈ জা  
 এ জিন্দগী হায় কৌন্ কী  
 (তো) কৌম্ পৈ লুটায়ৈ জা ॥

তুঁ শেরে হিন্দ আগে বাঢ়  
 মরণেসে ফিরতি তু ন ডর  
 আশমান তক্ উঠাকে শির  
 প্রোশে বতন্ বঢ়ায়ে জা ॥

তেরী হিন্মত বাচুতি রহে  
 খুদা তেরে গুনতা রহে  
 জেগ সামনে তেরে চড়ে  
 ভেগ থাক্মে মিলারে জা ॥

চলো দিল্লী পুকারকে  
 কোমী নিশান্ সামালকে  
 লাল কিলে পৈ গাড়কে  
 লহরায়ে জা লহরায়ে জা ॥

আজাদ-হিন্দ ফৌজের ভারতে প্রবেশের পূর্বে বার্মার পরিস্থিতি খুব আশাপ্রদ ছিল না। সুভাষচন্দ্রের সর্বাপেক্ষা কৃতিত্ব এই যে, তাঁহারই অনমনীয় নীতির ফলে জাপানীরা ভারত-আক্রমণের নীতি পরিত্যাগ করিতে বাধ্য হয়।

হকোয়াং উপত্যকায় ব্রিটিশের আক্রমণ এবং তাহাদের চিন্দুইন নর্দা অতিক্রমের সম্ভাবনায় জাপানীরা অধীর হইয়া পড়িল। তাহারা ভাড়াহুড়া করিয়া একটা পরিকল্পনা করিয়া ফেলিল। ইফল দখল করার জন্ত অবিলম্বে অগ্রসর হওয়া প্রয়োজন, কিন্তু আজাদ-হিন্দ ফৌজ জাপানীদের ভারত-আক্রমণের অধিকার কিছুতেই স্বীকার করিবে না। সুতরাং সুস্পষ্টভাবে জাপানীদের নীতি ঘোষণা করিতে হইল যে, উহারা কেবল ইফলই দখল করিতে চায়; অতঃপর ভারত-

আক্রমণের সমস্ত সামগ্রিক কাব্য-কলাপ আজাদ-হিন্দ ফৌজের উপর ছাড়িয়া দেওয়া হইবে।

আজাদ-হিন্দ ফৌজ পরিস্থিতি সম্যক বুঝিতে পারিলেন, তথাপি ইক্ষল দখলের যুদ্ধে তাঁহারাই প্রধান অংশ গ্রহণ করিতে মনস্থ করিলেন। ১৯৪৪ সালের ৪ঠা জানুয়ারী আজাদ-হিন্দ ফৌজ আক্রমণাত্মক কার্য্য শুরু করে. এবং ১৮ই মার্চ তাঁহাদের বাহিনী ভারত-ব্রহ্ম সীমান্ত অতিক্রম করিয়া ভারতভূমিতে পদার্পণ করে।

এই বাহিনীতে প্রধানতঃ তিনটি ব্রিগেড ছিলঃ—(১) ‘৴র্নেল শা’ নওয়াজের নেতৃত্বে ৬২০০ সৈন্য লইয়া গঠিত ‘সুভাষ-ব্রিগেড’।

(২) কর্ণেল ইমায়ৎ কয়ানির নেতৃত্বে ‘গান্ধী ব্রিগেড’ ; ইহার সৈন্য-সংখ্যা ২০০০ জন।

(৩) কর্ণেল মোহন সিংএর নেতৃত্বে ‘আজাদ ব্রিগেড’, ইহাতে দুই নম্বর ব্রিগেডের সমান-সংখ্যক সৈন্য ছিল।

ইহা ছাড়া তিন শত বাহাদুর-দলের ফৌজ ছিল ; সাত শত নেসামাত্রক সাহায্যকারীও ইহাদের সঙ্গে ছিলেন। কর্ণেল গুরুপ্রসাদ সিং ধীমনের নেতৃত্বে তিন হাজার সৈন্য লইয়া গঠিত ‘নেহেরু ব্রিগেড’—ইহাদের পিছনে ছিল।

তাঁহারাই মোরাই, কোহিমা ও গ্যাংগা স্থান দখল করিয়া ইক্ষলে উপস্থিত হন এবং ইক্ষল অনরোধ করেন। কিন্তু এই সময় ভীষণ বর্ষা আরম্ভ হইল এবং ইক্ষল আক্রমণ ও অধিকার অসম্ভব হইয়া দাঁড়াইল।

প্রকৃতির এই দুর্যোগময়ী অবস্থায় আক্রমণ পরিহার করা হইল এবং আক্রমণ পরিহারের পর সংযোগসূত্র রক্ষা করা চরু হইয়া পড়িল ; সুতরাং আজাদ-হিন্দ ফৌজ পশ্চাদপসরণে বাধ্য হয়।

অনন্তর আজাদ-হিন্দ ফৌজ কেবল আত্মরক্ষামূলক যুদ্ধে নিপুণ থাকেন। ব্রিটিশ শক্তি যখন দার্মা আক্রমণ করিল, তখন এই বাহিনীর অনেক 'স্টাফ অফিসার' ব্রিটিশ পক্ষে যোগ দেন। ব্রিটিশের হস্তে মিলিটার পতন হইলে যখন পরিকার নোকা গেল যে, জাপানীরা ব্রিটিশ অগ্রসরকে আর বেনীদিন ঠেকাইতে পারিবে না, তখন রেঙ্গুন পরিত্যাগের পরিকল্পনা করা হইল।

১৯৪৫ সালে ২৩শে এপ্রিল জাপানী প্রধান সেনাপতি ও দার্মা-গভর্নমেন্ট রেঙ্গুন ত্যাগ করিল। তাহাদের সহিত একত্রে রেঙ্গুন ত্যাগ করিতে সুভাষচন্দ্রের অস্থায়ী গভর্নমেন্ট অসীকার করিয়াছিলেন।

এই সময় সর্বসাধারণিক শ্রীযুক্ত সুভাষচন্দ্র বহু আজাদ-হিন্দ ফৌজের প্রতি তাঁহার শেষ নির্দেশনামা প্রচার করেন !  
উহা নিম্নরূপ—

আজাদ-হিন্দ ফৌজের অফিসার ও সৈন্যদের প্রতি—

১৯৪৪ সালের ফেব্রুয়ারী মাস হইতে আপনারা যেখানে বীরোচিত সংগ্রাম চালাইয়াছেন এবং এখনও চালাইতেছেন, আজ গভীর বেদনার সহিত আমি সেই



ব্রহ্মদেশ ত্যাগ করিয়া যাইতেছি। ইক্ষল ও ব্রহ্মদেশে আমাদের স্বাধীনতা-সংগ্রামের প্রথম চেফ্টা ব্যর্থ হইয়াছে : কিন্তু উহা প্রথম চেফ্টাই মাত্র। আমরাদিগকে আরও বহু চেফ্টা করিতে হইবে। আমি চির-আশাবাদী। কোন অবস্থাতেই আর্মি পরাজয় মানিয়া লইব না। ইক্ষলের সমতলভূমিতে, আরাকানের অরণ্য-গগলে, ব্রহ্মদেশের তৈলখনি ও অগ্ন্যাগ্ন অংশে শত্রুদের বিরুদ্ধে বীরদের কাহিনী আমাদের স্বাধীনতা-সংগ্রামের ইতিহাসে চির-কাল লিখিত থাকবে।

ইনক্লাব জিন্দাবাদ! আজাদ-হিন্দ জিন্দাবাদ! জয় হিন্দ!

২১শে এপ্রিল,  
১৯৪৫ সাল

{

(দাঃ) সুভাষচন্দ্র বসু

আজাদ-হিন্দ ফৌজের সর্বাধিনায়ক

শ্রীযুক্ত সুভাষচন্দ্র ও তাহার অস্থায়ী গভর্ণমেন্ট ১৯৪৫ সালের ২৪শে এপ্রিল রেশূণ ত্যাগ করিয়া আসেন; কিন্তু ভারতীয়গণের ধন-প্রাণ রক্ষার জন্য মেজর-জেনারেল নোকনাথনের অধিনায়কত্বে দুই হাজার আজাদ-হিন্দ ফৌজের সৈন্য রাখিয়া এবং সঙ্গের সহকারী সভাপতি শ্রীযুক্ত জে. এন. ভাট্টাভীর উপর সঙ্গের সকল দায়িত্বভার অর্পণ কারিয়া চলিয়া আসা হইয়াছিল।

রেশূণ ত্যাগের পূর্বেই স্বাধীন-ভারত অস্থায়ী গভর্ণমেন্টের দেনা-পাওনা পরিশোধ করা হইয়াছিল। জাপানীদের

পশ্চাদপসরণ ও ব্রিটিশ-কর্তৃক পুনরধিকারের সুদীর্ঘ সময়ের মধ্যে রেঙ্গুণে একটিও রাহাজানি বা অণু কোনরূপ বিশৃঙ্খল অরাজক অবস্থা ঘটে নাই।

১৯৭৪ সালের এপ্রিলে রেঙ্গুণে আজাদ-হিন্দ গ্রামিনাল ব্যাঙ্ক প্রতিষ্ঠিত হইয়াছিল। ১৯৪৫ সালের মে মাস পর্য্যন্ত এই ব্যাঙ্ক বাবত্তীয় কাজ-কর্ম চালাইতেছিল। ১৯শে মে ব্রিটিশ সামরিক কর্তৃপক্ষ উহা (আজাদ-হিন্দ গ্রামিনাল ব্যাঙ্ক) অধিকার করিয়া বসে। ফিল্ড-সিকিউরিটি সার্ভিসের কর্তৃপক্ষ ২৮শে মে শ্রীযুক্ত ভাদুড়ীচন্দ্রে গ্রেপ্তার করেন এবং তখন হইতে আজাদ-হিন্দ সঙ্ঘের কার্য-কলাপ বন্ধ হইয়া যায়। তখন হইতেই আজাদ-হিন্দ সঙ্ঘের কর্মীগণ ও তাঁহাদের সহিত সংশ্লিষ্ট ব্যক্তিগণকে দলে-দলে গ্রেপ্তার করা হইতে লাগিল।

বর্তমানে 'আজাদ-হিন্দ গভর্নমেন্ট বিলুপ্ত হইয়াছে এবং জাপানের আত্মসমর্পণের ফলে আজাদ-হিন্দ ফৌজকেও আত্ম-সমর্পণ করিতে হইয়াছে। 'আজাদ-হিন্দ ফৌজের শ্বেনেককেই ভারতে আনিয়া মুক্তিদান করা হইয়াছে। তাঁহাদের কয়েক-জনের বিচার হইতেছে, কাহারও বা বিচার-পর্ব সমাপ্ত হইয়া গিয়াছে।

১৯৪৫ সালের ৫ই নভেম্বর আজাদ-হিন্দ ফৌজের প্রথম তিন জনের বিচার আরম্ভ হয়। ক্যাপ্টেন শানওয়াজ, ক্যাপ্টেন পি. কে. সাইগল ও ক্যাপ্টেন গুরুবক্স সিং মীলনের বিরুদ্ধে যথারীতি চার্জসিট দাখিল করা হইল এবং অবশেষে

কয়েক সপ্তাহ পরিপূর্ণ উত্তেজনার মধ্যে তাঁহাদের এই বিচার-পর্ব শেষ হইয়া গিয়াছে।

ভারতীয় বাহিনীর নিম্নলিখিত সাত জন অফিসারকে লইয়া সামরিক আদালত গঠিত হইয়াছিল।

- (১) মেজর-জেনারেল এ. বি. ব্র্যাকলাও
- (২) ব্রিগেডিয়ার এ. এইচ. হার্ক
- (৩) লেফটেন্যান্ট কর্নেল দি. অর. স্টু
- (৪) " টি. আই. ষ্টিভেনসন
- (৫) " নাসির আলি খান
- (৬) মেজর বি. প্রীতম সিংহ
- (৭) " বনোয়ারীলাল

সরকারপক্ষে মামলা পরিচালনা করিয়াছিলেন অ্যাড-ভোকেট জেনারেল সার এন্. পি. ইঞ্জিনিয়ার ও মেজর ওয়াল্‌স্। সার তেজবাহাদুর সপ্র ও শ্রীযুক্ত ভূলাভাই দেশাই অভিযুক্তদিগের পক্ষ-সমর্থন করিয়াছিলেন।

দিল্লীর লালকেলাকে সংরক্ষিত অঞ্চল ঘোষণা করিয়া তন্মধ্যে সামরিক আদালতের কর্মক্ষেত্র নির্দিষ্ট হইয়াছিল।

ক্যাপ্টেন শা নওয়াজ, ক্যাপ্টেন সাইগল ও লেফটেন্যান্ট দীলন সামরিক আদালতে সম্রাটের বিরুদ্ধে যুদ্ধ করিবার অভিযোগে অভিযুক্ত হইয়াছিলেন। লেফটেন্যান্ট দীলনের বিরুদ্ধে নরহত্যার অভিযোগ এবং অপর দুই জনের বিরুদ্ধে নরহত্যার সহায়তার অভিযোগও আনা হয়।

সামরিক আদালত সাব্যস্ত করিলেন যে, তিন জনই

সম্রাটের বিরুদ্ধে যুদ্ধ করিবার অভিযোগে অপরাধী। ক্যাপ্টেন শা নওয়াজ তুহপরি নরহত্যার সহায়তার অভিযোগেও অপরাধী সাব্যস্ত হইয়াছেন। ক্যাপ্টেন সাইগলকে নরহত্যার সহায়তা ও লেক্টেণ্টান্ট ধীলনকে নরহত্যার অভিযোগ হইতে অব্যাহতি দেওয়া হইয়াছে।

বিচারে সামরিক আদালত তাঁহাদের সকলকেই যাবজ্জীবন দ্বীপান্তর দণ্ডে দণ্ডিত করেন এবং তাঁহাদিগকে চাকুরী হইতে বরখাস্ত করিবার ও তাঁহাদের প্রাপ্য বেতন ও ভাতা বাজেয়াপ্ত করিবার আদেশ প্রদান করেন; কিন্তু সামরিক আদালত-কর্তৃক প্রদত্ত দণ্ড বা রায় জঞ্জীলাট-কর্তৃক অনুমোদিত না হইলে কাব্যকরী হয় না। সুখের বিষয়, জঞ্জীলাট বাহাদুর অফিসারত্রয়ের প্রতি যাবজ্জীবন দ্বীপান্তর দণ্ডের আদেশ মার্জনা করিয়াছেন; শুধু চাকুরী হইতে বরখাস্ত ও ভাতা বাজেয়াপ্তের আদেশই বলবৎ রহিয়াছে

দুঃখের বিষয়, প্রথম বিচার-পর্বের স্থায়ী অপর বিচার-পর্বগুলি শাসকবর্গের দূরদৃষ্টির পরিচায়ক বলিয়া মনে হয় নাই। দৃষ্টান্ত-স্বরূপ বলা যাইতে পারে, আজাদ-হিন্দ ফৌজের অগ্রতম অভিব্যক্ত সৈন্যদল ক্যাপ্টেন রসিদ সাত বৎসর কারাবাসের আদেশে দণ্ডিত হইয়াছেন। তাঁহার এই কর্তার দণ্ডে সমগ্র দেশব্যাপী—হিন্দু-মুসলমান সকলের হৃদয়েই যে ক্ষোভের সঞ্চার হইয়াছে, তাহা আত্মপ্রকাশ করায় স্থানে-স্থানে অতি চরম পরিণতি ও শোচনীয় দুর্ঘটনার সৃষ্টি করিয়াছে। সম্প্রতি ক্যাপ্টেন বুরহানউদ্দিনের

কঠোর দণ্ডের কথা শুনিয়াও সমগ্র ভারতবর্ষ স্তব্ধ হইয়াছে।

পর্যায়ীন ভারতবর্ষের এন বাল্‌বালী অধিবাসীর সম্পর্কে অগাধ স্বাধীন দেশের অধিবাসীগণও যে কি গভীর শ্রদ্ধা পোষণ করেন, তাহা সুপ্রসিদ্ধ জাপানী সাংবাদিক মিঃ হাগিওয়ারায় পির্বািত পাঠ করিলেই স্পষ্ট লক্ষ্যসম হইবে।

ইন্ডনাইটেড প্রেস্ অন্ড্ আমেরিকান প্রতিনিধির নিকট তিনি সুভাষচন্দ্র সম্বন্ধে যে বিবৃতি দিয়াছেন, তাহাতে প্রকাশ যে, ১৯৩৩ খৃষ্টাব্দে ম্যানিলায় এক সাংবাদিক-সম্মেলনে সুভাষচন্দ্র বহু তাঁহার নিজের ও গান্ধীর মতবাদকে একই লক্ষ্যে পৌঁছবার সত্ত্বন্ত পথ বলিয়া বর্ণনা করিয়াছিলেন; বহু একথা সুস্পষ্টভাবে ঘোষণা করিয়াছিলেন যে, তিনি বিশ্বাস করেন, সামরিক ক্রাণ্ট-ক্রাণ্ট, তাঁহার সহকর্মী এবং ভারতীয় জনসাধারণের সঙ্গে উন্নততা সংগ্রাম করিতে ও তাহাদের হৃদয়ে আত্মোত্তম সৃষ্টি করিতে। তাঁহার প্রচেষ্টা হয়ত ব্যর্থ হইতে পারে এবং তাহাদের নৈরাশ্যে শোচনীয় ভাবে হয়ত তাঁহাকে মৃত্যুতে ওইতে পারে, কিন্তু তবুও তিনি বিশ্বাস করেন যে, ভারতের মুক্তি-সংগ্রামের চরম সাক্ষ্যেয় জয় সমস্ত শক্তি-প্রয়োগ আবশ্যিক

মিঃ হাগিওয়ারা বলিয়াছেন, "চারিদিক্ আশি পূর্ব-এশিয়ার বিভিন্ন স্থানে অনুষ্ঠিত সাংবাদিক-সম্মেলনে সুভাষচন্দ্রকে দেখিয়াছি—বেঙ্গলে, ব্যাঙ্ককে, মিলাপুর্বে ও ম্যানিলায়। তাঁহাকে দেখিয়া আমার মনে হইয়াছে যে, তিনি অত্যন্ত তীক্ষ্ণবী।"

সয়ং হিটলার পর্যাণ্ত সুভাষচন্দ্রকে যে সম্মান প্রদর্শন করিয়াছিলেন, তাহাতে স্পষ্টই প্রমাণিত হইয়াছে যে, নীরের মর্যাদা সর্বত্রই স্বীকৃত হইয়া থাকে। তিনি তাঁহার সৈন্য-দিগকে সম্বোধন করিয়া বলিয়াছিলেন, “মনে রাখিও আমি এক ক্ষুদ্র দেশের ‘ফরার’ বা অধিনায়ক, কিন্তু তিনি এক বিশাল দেশের ‘ফরার’। সুতরাং তাঁহাকে তদ্রূপ সম্মান প্রদর্শনে কার্পণ্য করিও না।”

এসমলে ইহা বঙ্গিণে অপ্রাসঙ্গিক হইবে না যে, প্রাচ্য রণাঙ্গনে এসিয়া মহাদেশে তখন ত্রীযুক্ত রাসবিহারী বসু ও ক্যাপ্টেন মোহন সিংএক নেতৃত্বে ভারতের মুক্তিকামী একদল আজাদ-হিন্দ ফৌজ গড়িয়া উঠিতেছিল, সুভাষচন্দ্রের নেতৃত্বে পাশ্চাত্যে ইয়োরোপের রণাঙ্গনেও তখন অপর একদল আজাদ-হিন্দ ফৌজ গঠিত হইয়াছিল। জার্মানগণ তাহাদিগকে “ফ্রী ইণ্ডিয়ান” নামে অভিহিত করিয়াছিলেন।

ভারতীয় যুদ্ধবন্দীদের মধ্য হইতেই এই মুক্তিকামী দৈন্যদল গড়িয়া উঠিয়াছিল। ইহাদের মোট সংখ্যা ছিল ৩,৫০০ এবং ১৫টি কোম্পানীতে বিভক্ত ছিল।

নেতাজী সুভাষচন্দ্র জার্মান গভর্নমেন্টকে সুস্পষ্ট ভাবে এই নির্দেশ দিয়াছিলেন যে, আজাদ-হিন্দ ফৌজকে যেন কেবল ইংরেজ ও আমেরিকানদের বিরুদ্ধেই নিয়োজিত করা হয়, রুশ বা অপর কোন জাতির বিরুদ্ধে যেন তাহাদিগকে ব্যবহার করা না হয়। নেতাজীর এই নির্দেশ অক্ষরে-অক্ষরে প্রতিপালিত হইয়াছিল।

ভারতবর্ষে আজাদ-হিন্দ ফৌজের প্রথম বিচার-পর্বের পূর্ব পর্যন্ত স্বদেশে ও বিদেশে সুভাষচন্দ্র সম্বন্ধে হয় তো বা একটা বিরুদ্ধ অভিমত বর্তমান ছিল! তখন পর্যন্ত কেহ হয় তো মনে করিতেন, সুভাষচন্দ্র এক শত্রুকে বিভাড়িত করিবার জন্য অপর এক বিদেশী শত্রুকে আমন্ত্রণ করিয়া আনিতেছিলেন; সুতরাং জয়চাঁদের সঙ্গেই তিনি তুলনীয়, এবং তাঁহার নৈয়া-বাহিনী বিভীষণ-বাহিনী ছাড়া আর কিছুই নহে। সুভাষের বিষয়, ক্যাপ্টেন শা নওয়াজ, ক্যাপ্টেন সাইগল ও লেফটেন্যান্ট খাঁনের বিচারকালেই প্রমাণিত হইয়াছে যে, সুভাষচন্দ্রের আজাদ-হিন্দ গভর্নমেন্ট ও আজাদ-হিন্দ ফৌজ একেবারেই জাপানের তাবদার ছিল না,—এবং সেইজন্য সুভাষচন্দ্রকে জাপানীদের সঙ্গে অবিরতই দৃঢ় ভাবে ও সুকৌশলে দ্বন্দ্ব করিতে হইয়াছে। সুতরাং আজাদ-হিন্দ ফৌজের বিচারে এইটুকুই দেশবাসীর লাভ।

সমগ্র জগৎ আজ বুঝিয়া লইয়াছে, সুভাষচন্দ্রের প্রায় দ্বিতীয় ব্যক্তি পৃথিবীতে অত্ৰাপি জন্মগ্রহণ করেন নাই। পলায়নের অপমান-পঙ্কিল কালিমার মধ্য হইতে তিনি যে বিজয়-গৌরব অর্জন করিয়াছেন, সেই অনুভূতি আজ পরাধীনতার শৃঙ্খলে আবদ্ধ, জরাজীর্ণ ভারতবর্ষকে স্বাধীনতার সপ্ন-জলুসে মহিমোদ্ভুল করিয়া তাহার লাঞ্চিত নত মস্তকে তারণের কিরাট পরাইয়া দিয়াছে!

## আট বজ্রপাত

নেতাজীর মৃত্যু-সংবাদ-- বিভিন্ন ব্যক্তির শ্রদ্ধাজলি।

হৃৎক্বেম বিষয়, সমগ্র গৌরবের যিনি অধিকারী,—না জানি তিনি আজ কোথায়! জীবিত কি মৃত, এই প্রশ্ন সকলেরই বুকে আজ খুব বড় আকারে দেখা দিচ্ছে! এই অশুভ প্রশ্নের একমাত্র কারণ, বিগত ১৯৪৫ সালের ২৩শে আগস্ট জাপানী নিউজ এজেন্সী সুভাষচন্দ্রের মৃত্যু-সংবাদ ঘোষণা করিয়াছেন।

১৯৪২ সালের মার্চ মাসেও অনুরূপ এক গুজব রটনাছিল তখন প্রকাশ হইয়াছিল যে, 'স্বাধীন-ভারত কংগ্রেসে' যোগদানের জন্ত টোকিও যাইবার পথে সুভাষচন্দ্র বিমান-দুর্ঘটনায় নিহত হইয়াছেন।

মহাত্মা গান্ধীও এই সংবাদে নর্মািত হইয়া সুভাষচন্দ্রের আত্মীয়-সজনের নিকট সমবেদনা-পূর্ণ এক বাণী প্রেরণ করিয়াছিলেন। পরে যখন প্রতিপন্ন হইল যে এই সংবাদ মিথ্যা, তখন মহাত্মা তাঁহার বাণী প্রত্যাহার করেন; কিন্তু এইবার আর জাপানী নিউজ এজেন্সীর সংবাদ সঠিক ভাবে মিথ্যা প্রতিপন্ন হইতেছে না, দেশবাসীর গঞ্জে ইহাই পরম বেদনার বিষয়।

১৯৪৫ খৃষ্টাব্দের ২৩শে আগস্ট তারিখে জাপানী নিউজ এজেন্সী সুভাষচন্দ্র বহুর মৃত্যু-সংবাদ প্রচার করিয়াছেন।



তিনি আকাশ-যান দুর্ঘটনায় আহত হইয়া এক জাপানী হাসপাতালে মারা গিয়াছেন বলিয়া জাপানী নিউজ এজেন্সী জানাইয়াছে।

জাং-গুগুমেণ্টের সহিত আলোচনা করিবার জন্য অস্থায়ী আজাদ-হিন্দ গণসংমেলনের প্রধান কর্তা সুভাষচন্দ্র বসুর ১৯৪৩ সালের ১৬ই আগস্ট তারিখে বিমানযোগে সিঙ্গাপুর পথে টোকিও যাত্রা করেন; ১৮ই আগস্ট বেলা ২টার সময় জাহাজে পিমানক্ষেত্র ত্যাগ বিমানখানি এক দুর্ঘটনায় পরিণত হয় এবং তিনি গুরুতররূপে আহত হন। এক জাপানী হাসপাতালে তাঁহার চিকিৎসা হয়—কিন্তু সেখানে মঙ্গলবারেই তিনি মারা যান। শেকটেয়াণ্ট জেনারেল সুনামাদা চিকিৎসক মুচ্যুথে পরিত্যক্ত হন এবং সুভাষচন্দ্র বসুর এড্‌জুট্যান্ট বেন হবার সহায়ণেও অপর তিন জন জাপানী অফিসার ঠগটনার ফলে আহত হন।

জাপানী সূত্র সুভাষচন্দ্র বসুর সম্পর্কে সবলশেষ সংবাদে ইতঃপূর্বে জানা গিয়াছিল। জাপানীদের বেঙ্গল পরিত্যক্তের শেষ দিনে তিনি বেঙ্গল ত্যাগ করেন এবং তাঁহার গণসংমেলন ব্যাঙ্কে স্থানান্তরিত হয়।

কিন্তু এখনও বহুলোক তাঁহার মৃত্যু-সংবাদ বিশ্বাস করেন না। নিম্নলিখিত কংগ্রেস-কমিটির সভায় সে সমস্ত বিবিস্ট নর-নারী গত অধিবেশনের পর পরলোক গমন করিয়াছেন, শোক-প্রকাশের জন্য তাঁহাদের নামের দীর্ঘ তালিকার মধ্যেও সুভাষচন্দ্র বসুর নাম ছিল না। ইহা দেখিয়া জনৈক সদস্য ঐ

বিষয়ে প্রশ্ন করিলে সভাপতি বলেন—“সুভাষবাবুর নাম অন্তর্ভুক্ত না করার কারণ এই যে, তাঁহার মৃত্যু-সংবাদ এখনও নিশ্চিতরূপে সমর্থিত হয় নাই। প্রকৃত সংবাদের অভাবে কাহারও মৃত্যুতে শোক প্রকাশ করা ভাল দেখায় না।”

সত্য হটক, মিথ্যা হটক, কাহারও মৃত্যু-সংবাদে পরম শত্রুও মিত্ররূপ ধারণ করিয়া অশ্রু-নিসর্জজন করে। মৃত্যুর হস্তস্পর্শে সমস্ত বিদ্বেষ ও শত্রুতা, বিভেদ ও কলহ—কোথায় দূরে সরিয়া যায়! দুর্বল মানব-প্রাণ মৃত ব্যক্তির মঙ্গল-লাভের জন্য হাহাকার করিয়া কাঁদিয়া উঠে। এইটি চিরন্তন সত্য!

সুভাষচন্দ্র চলিয়া গিয়াছেন; আজ তাঁহার জগৎ সমগ্র দেশ শোকে অভিভূত!

তাঁহার মৃত্যুতে পণ্ডিত জগদহরলাল নেহেরু বলিয়াছেনঃ—“আমি আমার এই পুত্রাতন এবং সাহসী সহ-কর্মীর মৃত্যু-সংবাদে স্তম্ভিত হইয়াছি। ভারতের প্রতি তাঁহার ভালবাসা কাহারও অপেক্ষা কম নহে। ভারতের এই মহৎ সম্ভ্রানের সহিত ঘনিষ্ঠভাবে মিলিবার সুযোগ আমার ১৯২০ খৃষ্টাব্দ হইতে হইয়াছিল এবং তাঁহার প্রতি আমার গভীর শ্রদ্ধা ছিল। ভারতের প্রতি তাঁহার অগাধ ভালবাসা এবং উদ্দেশ্যের সাধুতা সন্দেহের অতীত।”

সর্দার বল্লভভাই প্যাটেল বলিয়াছেনঃ—“ভারতের শ্রেষ্ঠ বীর সম্ভ্রান এবং দেশহিতব্রতীদের অগ্রণী সুভাষচন্দ্র বঙ্গর ঘটনাবল্ল জীবনের আকস্মিক অবসানে সমগ্র দেশ গভীর

শোকে আচ্ছন্ন হইয়াছে। এমন কিছুই নাই, বাহা তিনি স্বাধীনতা-সংগ্রামের জন্য উৎসর্গ করেন নাই।”

শ্রীমতী সরোজিনী নাইডু বলিয়াছেন :—সুভাষ যুত ; বলবর্গে চিত্রিত, অদ্বুত এবং ঘটনাবল্লল জীবন-নাট্যের শেষ বিয়োগান্ত দৃশ্য অভিনীত হইয়া গেল ! বল নর-নারীর নিকট তাঁহার মৃত্যু জাতীয় ক্ষতি নহে, পরন্তু ব্যক্তিগত শোকানহ ঘটনা ! তাঁহার উদগ্র গর্ভিত এবং প্রবল মনোবৃত্তি কোষযুক্ত জলন্ত তরবারির মত দেশরক্ষায় নিযুক্ত ছিল। তাঁহার জীবন ও মৃত্যু স্বাধীনতার বেদীমূলে বলিদান ভিন্ন অণু কিছুই নহে। তিনি তাঁহার দেশ ও দেশের লোকের জন্য জীবন বিসর্জন দিয়াছেন—ইহা অপেক্ষা মহত্তর ভালবাসা আর কিছুই হইতে পারে না।”

পট্টভি সীতারামিন্দ্র! বলিয়াছেন :—“সুভাষ বাবুর মৃত্যু-সংবাদ আমাকে স্তম্ভিত করিয়াছে। ভারতের মুক্তির জন্য তিনি নিজের পদ নিজে বাছিয়া গিয়াছিলেন ; উচ্চতম তিনি তাঁহার কংগ্রেস-সহকর্মীগণের নিকট কম শ্রিয় নহেন ! যুদ্ধক্ষেত্রে তাঁহার অবস্থা পরিষ্কার হইবার জন্য সকলেই ব্যাকুল ছিলেন। যদি তিনি মৃত্যুমুখে পতিত হইয়া থাকেন, তবে সেই ব্যাকুলতা দেশব্যাপী গুণ্ড-বন্যায় তলাইয়া যাইবে ! যদি তিনি জীবিত থাকেন, তবে তাঁহার চতুর্দিকস্থ জ্যোতির্ময়গুল গভীর ও উজ্জ্বল হইয়া দেখা দিবে।”

ডক্টর রাজেন্দ্রপ্রসাদ বলিয়াছেন :—“তাঁহার মৃত্যু দেশের পক্ষে একটি বিরাট দুর্ঘটনা। তাঁহার মত লোক কদাচিত্

জন্মগ্রহণ করেন এবং যখন তাঁহারা চলিয়া যান, তখন সেই শূন্যস্থান সহজে পূর্ণ হয় না।”

খাঁ আবদুল গফুর খাঁ বলিয়াছেন :—“আমার পুরাতন সহকর্মী মিঃ সুভাষচন্দ্র বঙ্গের মুতুতে আমি শোকাহত হইয়াছি। আমরা উল্লেখ্য কংগ্রেস সঞ্চালকিং কমিটির পদস্থরূপে একসঙ্গে কাজ করিয়াছি এবং তিনি ভারতের মঙ্গল এবং উন্নতির জন্য যত্ন করিয়াছেন, উজ্জয় আমি তাঁহাকে প্রকাশ করি।”

ডক্টর শ্যামাপ্রসাদ মুখোপাধ্যায় বলিয়াছেন :—“সত্যই যদি সুভাষচন্দ্র বঙ্গের মুতু হইয়া থাকে, তবে এই সংবাদ ভারতের সর্বত্র গভীর দুঃখের সাহিত্য গৃহীত হইবে। দেশের স্বাধীনতার জন্য তিনি যথাসর্বদম ত্যাগ করিয়াছিলেন।”

এস. কে. পাটিল বলিয়াছেন :—“এই মুতু-সংবাদে সমগ্র দেশে শোকাচ্ছায়া ছড়ালিয়া পড়িয়াছে। দুর্গটনার মধ্যে আমাদের বর্তমান কালেও শ্রেষ্ঠ দেশ-সেবকের ব্যতিক্রম্য জীবনের অবদান হইল। তিনি তাঁহার জীবনে যাহা কিছু করিয়াছেন, সবই দেশপ্রেমে উদ্ভূত হইয়া করিয়াছেন।”

কিরণশঙ্কর রায় বলিয়াছেন :—“এখন তিনি (সুভাষচন্দ্র) ইতিহাসের অন্তর্ভুক্ত। তথাপি ভারতের প্রত্যেক গৃহে গভীর দুঃখ এবং শোকের ছায়া নিপতিত হইবে।”

স্বামী সহজানন্দ বলিয়াছেন :—“সুভাষচন্দ্রের অকাল-মৃত্যুর কথা শুনিয়া আমি গভীর ভাবে শোকাচ্ছন্ন হইয়া পড়িয়াছি। দীর্ঘকাল ব্যাপী তাঁহার সাহচর্যে আমার বিশ্বাস

হইয়াছে যে, তিনি সর্বশ্রেষ্ঠ স্বদেশপ্রেমিক। তাঁহার সমগ্র জীবন মাতৃভূমির স্বাধীনতার জন্য কঠোর তাগের নিদর্শন।”

পাণ্ডিত গোবিন্দবল্লভ পুর বলিয়াছেনঃ—“বেদেশিক শাসন হইতে মাতৃভূমিকে মুক্তিদানের অঙ্গস্বরূপ মনোবৃত্তি দ্বারা সুভাষচন্দ্র গঠিত হইলেন। ইহা একটি মাত্র উদ্দেশ্য দ্বারা প্রবেদিত হইয়া তিনি স্বীকৃতপথে অগ্রসর হইয়াছিলেন। তাঁহাদের স্বাধীনতা-আন্দোলনের সময় হাতে হাতে সুভাষচন্দ্র একটি বিশিষ্ট স্থান অধিকার করিলেন।”

শ্রীমতী কমলাদেবী চট্টোপাধ্যায় বলিয়াছেনঃ—“ওপরিহার্য কারণে সুভাষচন্দ্র যখন এই মাতৃভূমি দেশের স্বদেশ-প্রকাশ করিলেন, তাহার প্রসাহিতিক মনোবৃত্তি তাৎক্ষণিকভাবে স্বাধীনতার জন্য অবিচল অনুরাগে তিনি একমুখীভাবে কামিয়াছিলেন এবং তাহাই তাঁহার স্বদেশের স্বাধীনতার পথপরিণেপ করিতে।”

শ্রীমদ্রাজেশ্বরী মাস্টারী বলিয়াছেনঃ—“সুভাষচন্দ্র নিজের উন্নতিস্বরূপ জীবন পরিহার করিয়া দেশের স্বাধীনতার কার্যে ব্যয়-ইচ্ছা পাড়িলেন। তাহার দুঃ-সংবাদে সমগ্র জাতি শোক-সামরে নিমগ্ন। যে উদ্দেশ্যে তিনি আত্ম-বিসর্জন দিয়াছেন, একাদন তাহা জয়যুক্ত হইবে এবং দেশ-পদা তাহার দীর্ঘময় আত্মত্যাগের মূল্য দিতে সক্ষম হবে।”

শ্রীযুক্ত বিশ্বনাথ দাস বলিয়াছেনঃ—“আমি স্বদেশ-প্রেমিক আত্মার শোচনীয় পরিণামে শোক প্রকাশ করিতেছি।

তিনি নিজের বৈশিষ্ট্যপূর্ণ উপায়ে ভারতের স্বাধীনতা লাভের চেষ্টা করিয়াছিলেন। তাঁহার স্বার্থত্যাগ ও স্বদেশপ্রেমে তাঁহার প্রতি আমাদের বরাবর একটা শ্রদ্ধা ছিল। বসু-পরিবার অনেক ক্ষতি স্বীকার করিয়াছেন ; আমি তাঁহাদের এই ক্ষতিতে আমার সমবেদনা জ্ঞাপন করিতেছি।”

শ্রীমতী লাবণ্যপ্রভা দত্ত বলিয়াছেন :—“ভারতের শ্রেষ্ঠ স্বদেশপ্রেমিক সম্ভান সুভাষচন্দ্র বসুর এইরূপ আকস্মিক ভাবে মৃত্যুর সংবাদে আমরা এরূপ শোকাভিভূত হইয়াছি যে, তাহা হইতে মুক্তিলাভ সুকঠিন। এইরূপ মৃত্যু বাস্তবিক শোকাবহ। ভারতের স্বাধীনতা-সংগ্রামের ইতিহাসে তাঁহার জীবন-বৃত্তান্ত একটি প্রয়োজনীয় অধ্যায়রূপে পরিগণিত হইবে।

ডক্টর পি. এন্. ব্যানার্জী বলিয়াছেন :—সমগ্র দেশ মাতৃভূমির অনুরক্ত সেবকের বিয়োগান্ত পরিসমাপ্তিতে শোক প্রকাশ করিবে।”

শ্রীযুক্ত হরেকৃষ্ণ মহতাব্ বলিয়াছেন :—“মিঃ বসুর মৃত্যুতে সমগ্র ভারত শোক প্রকাশ করিবে। তাঁহার আত্মত্যাগ, মাতৃভূমির স্বাধীনতার জন্ম জ্বলন্ত আগ্রহ, তাঁহার অসামান্য সজ্ব-গঠনশক্তি—এই সমস্ত দেশের যুবকগণের সম্মুখে চিরকাল আদর্শ-স্বরূপ অবস্থিতি করিবে।”

অধ্যাপক এন্. জি. রঙ্গ বলিয়াছেন :—“ভারতে যে সমস্ত বীর জন্মগ্রহণ করিয়াছেন, সুভাষ তাঁহাদের মধ্যে শ্রেষ্ঠ। তাঁহার সাহস এবং অধ্যবসায় তাঁহার মহত্বের প্রমাণ।”

পুরুষোত্তম দাস ট্যাগুন বলিয়াছেন :—“সুভাষচন্দ্র বঙ্গের মৃত্যু-সংবাদে ব্যথিত হইয়াছি। আমাদের জন্মভূমি তাঁহার শ্রেষ্ঠ বীর সম্মানকে হারাইলেন।”

অনুগ্রহ-নারায়ণ সিংহ বলিয়াছেন :—“দেশের প্রতি সুভাষচন্দ্র বঙ্গের ভালবাসা এবং দেশের স্বাধীনতার জন্য তাঁহার অসীম উত্তমের কথা সর্গাঙ্করে লিখিত থাকিবে : ভবিষ্যৎ বংশধরগণ বিস্ময়-পরিপ্লুত হৃদয়ে তাঁহার জীবনের রোমাঞ্চকর কাহিনী ও তাঁহার স্বদেশপ্রেমের নিবরণ পাঠ করিবে, সন্দেহ নাই।”

প্রতাপচন্দ্র গুহরার বলিয়াছেন :—“সমগ্র দেশ সুভাষ-চন্দ্রের অকাল-মৃত্যু-সংবাদে শোকাহত হইয়াছে। তিনি ভারতের শ্রেষ্ঠ দেশপ্রেমিক। ভারতের স্বাধীনতার জন্য জন্ম-ইচ্ছা লইয়া তিনি দেহত্যাগ করিয়াছেন।”

জগৎনারায়ণ লাল বলিয়াছেন :—“তাঁহার কঠোর দেশ-সেবা, মহৎ আদর্শবাদ, সর্নোপরি আত্মোৎসর্গ ভারতের জাতীয়তার ইতিহাসে পুরুষানুক্রমে চলিতে থাকিবে।”

নয়

## সুভাষ-স্মরণে

সুভাষ-দিবস—সুভাষ-জন্মোৎসব—স্বাধীনতা-দিবস—মেজর-  
জেনারেল শ্যামগোপালের কলিকাতায় আগমন—ভাবের বহা।

সুভাষচন্দ্রের মৃত্যু-সংবাদে ভারতের বিভিন্ন স্থানে ‘সুভাষ-  
দিবস’ প্রতিপালিত হইয়াছে। বোম্বাই প্রথমে ‘সুভাষ-দিবস’  
প্রতিপালনে অগ্রণী হইয়াছিল।

সেদিন বিভিন্ন বিদ্যালয়ের ছাত্রগণ সুভাষচন্দ্রের প্রতি  
শ্রদ্ধা জ্ঞাপনার্থ ক্লাসে অনুপস্থিত ছিল। জি. আই. পি.  
রেলওয়ের কারখানায় যে সমস্ত কর্মচারী সকালবেলা কাজ  
করিতে আসিয়াছিল, প্রাহারা কাজ না করিয়াই গৃহে ফিরিয়া  
গেল। ছয়টি মিল বন্ধ ছিল, শহরের বাজারও বন্ধ ছিল।

২৪শে আগস্ট তারিখে কলিকাতায় কলেজ স্ট্রীট মার্কেট-  
স্থিত বঙ্গীয় প্রাদেশিক কংগ্রেস-কর্মিদলের অ্যাসোসিয়েশন-  
গৃহে ‘হাফ-মার্ট’ করিয়া জাতীয় পতাকা উত্তোলিত হইল।  
সেদিন বহু বিদ্যালয়ের ছাত্রগণ ক্লাসে যোগদান করে নাই,  
বড় বাজার ও কলেজ স্ট্রীটে দোকান-পাট বন্ধ ছিল। অপরাহ্নে  
বহু ছাত্র রাস্তায় জাতীয় সঙ্গীত গান করিতে-করিতে শোভা-  
যাত্রা করিয়াছিল।

‘ইণ্ডিয়ান সোস্যালিস্ট ফুডেণ্টস্ বুরো’-অফিসে শোকসভা  
অনুষ্ঠিত হয়। বেঙ্গল প্রভিন্সিয়াল মারোয়ার্ডী ফেডারেশন  
অফিস বন্ধ করা হয়। বিদ্যাসাগর কলেজের ছাত্রগণ ক্লাস



হইতে বাহির হইয়া আসে এবং ২৫শে আগস্ট তারিখে শোক-সভায় 'স্মৃতি-দিবস' প্রতিপালন করে। যাদবপুর কলেজ অফ এঞ্জিনিয়ারিং অ্যান্ড টেকনোলজির ছাত্র ও শিক্ষক-গণ সম্মিলিত ভাবে এক সভায় নেতাজী স্মৃতিস্মরণের মৃত্যুতে দুঃখ প্রকাশ করেন।

লক্ষ্মী, দিল্লী, ঝরাটী, রাওয়ালপিন্ডি, সুরাট, পুণা সিটি, কাণপুর, আমেদাবাদ, এলাহাবাদ, পাটনা, লাহোর, নাগপুর, ওয়ার্দা, কটক, জব্বলপুর, শান্তি-নিকেতন, বাঙ্গালোর, সিমলা, ঢাকা প্রভৃতি স্থানে ছাত্রগণ স্মৃতি-দিবস প্রতিপালন করিয়াছে। বহু স্থানে পূর্ণ হরতাল অনুষ্ঠিত হইয়াছিল। এতদ্বিধা নানা স্থানে সভা-সমিতির অনুষ্ঠান হয় ও শোভাযাত্রা করিয়া সকলে মৃত ব্যক্তির প্রতি শ্রদ্ধা জ্ঞাপন করে।

ইহার কয়েক মাস পরে, ১৯৪৬ সালের জানুয়ারী মাসে সন্ত মুক্তিপ্রাপ্ত শা নওয়াজ খাঁর কলিকাতায় আগমন ও নেতাজী স্মৃতিস্মরণের জন্মোৎসব উপলক্ষে, কলিকাতা মহানগরীর বৃক্ক আনন্দের যে বিপুল উচ্ছ্বাস বহিয়াছিল, সমগ্র পৃথিবীতেই তাহার তুলনা বিরল।

শা নওয়াজ খাঁ কলিকাতায় আসেন ২২শে জানুয়ারী; ২৩শে জানুয়ারী ছিল নেতাজী স্মৃতিস্মরণের জন্মোৎসব-দিবস; এবং ২৬শে জানুয়ারী ছিল ভারতের স্বাধীনতা-দিবস।

এই কয়েকটি ঘটনাকে কেন্দ্র করিয়া সমগ্র মহানগরী সেদিন আনন্দে উদ্বেল হইয়া উঠিয়াছিল। নেতাজীর বিগ্ধত্ব অনুচর, পরম ভক্ত ও দুর্দর্শ বীর শা নওয়াজ খাঁ কলিকাতায়

পদার্পণ করিয়াই সর্ববাগ্রে নেতাজীর গৃহে উপস্থিত হইলেন ; তারপর নেতাজীর ক্ষুদ্র কক্ষে প্রবেশ করিয়াই তিনি যে দৃশ্যের সৃষ্টি করিয়াছিলেন, আজও তাহা মনে হইলে নয়ন-যুগল হইতে যেন গঙ্গা-যমুনার পুণ্য-প্রবাহ নামিয়া আসে !

সুসাহিত্যিক শ্রীমুক্ত বিজয়রত্ন মজুমদার মহাশয় তাঁহার অমর লেখনী-নিঃসৃত স্বর্ণাক্ষরে তাহা যে ভাবে গাঁথিয়া রাখিয়াছেন, আমরা তাহারই নামান্ত্র কিছু অংশমাত্র পাঠক-পাঠিকাঙ্গিকে উপহার দিতেছি ।—

“সেই কক্ষ । এই কক্ষ-সন্নিধানে সেদিনও জনতা জমিত, আজও জনতা অপেক্ষমান ! কেদারার উপরে স্মৃতিষের সেই ছবিখানি !

শা নওয়াজ খাঁ ভদ্র ও ভাল মানুষটির মত সিঁড়ি দিয়া উঠিলেন, তারপর গৃহে প্রবেশ করিয়া সেই ছবি—তাঁহার নেতাজীর সেই ছবিখানি সবলে বুকে চাপিয়া ধরিয়া, সে কি বালকের কান্না ! সে কি নারীর ক্রন্দন ! কোথায় ছিল এত জল ? পাষাণের তলে সাগরের উচ্ছ্বাস কত দিন ছিল, লুকানো ; কতকাল ছিল, গোপনে ? অবরোধে ? কে উন্মুক্ত করিয়া দিল অশ্রুর উৎস ?

স্মৃতিষের সেই শয্যা ! শা নওয়াজ খাঁ বাটের নীচে জানু পাতিয়া শয্যায় মুখ লুকাইলেন ; চোখের জলে চাঁদর ভিজিল ; উপাখান সিক্ত হইল ।—

মেজর-জেনারেল শা নওয়াজ তখনও চাঁদরে মুখ ঘসিতেছেন, আর অতি মৃদু, অতি ধীর, অপরাধীর কণ্ঠে

বলিতেছেন. “নেতাজী, আমি পারি নাই; নেতাজী, আমি পারি নাই ( I have failed ! I have failed ) ! নেতাজী, আমায় ক্ষমা করুন. আমি পারি নাই, আমি পারি নাই !”

নেতাজীর নিকট শ্রী নওয়াজ খাঁ ও সমগ্র আজাদ-হিন্দ ফৌজ একদিন স্বাধীনতার যে ব্রত উদ্‌যাপনের জগা প্রতিজ্ঞাবদ্ধ হইয়াছিলেন. তাহারই ব্যর্থতা স্মরণ করিয়া, কত ট্যাঙ্ক ও মেশিনগান-বিজয়ী মেজর-জেনারেল শ্রী নওয়াজ খাঁর বীর-হৃদয় সেদিন গভীর দুঃখে কাঁপিয়া-কাঁপিয়া ঠিকিত হইয়াছিল !

এ দৃশ্য বর্ণনার নহে, এ দৃশ্য অনুভূতির।

আজাদ-হিন্দ ফৌজের নিকট নেতাজী সুভাষচন্দ্র যে কি ছিলেন এবং কে ছিলেন, এই একটি মাত্র দৃষ্টান্তেই তাহা সুস্পষ্ট হৃদয়ঙ্গম করা যায়।



দশ

## ব্যক্তিত্ব

শর্কর-ত্যাগী—ভেজস্বী—বাগ্মী—পরদ্রুৎখকাতর—বন্ধুবৎসল  
—দতুলন-অদেশ-প্রেম—অদাম্পাদাতিক—চির-অমর ।

সুভাষচন্দ্রের নৈতিক চরিত্রে কখনও কোন কলঙ্কের রেখা পড়ে নাই : তিনি নিষ্কলঙ্ক চরিত্র লইয়া চির-ব্রহ্মচারীর মত পরলোকে প্রস্থান করিয়াছেন ।

সুভাষচন্দ্র দেশ-সেবার জন্ত যে সার্থত্যাগ করিয়া গিয়াছেন, তাহা প্রাচীন যুগে ভীষ্ম এবং ঐতিহাসিক যুগে রাণা প্রতাপের মতবে পারদূট হয় : তিনি ইচ্ছা করিলে গভর্ণমেন্টের উচ্চপদে অধিষ্ঠিত থাকিয়া সাধারণ বাঙালী জীবনের ভোগ-সুখে কাগাতিব্যস্ত করিতে পারিতেন : নবীন যৌবন, সুন্দর-শোভা আকৃতি, পাণ্ডিত্য, অখোপার্জনের সুযোগ-সুবিধা—তিনি সমস্তই দেশ-মাতৃকার হোমাননে আত্মত্যাগ দিলেন ।

তাহার এই ত্যাগের কথা পর্যালোচনা করিলে শুধু দেশ-মহারাজ দিলীপের প্রাতি সিংহের উক্তি মনে পড়ে—

“একাতপত্রং ভগতঃ শত্ৰুভ্যম্  
নবং বয়ঃ কান্তমিদং বপুষ্ট ।  
অনন্তং হতোর্বহু হারুমিচ্ছন্  
বিচারমুচঃ প্রাতিভাসি মে ভম্ ॥”

সিংহ যেখন মহারাজ দিলীপকে “বিচারমুচ” বন্দীয়া তিরস্কার করিয়াছিল, সাধারণ লোকও হয়ত সুভাষচন্দ্রকে ঠিক

সেইরূপ মনে করিবে। কিন্তু মহৎ যাঁহার উদ্দেশ্য, ক্ষুদ্রে তাঁহার তৃপ্তি কোথায়? “নাগ্নে স্বখমস্তি।”

সেইজন্য মহামানবেরা আত্মস্বপ্নের প্রয়াসী হইতে পারেন না—সুভাষচন্দ্রও পারেন না। আই. সি. এন্স. পরীক্ষায় চতুর্থ স্থান অধিকার করিয়াও তিনি দাস-মনোবৃত্তির বশীভূত হইতে পারিলেন না—হেলায় আই. সি. এন্স.-পদ পরিত্যাগ করিয়া অসহযোগ-আন্দোলনে যোগদান করতঃ কারাবাস ও নিববাসনের দুঃখ-কষ্ট মাথায় তুলিয়া লইলেন।

সুভাষচন্দ্রের চরিত্রের মহৎ গুণ তেজস্বিতা। জীবনের প্রথমভাগে প্রেসিডেন্সী কলেজে যে এগিস্কুলিঙ্গ খ্যাতপ্রকাশ করিয়াছিল, পরবর্তী জীবনে তাহাই কংগ্রেসে মহাত্মা গান্ধীর আপোষ-নীমাংসাকে অসার মনে করিয়া মহাত্মার বিরুদ্ধাচরণেও কুণ্ঠিত হয় নাই এবং দেশের স্বাধীনতার জন্য জীবন পণ করিয়া ভারতীয় জাতীয় বাহিনী পরিচালনায় দাবানলের সৃষ্টি করে।

বক্তৃতা দ্বারা লোককে মুগ্ধ করিবার অসামান্য শক্তি সুভাষচন্দ্রের ছিল। সহজ ও সরল ভাষায় তাঁহার মনোমুগ্ধকর বক্তৃতা শুনিবার মৌভাগ্য যাঁহাদের হইয়াছে, তাঁহারা ই সাশ্রয় দান করিবেন যে, এমন বক্তৃতা করিবার শক্তি খুব কম লোকেরই থাকে।

পরদুঃখে সুভাষচন্দ্রের কোমল হৃদয় কাঁদিয়া আকুল হইত। বহু বচা ও দুর্ভিক্ষ-পীড়িত নরনারীর সেবায় তাঁহার এই চিত্তবৃত্তির পরিচয় পাওয়া গিয়াছে। যুদ্ধকালেও তাঁহার গভীর ভালবাসা ও স্নেহ-প্রবণ হৃদয় বলবীর আত্মবিকাশ করিয়াছে।

আজাদ-হিন্দ ফৌজের অন্তর্গত বান্সীর রাণী-বাহিনীর মধ্যে সর্ববাপেক্ষা বয়োবৃদ্ধা ছিলেন শ্রীযুক্তা চন্দ্রমুখী দেবী। তাঁহার বয়স ৫৪ বৎসর।

ইনি আজাদ-হিন্দ ফৌজে যোগদান করিয়া নার্সের কার্যা গ্রহণ করেন এবং শেষ পর্য্যন্ত ইহাতে ছিলেন। ইনি আজাদ-হিন্দ ফৌজের বিভিন্ন হাসপাতাল এবং এমন কি, সমরক্ষেত্রের কয়েকটি হাসপাতালেও কাজ করিয়াছেন। ইনি বাসীর রাণী-বাহিনীতে সিপাহীর পদে ছিলেন। ইহার তিনটি পৌত্র বালসেনা-দলে যোগদান করিয়াছিল।

নেতাজী সুভাষচন্দ্র এবং আজাদ-হিন্দ ফৌজের সকলেই তাঁহাকে 'মাতাজী' বলিয়া সম্বোধন করিতেন।

'মাতাজী' আনন্দবাজার পত্রিকার ফটো রিপোর্টেরের সঙ্গে আলাপ-আলোচনা-প্রসঙ্গে নেতাজী সুভাষচন্দ্র তাঁহার ফৌজের লোকদের কিরূপ গভীরভাবে ভালবাসিতেন এবং তাহাদের সেবার জন্য দারুণ বোমাবর্ষণের মধ্যেও কয়েক বার কিরূপভাবে নিজের জীবন বিপন্ন করিয়াছিলেন, তাহা ভাবাবেগে বর্ণনা করিয়াছেন।

একরূপ ধরনের একটি দৃষ্টান্ত—যাহা তিনি স্মরণে দেখিয়াছেন—বর্ণনা-প্রসঙ্গে মাতাজী বলেন যে, ব্রহ্ম-রণাঙ্গনে যুদ্ধের শেষ পর্য্যায়ে ব্রিটিশরা একবার রেঙ্গুনে মিয়ান হাসপাতালের উপর বোমাবর্ষণ করে। ইহা কতকটা কার্পেট-বোম্বিংয়ের আয় হইয়াছিল; দুই বর্গ-মাইল স্থান জুড়িয়া বোমা বর্ষিত হয়। ঐ হাসপাতালের অতি নিকটেই মাতাজীর বাসগৃহ ছিল। শত-শত নাগরিক এবং আজাদ-হিন্দ ফৌজ এই বোমাবর্ষণের ফলে আহত হয়। নেতাজী আহতদের দেখিবার জন্য ছুটিয়া যান।

এই সময় মাথার উপর আবার একদল বোমারু বিমান দেখা দেয় এবং ঐগুলি বোমাবর্ষণ করিতে থাকে। নেতাজীর গাড়ীটি একটি বোমার আঘাতে নষ্ট হইয়া যায়; কিন্তু নেতাজী তাহাতে কিছুমাত্র ভীত না হইয়া হাঁটিয়াই ঐ হাস-

পাতাল অভিমুখে অগ্রসর হন : তিনি তথায় উপস্থিত হইলে আহতগণ দারুণ বিপদের মধ্যেও উল্লসিত হইয়া উঠেন।

নেতাজী স্মৃতিচক্রের এই মধুর চরিত্রের জন্ম আকাদ-হিন্দ ফৌজের প্রত্যেকটি সৈন্যও তাহাকে গভীরভাবে ভাল-বাসিত এবং তাঁহার শিক্ষা সকলে অন্তরের সহিত মানিত ও তাঁহাকে ভক্তি-শ্রদ্ধা করিত। মেঃ কর্নেল চাটার্জি তাহার একটি উদাহরণ দিয়াছেন।

তিনি বলিয়াছেন, “ইস্কন হইতে ফিরিবার সময় সৈন্য-দিগকে অনেক দুঃখ-কষ্ট ভোগ করিতে হইয়াছে। এক জায়গায় একটি লোক মরণোন্মুখ হয়। ভাগ্যক্রমে তাহার ভাই তাহার কাছে আসে। অবস্থা দেখিয়া ভাই কাঁদিতে থাকে : তখন সে যোদ্ধা তাহার ভাইকে বলিল—‘তুমি কর্তব্যাহারা হইও না, আমার জন্ম কাঁদিতেছ কেন? আমার দুঃখ হয় এইজন্য যে নিজের কর্তব্য সম্পূর্ণরূপে করিতে পারিলাম না! তুমি আমার কাছে প্রতিশ্রুতি দাও যতদিন বাঁচিবে, ততদিন আমার অসমাপ্ত কার্য সম্পন্ন করিতে চেষ্টা করিবে। নেতাজীকে বলিও—আমি আমার প্রাণ এখানে দিলাম কিন্তু বাঁচনা রহিয়া গেল—তাহা সম্পন্ন করিতে পারিলাম না!’—”

স্মৃতিচক্রের প্রতিভা বলমুখী, যদিও তাহা কেবল দেশের স্বাধীনতা-লাভের উপায়-উদ্ভাবনেই নিরত ছিল। দেশের শিল্প-বাণিজ্যের জন্ম প্রতিষ্ঠিত ‘বেঙ্গল সদেশী লীগ’ দ্বারা তিনি দেশের অর্থনীতিক উন্নতির বিষয়েও মনোনিবেশ করিয়াছিলেন। দর্শনের ছাত্র হিসাবে জগৎকে নূতন কোন মতবাদ প্রদান করাও হয়ত তাঁহার পক্ষে অসম্ভব হইত না; কিন্তু যে দর্শন-শাস্ত্রের চর্চায় তাঁহার জীবন আরম্ভ, সেই বিষয়ের মধ্যে ডুবিয়া থাকিবার অবকাশ তিনি পান নাই—নতুনা আজ পৃথিবী হয়ত সক্রোটস, প্লেটো, অ্যারিস্টটল, কান্ট, হেগেল,

শঙ্কর, রামামুজ প্রভৃতি দার্শনিকগণের মত সুভাষচন্দ্রের নিকট হইতেও জীবনের ব্যাখ্যায় কোন নূতন তত্ত্ব লাভ করিতে পারিত।

সুভাষচন্দ্রের রহস্যজনক অন্তর্দানে তাঁহার অপূর্ব উদ্ভাবনী শক্তির পরিচয় পাওয়া যায়। মোগল-যুগে আওরঙ্গজেবের রাজধানী দিল্লী হইতে মহারাষ্ট্র-সাম্রাজ্যের প্রতিষ্ঠাতা ছত্রপতি শিবাজীর পলায়নের মত সুভাষচন্দ্রের পলায়নও অভিনব কৌশলের পরিচায়ক।

সর্বোপরি সুভাষচন্দ্রের স্বদেশপ্রেম অতুলনীয়। তাঁহার অতি বড় শত্রুকেও স্বীকার করিতে হইবে যে, তাঁহার স্বদেশ-প্রেম জীবনে-মরণে, শয়নে-স্বপনে অবিরাম-গতিতে জল-প্রপাতের বারিরাশির মত উদ্দামবেগে ছুটিয়া চলিত—কোন-রূপ বাধাবিহীন মানিত না। দেশের পরাধীনতায় তাঁহার অন্তরলোকে যে বেদনার স্রব বহুত হইত, তাহাই তাঁহাকে অগ্নি-দগ্ধ বধূপের মত সুদূরের পথে লইয়া গিয়াছিল!

কলিপাইনের স্বাধীনতা-শহীদ জোস্ রিজলের মর্ম্মর-মূর্ত্তিতে সুভাষচন্দ্রের মালাদানের যে মর্ম্মস্পর্শী বিবরণ সাংবাদিক হাসিওয়ারার বিবৃতি হইতে ‘আনন্দবাজার পত্রিকা’ উদ্ধৃত করিয়াছেন, নিম্নে প্রদত্ত সেই বিবরণ পাঠ করিলে স্পষ্টই হৃদয়ঙ্গম হইবে, পরাধীনতার মর্ম্মজ্বালা তাঁহার প্রাণে ছিল কত গভীর—আর যাঁহারা পরাধীনতার শৃঙ্খল মোচন করিতে যাইয়া স্বাধীনতার বেদীগুলো আত্মবিসর্জন দিয়াছেন, তাঁহাদের প্রতিও সুভাষচন্দ্রের হৃদয়ের অন্তস্তলে যে কি বিপুল পরিমাণে শ্রদ্ধা সঞ্চিত ছিল! স্বদেশপ্রেমের সাধক সুভাষচন্দ্রের ইহা এক সবাক্ উজ্জ্বল চিত্র।

“১৯৪৩ সালের নভেম্বর মাস। চমৎকার একটি দিন—  
ম্যানিলার সমুদ্রোপকূলে লুনেটা পার্কে সুভাষচন্দ্র গেলে



জোস্‌ রিজলের মন্মথ-মূর্তিতে মাল্যদান করিতে। এই মূর্তিটি খুবই প্রসিদ্ধ, কেননা জোস্‌ রিজল ছিলেন ফিলিপাইনের শ্রেষ্ঠ দেশপ্রেমিক এবং মুক্তি-সংগ্রামের শহীদ।

মূর্তির পাদদেশে শত-শত ভারতীয়ের এক পিরাট জনতা স্মৃতিস্মরণে ধরিয়া ধরিল। ইহারা সবাই থাকে ম্যানিলা কিংবা তাহার চতুর্পার্শ্ববর্তী অঞ্চলে। জনতা 'জয়-হিন্দ' ধ্বনিতে বসুন্ধে জানাইল তাহাদের অভিনন্দন। কটোগাঁকাররা কটো তুলিবে—বসুন্ধে দাঁড়াইলেন জনতার সঙ্গে।

কটো লওয়া শেষ হইল। বলক্ষণ কাটয়া গেল; তিনি নড়েন না। জনতাও নিস্তরু—গভীর নীরবতার মধ্যে মৌন, অচঞ্চল দৃষ্টিতে রিজলের মূর্তির দিকে স্মৃতিস্মরণে তাকাইয়া রহিলেন।

স্বাধীন ভারতের প্রতীক অঙ্কিত আন্দোলন-হিন্দ পতাকা প্রভাত-সমীরণে ইতস্ততঃ আন্দোলিত, পিরাট মূর্তির পাদদেশে স্মৃতিস্মরণে অর্পিত ফুলের রাশি—এক কথায় সমগ্র অনুষ্ঠানটি উৎসবের রূপ ধারণ করিয়াছিল। সাগ্রহে প্রত্যক্ষমান নীরব জনতার সম্মুখে তিনি সতৃপ্ত নয়নে মূর্তির দিকে তাকাইয়া রহিলেন।

এইরূপ ঘটনায় কেহ-কেহ হয়ত স্মৃতিস্মরণে ভাবপ্রবণ বলিয়া মনে করিবেন; কিন্তু তাহার সহিত কখনও যদি কাহারও আলাপ হইয়া থাকে, তাহা হইলে এইরূপ ধারণা হইবে বলিয়া আমার মনে হয় না। পক্ষান্তরে, আমার বল সহকর্মী আমাকে বলিয়াছেন যে, তাহারা তাহার শাস্ত সমাহিতভাব এবং গভীর চিন্তাশীল ব্যক্তিতে আকৃষ্ট হইয়াছেন। সাংবাদিক-সম্মেলনে তাহার আচরণ ধীর-স্থির অথচ অতীব দৃঢ়। তিনি কদাচিৎ হাসিতেন, কিন্তু হাসিলে মৃত্ত ও মধুর হাসি হাসিতেন। আমার মনে হয় যে, হৃদয়বেগ ও শাস্তমূল্যের মধ্যে তিনি অবিচলিত সাম্য রক্ষা করিতেন।”

বিদেশে ভারতীয়দিগের হৃদয় সুভাষচন্দ্রের প্রতি কি পরিমাণে আকৃষ্ট হইয়াছিল, তাহা জব্বলপুর ক্যাম্প-জেল হইতে সত্তমুল্ক সাওজন ভারতীয় জাতীয় বাহিনীর সৈনিক, এলাহাবাদের বাদসাহীমণ্ডী কংগ্রেস-কমিটির সম্বন্ধনা-সভায় বিগত ৫ই নভেম্বর ( ১৯৪৫ ) সন্ধ্যাকালে বিবৃতিদান-প্রসঙ্গে বলিয়াছেন ।

তঁাহারা বলিয়াছেন, সুভাষচন্দ্রকে স্বর্ণ-পরিমাপে ওজন করা হইয়াছিল । এই স্বর্ণ দক্ষিণ-পূর্ব এসিয়ায় প্রতিষ্ঠিত জাতীয় ব্যাঙ্কের সম্পত্তিরূপে গণ্য হইয়াছিল । কেবল তাহাই নহে, বিদেশে সুভাষচন্দ্র এত গভীর সম্মান ও মর্যাদা লাভ করিয়াছিলেন যে, তঁাহার গলদেশের একটি সামান্য পুষ্পমালাও জনৈক ব্যবসায়ী তঁাহার যথাসর্বস্ব ব্যয়ে, বারো লক্ষ টাকা মূল্যে ক্রয় করিয়া লইয়াছিলেন ! আর কোন এক বক্তৃতা-সভায় নেতাজী সুভাষচন্দ্রের পাদমূলে যে ভক্তির অর্ঘ্য পড়িয়াছিল, তাহার মূল্য সামান্য দু' একশত টাকা নহে—তাহার মূলা আট কোটি টাকা !

দিল্লীর সামরিক আদালতে ক্যাপ্টেন শা নওয়াজ প্রভৃতির বিচারকালে সুভাষচন্দ্রের কতকগুলি টেলিগ্রাম প্রামাণ্য দলিলরূপে গৃহীত হইয়াছিল । সেই সংরক্ষিত টেলিগ্রাম-গুলিতেও সুভাষচন্দ্রের দৃঢ়চিত্ততা ও স্বাধীনতার উদগ্র আকাঙ্ক্ষা মূর্ত হইয়া উঠিয়াছে ।

১৯৪৫ তারিখের অমৃতবাজার পত্রিকা হইতে উক্ত টেলিগ্রামগুলির সংক্ষিপ্ত বিবরণ নিম্নে উদ্ধৃত হইল ।—

“১৯৪৪ খৃষ্টাব্দের ২১শে জুলাই তারিখে সুভাষচন্দ্র বঙ্গ জাপানের প্রধান মন্ত্রী জেনারেল কইসোকে জানাইয়াছেন যে, পূর্ব-এসিয়ার ভারতবাসীরা জাপানের সহিত পাশাপাশি দাঁড়াইয়া জয়লাভ না হওয়া পর্যন্ত যুদ্ধ করিতে কৃতসঙ্কল্প ।

অন্য একখানি টেলিগ্রামে সুভাষচন্দ্র জাপানী-প্রতিষ্ঠিত

স্বাধীন-ব্রহ্মের শাসনকর্তা ডক্টর বা-ম'কে ভারতের স্বাধীনতা অর্জননের জগৎ সংগ্রামে সাহায্য-হেতু অভিনন্দিত করিয়াছেন। ইহাতে তিনি আরও জানাইয়াছেন যে, যে-কোন অবস্থায় আমরা, ভারতীয়েরা—স্বাধীন-ব্রহ্ম ও জাপানের পাশে দাঁড়াইয়া যুদ্ধ করিতে দৃঢ়সঙ্কল্প, যতক্ষণ না আমাদের সাধারণ শত্রু চৰ্ণ হইয়া যায় এবং আমাদের জয়লাভ হয়।

অন্য একস্থানি টেলিগ্রামে সুভাষচন্দ্র জাপানী বৈদেশিক মন্ত্রী সিগামিৎসুর রাষ্ট্রপরিচালনা-নীতি ও কৌশলের প্রশংসা করিয়া বলিতেছেন যে, আমাদের পুরোভাগে দুঃসময় সত্ত্বেও আমরা জাপানের পাশে দাঁড়াইয়া আমাদের সাধারণ শত্রুর বিরুদ্ধে যুদ্ধ করিব, যতক্ষণ না বিজয়লাভ করিতে পারি।”

কিন্তু হতভাগ্য দেশ এই ভারতবর্ষ! নতুবা এত বড় একজন আদর্শ নেতা লাভ করিয়াও আমরা তাঁহাকে হারাইয়া বসিয়াছি! গতবারের জনশ্রুতির মত, এবারও যদি তাঁহার মৃত্যু-সংবাদ অচিরে মিথ্যা প্রমাণিত হয়, তবেই যা কিছু আশা ও আশ্রয়!

সুভাষচন্দ্রের মৃত্যু-সংবাদ অবশ্য অনেকেরই বিশ্বাস করেন না; বিভিন্ন জ্যোতিষীর গণনা যদি সত্য বলিয়া গ্রহণ করা যায়, তাহা হইলেও বিশ্বাস করিতে হইবে যে, এখন তাঁহার মৃত্যু হওয়া অসম্ভব! কিন্তু নানা লোকের নানা বিশ্বাস ও মতবাদ, এবং নানা জ্যোতিষীর নানা ভবিষ্যদ্বাণী কি প্রামাণ্য বলিয়া আঁকড়াইয়া ধাকা যায়? কাজেই সুভাষচন্দ্র আমাদের নাই, তাঁহাকে আমরা হারাইয়াছি, আজ এই কথাগাই যেন সত্য হইয়া বড় বেশী বেদনাদায়ক হইয়া উঠিয়াছে!

আশার মধ্যে শুধু এইটুকু যে সম্প্রতি ভারতের নানাস্থান হইতে গুটিকয়েক সংবাদ রটিতেছে কেহ-কেহ নাকি নেতাজী সুভাষচন্দ্রকে ভারতবর্ষেই বিভিন্ন স্থানে বিভিন্ন অবস্থায় দেখিতে পাইয়াছেন! মার্কিন সাংবাদিকও নাকি

সুভাষচন্দ্রের অগ্রজ শরৎচন্দ্রকে জানাইয়াছেন যে, নেতাজী জীবিত আছেন, ইহাই নাকি মার্কিন গোয়েন্দার অভিমত। যাঁহারা পূর্বেবাক্তরূপ ঘোষণা করিয়াছেন, জানিবা তাঁহাদের সেই ঘোষণার মূল্য কতখানি ! স্মরণ্য আশা ও নিরাশার দ্বন্দ্ব সমগ্র ভারতবর্ষ আজ বিভ্রান্ত ও মুহমান ! সকলেরই মনে এক প্রশ্ন—সুভাষচন্দ্র জীবিত কি মৃত ?

ইহার জবাব দিয়াছেন শ্রদ্ধাম্পদ সাহিত্যিক ও নেতাজী সুভাষচন্দ্রের গুণমুগ্ধ স্তম্ভ শ্রীযুক্ত বিজয়রত্ন মজুমদার মহাশয়। তিনি বলিয়াছেন :—

“সুভাষচন্দ্র জীবিত অথবা লোকান্তরিত, কেহ জানে না ! আই. এন. এর ( Indian National Army—আজাদ-হিন্দ ফৌজ ) দৃঢ় বিশ্বাস, সুভাষচন্দ্র জীবিত ; সুভাষচন্দ্রের দেশ-বাসী মনে করে, পরাধীন ভারতের চির-জাগ্রত খাত্তার মত ভারতের মুক্তিফামী সুভাষচন্দ্র মৃত্যুঞ্জয়ী, অবিদগম।

কিন্তু তিনি জীবিত অথবা মৃত, তাহাতে কিছু প্রাসে যায় না। গ্যারিবল্ডি কি মরিয়াছেন ? শিবাজী কি মৃত ? রাণা প্রতাপসিংহ চিরদিন অমর। জর্জ ওয়াশিংটনের বিনাশ নাই। নেতাজী সুভাষচন্দ্রও চিরজীবী।

শুধু ভারতের নয়, শুধু এশিয়ার নয়, পৃথিবীর যেখানে যে দেশে, যে কোন পরাধীন জাতি আছে, সেই খানেই, সেই দেশে, সেই মানব-সমাজের প্রত্যেকটি নরনারী সুভাষচন্দ্রের নামের পাদমূলে পুষ্পাঞ্জলি দিয়া ধন্য ও কৃতার্থমগ্ন হইবে।”

আমরাও তাঁহাকে ভক্তিপূত হৃদয়ে শ্রদ্ধানত শিরে আমাদের প্রণতি জানাইতেছি এবং তাঁহারই প্রদত্ত অমর বাণীতে তাঁহাকে সাদর সম্ভাষণ নিবেদন করিতেছি—“জয় হিন্দ ! দিল্লী চলো !”

কায়র, তাঁহার সেই দিল্লী-অভিযান আজও তো শেষ হয় নাই !

সমাপ্ত



শিক্ষাবিভাগ কর্তৃক প্রাইজ ও লাইব্রেরীর জন্য অনুমোদিত

(কয়েকখানি ভেলেমেয়েদের ভাল পড়ের বই)

নেতাজী সুভাষচন্দ্র (জীবনী)	১	কাঞ্চনজঙ্ঘা সিরিজ
প্রতাপসিংহ (ভেলেমেয়েদের নাটক)	১০/০	৩
আব্রাহাম লিঙ্কন	১	শ্রহেলিকা সিরিজ
ছোঃ শাহনামা	১	ডিটেক্টিভ শিক্ত-উপগ্রহ
বাণী (মেয়েদের নাটক)	১০/০	রাতের অতিথি
জীবজগতের আজব কথা	১১/০	সপ্ন হলো সত্যি
ষাট-বিভা	১	সূর্যানগরীর গুপ্তধন
রক্তমুখী ভ্রাগণ	১	মিঃ গন্ ডিটেক্টিভ
জীবজগতের আজব কথা	১০	কাল বৈশাখী ঝড়
উদোর পিণ্ডি বুধোর ঝাড়ে	১১/০	ডাকাত কালীর জঙ্গলে
আলপনা	৩	রাত্রির ষাত্রী
সমুদ্রজয়ী কলঙ্গাস	১	অদৃশ্য গোয়েন্দা
কবি অরবিন্দ	১	অস্ত্রাচলের পথে
বলদর্শি হিটলার	১	দেশের ডাক
রক্তমুখীপের বিভীষিকা	১	দরদী বন্ধু
নিশির ডাক	১	গ্রহের কের
বিষের তীর	১০	হাওয়ার পিছনে
ষাট্‌কর মার্কনী	১	নৈশ অভিযান
রাকুসে আফ্রিকা	১	হত্যার প্রতিশোধ
দুই ভাই	১০	গুপ্ত-ঘাতক
বর্ষমঙ্গল	৩	রাত যখন ৭টা
		ঝড়ের প্রদাঁপ

দেব সাহিত্য-কুটীল—২২।৫ বি, বামাপুকুর লেন, কলিকাতা











